

宏威自思南還分軍進逼而思南牛渡灘敵復結荆竹圍敵掠河東平頂壩牛渡灘至平頂壩百餘里皆敵蹤圍首楊德友連營拒之章樹勳惟往來河東西徽安化印江勸捐糧給軍 冬十月金太文詞鳳凰山敵乏食遣副將朱占元都司傅得勝鄧第武邀敗之乘勢進攻十八日得勝由山後攀巖抵敵壕中敵死第武旋率百長冷應宗等由前攻入敵多竄大小屯天台寺時荆竹圍諸敵由龍塘東走與隆場太文擊走之反攻大小屯吳宏威等亦擊敗敵板橋會河西敵復分黨出絲林犯大小巖關章樹勳方籌糧巖灘府城戒嚴太文連夜馳援安化縣知縣談廷桂李騰蛟等集團練禦之 十一月荆竹圍牛渡灘諸敵走援大小屯仍據塘頭分襲老木林截金太文吳宏威軍後太文等退江口敵復革老壩來犯太文宏威合拒之白馬廟初三日總兵吳宏威力擊却之追敵土地堂中伏戰死太文再退印江敵益分黨四竄韓超檄劉義方馳援 十二月白號首領僞秦王朱明月竄據桐梓鼎山寨沈宏富遣副將姚華勝援至敵方薄城華威同貴州軍事史 第二編中 十四

勝敗之退據鼎山進攻不下

同治二年癸亥大春正月十一日桐梓內奸啓敵入守者潰姚華勝率軍力擊出斬數十人委辦正仁團前知縣胡鑑在城聞變走出為圍阻回敵旋犯大林木華勝擊敗之追至鼎山副將張開友亦由斐山關攻至紅花園會華勝攻鼎山 金太文退守印江敵屢攻夫子壩并分黨擊潰磨溪嚴團營剽掠縣屬大道為梗會太文先後遣赴湖南募練千五百人始至因約章樹勳廖遇春遣團練西敗磨溪敵 田慶治遣游擊田慶祥連日擊敵兩壇堡平陽蓋頗有斬獲進攻廟壩軍功田景山陣沒敵堅守不出時總兵龍再福勸廟壩久無功將調省攝正安知州李威中復稟留率眾駐方家河不進旋分黨出再復營後偪豐樂河糧管慶治軍以糧絕遠引還豐樂河再福旋以部將劫殺鄉兵威中以加徵丁糧皆禱職 二月白號多走遵義上溪場沈宏富于鍾岳以候補知縣秦安慶馳防懶板堯初二日敵大至安慶力戰陣沒敵至忠莊鋪勢甚張韓超田興恕方檄宏富于

鍾岳剿桐梓敵宏富以營務付候補同知張日嵩遽去時桐梓敵已走仁懷何顯仕往援白號遂潰參將楊雙貴等援軍於魚洞坡及鄒開貴蘆江水營惟副將王國珍率團眾結營貓山戰稍利十四日敵悉眾圍貓山日嵩檄開貴馳援遙隔兩山虛聲應敵圍珍數重士卒饑疲多潰國珍獨持矛陷陣戰死螺獅堰板堯鴨溪皆敵宏富始檄顯仕回援於是新任巡撫張亮基至自遵義嚴斥宏富于鍾岳摘頂翎勒限剿辦宏富始馳回進剿懶板堯督軍連戰皆勝遂復螺獅堰都司沈學見陣亡全祖凱亦率四百人渡烏江進同時擊敗敵進劉銀頂山 金太文以所部二千六百人少之請募足三千剿思石徐達邦稟言思石賊以荆竹圍為最欲剿荆竹圍而大小屯躡其後故上年能軍先剿荆竹圍失利本年金太文亦未先剿二屯坐失機宜時劉義方出朗溪司敗敵兩路口至印江值河西白號結苗眾圍攻饒家壩大小巖關思南府急義方因率軍出磨溪嚴進援 三月荆竹圍敵走閱家場張家寨降敵蕭文魁復叛應之蔓延馬鞍山威同州州軍事史 第二編中 十五

威同州州軍事史 第二編中

龍頸坳陳昌運祈援湘軍會湘邊有教匪之變不果昌運乃馳江口調團練禦擊頗有斬獲未幾賊攻潰火燒橋營軍械喪失略盡昌運退保壩旺祈援於金太文劉義方敗敵大小巖關金太文圍小屯降敵內應十六日破之禽賊首李世賢等先是章樹勳密遣團總候選知縣李春華鄧人俊招劉義順孫興邦等以所屬十營降至是以思南戒嚴太文等攻不利樹勳復遣人俊等密約內應因破小屯思南團首黃雲燦等以敵等給知教黨情形請釋令為內應團敵因陳敵勢略曰竊查河西黃白青紅四號皆劉儀順黨西抵遵義湄潭南至思南縱橫聯絡鼎山白號朱明月據之高台為白號韓梁二賊老巢偏刀水為田興朝白號濟安黃號耕種其中安與凡則據林寺陳輔楊和風則據龍盤溪單家寨則單崽崽二賊直字圍據之儀順即居其中江家寨則致和團首何觀一孫繼述據之號曰老團中岑之並繼述黨皆白號也自中岑北出綠池河界西百里中南出合

朋溪東北逼思南西北界張家灣思南西入屬德興自合朋合朋西
至牛灘村十里西北牛渡灘木葉水南近思南屬單五單八由合朋
西北至大堡長安壩屬胡黑二其嚴科營平陽蓋則德興繼述雜據
之自平陽蓋西北左至廟壩右至石重蓋北西北關于子直抵豐
樂河亦屬德興諸賊以儀順爲總有輕之者亦有陽奉陰違者其青
紅諸號自上來者往來依附無定河西賊首八人有宜招有宜剿其
中又分宜以某官招某鄉兵剿者從賊所服也河東賊以荆竹園爲
最著黃平之黃號統於何瑞堂蕭桂成又有何定乾李興德之黨二
三百人頗精壯剿撫較難然出掠衆不踰千家口動以萬計糧多餉
自河西若截其糧道則易爲力荆竹園既有大小屯屯又分而有張
家寨大小屯破張家寨自孤餘若橋頂山以外則新投白號不足慮
也張亮基因以徐河清署貴東道查辦時駐沿河司 十三日沈宏
富遣張開友全祖凱擊走上溪場敵敵多竄黔西乃遣何顯仕防西
鄉 夏五月全祖凱姚華勝與鼎山敵相持不下鴨塘小水田敵復

咸同貴州軍事史

第一編中

七

間道犯紅花園團營潰都司龍統靈陣沒鼎山敵出攻二十一日各
營先後潰副將李明萬周顏遠游擊王永堂黃三多都司張繼春楊
拔先胡開國黃本勝劉校賢守備唐正位張德勝等皆陣沒亡兵練
二百餘人祖凱被創走入桐梓敵薄城祖凱等力守沈宏富時營板
橋聞警急擊敗婁山關敵進規鼎山時吳元彪駐涇潭汛樊希棟數
調赴綏陽不至部練多變結號匪犯遵義東路攻禹門寨 六月何
顯仕自逐敵入黔西擊緣匪號匪於黃泥堡沈宏富軍進紅花園遣
間入敵內應檄全祖凱等尅期會攻鼎山時朱明月已潛走正綏十
五日宏富集諸軍乘夜攻克之斬首要何元翼等祖凱等復擊走敵
子山諸敵黨鼎山平桐梓略清宏富回軍遵義適黔西敵敗回石板
場八里水宏富檄祖凱及鄰開貴遮擊敵敗竄南鄉三岔河諸團練
再敗之殄滅幾盡開貴創焉敵旋分趨老君關石牛河窺札佐修文
正綏敗敵則竄發川爲田慶治及游擊田應祥擊敗復走王家沱戕
釐局委員鄭福壽渡河由四川彭水縣去遵義略定 冬十月徐河

清至沿河司思南敵多據絲林大格沱署安化縣蕭丕基署游擊談
堯華及都司鄧第武軍功李宣忠等進剿連擊皆勝敵悉走時田慶
治同游擊田慶祥亦擊敗楊柳塘敵敵還荆竹園張亮基因檄朱占
元督辦思南軍 連日朱明月由偏刀水北據涇潭聚寶場擊潰永
興場大平營諸團旋分黨犯龍泉縣城 十一月白號薄正安城西
南倚山無壕敵尤逼東北僅溪田可守彭城募練千四百人會團禦
擊敵走合川廟壩旋分犯龍泉香爐屯因會田慶治田應祥擊走之
把總周應祥陣沒

咸同貴州軍事史

第一編中

七

同治三年甲辰春正月初八日綏陽縣知縣邵維新遣團首安
宅仁會團首守備李璠擊敗龍泉敵縣城解嚴 初十日白號犯
川東城田應祥先奔敵剽掠各鄉 二十二日朱明月襲陷桐梓縣
城署知縣徐行走免先是敵出板橋行弗爲備敵間道蘇箭棚
卒犯西城千總游起署典史黃道安及行子啓豫同團總王大衡精
作偵禦擊皆奔啓豫被害城遂陷 二月白號數攻綏陽不下知縣
李愈南遣團禦擊團首從九陳作安廖正倫均中創敗回初九日愈
南嗣敵多趨黃家灣乘虛襲取杉木壩敵遂解走遵義北板橋適遵
義西南白號方攻紅井寨復由忠莊舖犯南門關張開友一再卻之
三月初二日徐行王大衡等入桐梓縣城時敵毀城垣屋宇略盡走
屯府境剽掠鄉村署遵義知府張日崙同張開友守備蔣洪順等分
營忠莊舖黃泥鋪敵蹤及烏江大道爲梗 五月遵義白號西掠金
山樂民諸寨張開友進擊頗利 六月初八日白號入仁懷縣城知
縣馬鈞被害初黔西號匪竄屬三十灣魯般場已復有桐梓青號
餘敵自南川綦江走掠溫水桑木垭合攻縣城分掠茅台觀音場劉
汝祐始至與鈞齟齬敵既至鈞汝佑與把總艾定國等分門守互誣
誘官民意不屬先一日團首安邦雲率練百至比夜鈞不到城防盡
弛夜分忽譁傳敵已由西門入城中鼎沸汝祐遽開城逸邦雲練亦
爭出去數里始聞敵僅數十云敵執鈞索銀鈞罵敵死定國及典史

潘騰芳走出定國俄遇敵馬桑坎被害騰芳至桑木埡久之亦病死
發川敵退屯石柱埡連界池田應祥進擊中創引還 秋八月田

應祥擊破石柱埡連界池敵敵走安化新井壩發川略清 冬十月
十五日遵義白號襲陷黔西州城署知州夏成業及長女適丁氏慕

友王朝棟等皆被害吏目晏澄被創走出旋派署游擊李忠恕道龍
潭鋪土目安銘團營先州之陷也敵僅數百越日即載所掠集校場

分散颺去白號始絡繹集分據城外東山木薑貴西道沈西序時駐
大定檄副將劉正朝援剿進至武樂壩 廟壩敵竄陷龍泉團寨團

首任正琦被害復竄黃都壩壩口襲陷發川梅頭山團寨田慶治先
遣團首王作霖守備滕德茂等擊走之 十六日白黃號隨苗眾陷

大定府城詳見第七
同治四年乙丑六五春正月黔西州知州茹含章等攻沙子坡圖黔

西州城皆不利平遠苗號復過三岔河圍定南汛卸署安順府知府
畢大錫復出白巖總兵林自清亦遣軍來會敵解去剿掠一柯樹狗

咸同貴州軍事史 第二編中
場 二十九日朱明月蕭繼威羅洪等苗教襲陷正安州城署知州

楊言署吏目陸厚坤遁卸署吏目朗洞縣丞王德駿被害候選訓導
徐亮采閩家生員萬化成閩家廩生敖步瀛監生王正興等皆沒先

是去冬繼威略思小二里明月即據馬村梨埡言等久無備而倚團
紳達才連招降號匪莫飛鵬等為練屢不法至是城倉卒陷民多受

害而才連家獨完 二月何得勝黨亦自六廣河西入與白號合略
州東南幾盡已復略走鷄場逼大定擊知府鄧爾巽防軍守備譚占

魁戰沒敵張甚 瓊安諸號悉趨遵義剿略各鄉幾盡為首末玉山
橫據板橋紅花園阻入川道並薄桐梓圖過川軍蹇元淵等據雷台

教場壩斷府城樵汲遵義縣知縣馮澍率眾城守 夏四月四川總
督駱秉章奏以雲南布政使劉繼昭率湘軍自合江援黔繼昭先遣

總兵李家福率五營由南川規正安自率諸軍次松坎為聲援十七
日家福擊破安順場進老鷹巖州敵出羊坎來拒家福遣總兵謝景
春副將胡志淇參將謝景星游擊胡鳳歧等分擊都司成茂清守備

黎光甫把總鄧華書千總陳復勝戰沒景春等力擊始退景星復敗
敵石峽口千總謝華山易得貴外委吳立楷劉雲漢先後陣沒 五

月初三日李家福等進圍正安州朱明月棄城遁州城復劉繼昭檄
家福移軍綏陽取旺草自率軍進婁山關吳元彪方逼府城聞川軍

至益集湄灘白號屯綏陽東西北三路旺草馮村后水回龍寺樸老
場拒軍歡昭軍次桐梓檄參將何行保擊梯嚴敵降留軍同劉應升

及團首王大衡等攻油籬口 黔西化處沙子坡鏢口山諸敵聞援
軍將至入城欽守清軍進逼敵出擊鄧連升楊雙貴等引退雙橋

閏月初五日提督趙德昌軍至黔西擊敵不利明日總兵趙德光繼
至十二日德光夜率軍先登諸軍繼進克之黔西州城復敵分走涇

河北入遵義餘東據新場安底 李家福軍至旺草壩元彪糾宋玉
山蹇元淵高台審上黃號白號王超凡等南掠投誠之大石坎梧村寨

固壘相持宋玉山蹇元淵合王超凡等南掠投誠之大石坎梧村寨
何行保自新棧來同團眾援擊 正安白號糾安播鉢走略下方上

咸同貴州軍事史 第二編中
方出彰教壩薄縣城李廷璧同李璠等城守 平遠大虎場化起白

號旋自安順東北沿河石鼓寨擁賊七入逼府城大錫回同安順府
知府呂序程防守總兵羅孝連及趙德昌軍亦先後至禦之敵趨安

平舊州廣順去 秋八月初三日白號入廣順州署知州左茂森走
出遇敵青山被害署守備蒲景春張定國把總趙文發署吏目王其

達遁定國二女文發妻洪二子均被害初六日入長寨廳城署守備
楊清外委盧義勝陣亡署同知計遠長署守備李騰蛟逼敵出威遠

汛廬山十九日復入定番州城署知州嚴雋熙遁敵遂趨青巖羅孝
連遣軍尾追不及 九月十四日川軍病少起進攻蹇元淵王超凡

等仍剿掠反正諸寨不已 李廷璧擊賊彰教壩外委黃世鍾陣亡
安播鉢等旋因元彪招赴援綏陽去 白號數攻畢節縣城茹含章

等擊走之敵出已折平移據何家屯猪拱箐苗頗與合含章以周尙
文往襲生員黃經元陣亡 十一月初四日宋玉山自白巖率黨
數百人潛襲遵義府城踰西南府署後玉屏山入縱火城中遵義知

府倪應復及馮澍遵義協賀朝岡等出不意無所措團民拒之大十
字奮擊出之增生馮謙遇害軍功余文陣亡焚北門民屋百餘拱安
關三百餘男女投河死者數百人敵仍回樂民屯越日何行保自四
面山馳援成耀星潘長青率軍亦至回龍寺莫超宗始自陸家坳入
府城劉嶽昭稟超宗辦事有名無實大不可恃當喫緊之際反將練
勇撤散於城守漫無布置嶽昭所謂耀星長青及行保等均爲遵郡
官民遮留致嶽昭有增軍之名無攻剿之用此次援軍每月由川籌
給軍火口糧等銀六萬有奇款不爲不鉅無如時艱戒校兵力略單
不免智勇俱困亮基以省城惟趙德光一軍爲數不滿萬人餘皆零
星小隊防剿猶苦不敷難以分援委請以劉嶽昭節制遵義文武各
官遵屬軍務悉歸嶽昭一手經理駱秉章復詰馮澍以老城之失
賊不過三四百人足見平日毫無防範并指澍藉事苛派以致民心
不固亮基因撤澍任并奏超宗在遵督辦年餘所部練勇無異於賊
任用紳士王懷鈺把持一切超宗爲所鉗制致滋民怨繼藉外出益
咸同貴州軍事史 第二編中

長賊風所劉北興寨民不堪擾請革職於是嶽昭復約耀星長青五
軍回回龍寺扼都場元彪祈援王超凡出遵南劉玉龍出遵北期東
會四面山遏輝道耀星長青旋出四面山擊敗超凡洪江再會副將
劉正廷何行保諸軍禽玉龍 吳元彪叛變被圍急祈援劉儀順儀
順遣田舒文自偏刀水來會朱明月援旺草圖襲東北清軍後嶽昭
遣軍敗之於是遵義東鄉馬坎寨劉思隆即玉龍父宋玉山楊子和
張玉山蹇元淵等率西南螺蟹等二百餘寨赴府降

同治五年丙寅 大春正月初一日白號襲陷黔西州城署知州羅
澄鑑遇害署把總譚興麟把總胡廷彥外委劉洪成澄鑑幕友李厥
吉施慎齋等同被害署黔西游擊黃加富署守備張發甲遁敵旋回
打鼓新場鄧爾巽遣副將賈連升等援始至遂入城 初四日仁懷
縣羊窩大小屯號黨譚繼虞等出掠石寶寺大灘羅漢寺新授貴州
提督周達武方防合江署仁懷知縣汪麗金駐官渡塘近合江因請
援達武率軍擊敗之旋移防綦江仁懷廳團紳張廷增等稟駱秉章

略曰廳處偏隅距黔省遠兼以庫款支絀勢難兼顧自號匪據大小
屯寺縣城不守而廳境疲於防禦禦賊黨雖多半爲飢寒所迫其據
羊窩老號不過千餘而已去冬至今時窺廳城若順流而下恐江津
合江亦危請飭大兵迅復縣城廳危自解廳屬地方三里軍興以來
所募練團防堵經費俱民間籌辦長官平日所收釐金并未給予團
練四鄉疊遭蹂躪此次焚毀民谷不下數萬石民力已竭若賊詞知
則廳城不守秉章以有劉嶽昭各軍難更增軍俟綏陽復再議進取
十六日打鼓新場號黨復走陷大定府城奪情署貴西道兼大定
知府鄧爾巽遁六龍時府東有新場號匪北有猪拱箐苗南則平遠
黔西諸敵出沒本境橫匪間起城初復民多未歸敵至即入入亦無
所據未幾復走六歸河趨平遠二十二日爾巽等復入城平遠賊匪
時剗化起龍場 荆竹園敵復入石阡府守備鄭大成擊之出前浙
江按察使李元度旋自湖南率貴字四營援剿思石教匪元度先後
稟略曰貴東數年以來徧地糜爛銅思石思松諸府廳久爲黃白號

咸同貴州軍事史 第二編中
盤據出沒之地現在銅松境內無賊其通賊之三元團雷洲李丕基
等已經周鎮洪印會同銅仁府縣正法由銅至阡亦無賊阻石阡以
西數十里內賊巢環布以荆竹園爲巨巢以大小屯爲門戶又有羅
家巖板飛場三十餘處分巢皆歸荆竹園黃號蕭繼誠調遣又仰承
於統領各號僞王朱明月以教首劉儀順言爲斷亦猶楊秀清之於
洪秀全也計石阡境內不下十五六萬人能戰者數萬此外餘慶輪
頂山夔安玉華山平越上太平皆黃號也龍泉湄潭思南城頭蓋偏
刀水江家寨諸巢皆白號也下游五府界分烏江有江內江外之分
捕房思南則曰河東河西荆竹園轎頂山所謂江內賊也江外黃白
紅青四號亦附明月上至遵義下抵湄龍首尾一氣明月詭稱崇禎
十二世孫僭號嗣統三年二十三歲荆竹園北負烏江賊恃爲天
塹之固江外即白號巢穴往來接應饋糧必運烏江石阡小河曰龍
底江者一略曰龍底江北流經大小屯自兩江口東排六拉前北入
烏江江拉而西小道水道凡二百里舊爲鹽船入阡之路擬添設墩

船以斷接濟亮基以丕基等并未奉旨正法鈔銅仁府陳汝等查覆旋稟丕基等曾受明月偽封云 李元度率知府李光燦總兵王建章自銅仁分進元度建章率貴營出印江大壩場何家寨攻大小屯光燦率銳中營自石阡圖荆竹園在思南府西四十里敵分據高家田爲大小屯援相駐三元度建章分敗之大屯伍永富小屯張洪權降永富雲召子時以兆琛總辦下游軍務自沅州入至印水會周洪印天柱軍剿清台苗洪印以貴州候補知府陳昌運分一軍屯鎮遠府衛兩城 鄧爾巽率軍進黔西圖治中副將李勝山亦來會敵敵五里壩在石阡先後擊走大石壩店子場以歸那諸苗號 八月統領援黔川軍四川知府蹇閣與副將成耀星會軍新棧閣率安吉兩營忠字一營防剿遵義以耀星剿油羅口軍至小壩在印江即何元易據隘守而油羅口洞中男婦六千餘人悉願受撫耀星陽許之會劉應升亦率團來會先下附近諸寨 初汪麗金擊下羊窩大小屯以仁懷縣復譚際虞降告未幾仍爲敵據麗金走死鄉間久無耗至是

咸同貴州軍事史 第二編中

徽昭言際虞仍據大小屯汪草登等據簸箕壩大壩石洪明據萊竹山以及平壩馬滾坡羊窩縱橫五六百里皆敵期先肅清仁懷後路無虞乃能前進因檄前鋒諸軍刻期會剿自駐溫水策應 九月初七日白號與苗仲三入鎮甯州城無所掠則毀盡廟宇民居而出記名提督謝景春總兵宋華美等毀仁懷馬滾坡簸箕壩大小屯羊窩諸敵壘敵均入平壩副將鄒復勝亦毀來蘇場來會攻平壩徽昭以仁懷空虛留總兵吳安康副將楊正高同代辦知縣鍾毓珣防守成耀星屢攻油羅口不克乃積薪洞口參辣椒末扇火熏之元易及大小男婦悉斃 婺川廟壩敵掠走正安葛林窩知州彭城乞援署遵義府知府張日崙遣李得貴至 十一月萊竹山以南鉄匠平九倉壩諸寨皆降黔西下五里肅清惟上四里爛泥溝四方井沙窩大化竹龍場乾堰塘諸賊尙逼劉嶽昭進駐仁懷縣遣謝景春鄒復勝赴州會黔軍宋華美進打鼓新場 初四日謝景春等軍至黔西會圍練攻沙窩敵走爛泥溝及平遠龍場鴨池河

同治六年丁卯六七月春三月何行保等進擊水鴨子不下偏刀水荆竹園敵來援不利引退會川北警撤副將唐大有振武三營回遵南空虛蹇閣抽還行保忠字誠字安吉諸營分守敵轉攻戴家壩降民力守 荆竹園敵屢創不出惟恃河西白號給糧自固河西敵亦倚爲屏蔽李元度久住三道水至是以記名提督邊曉堂率軍六百百人及知縣彭維翰等率貴字二營同鄧第武西渡先剿河西第武前以鎮遠隔礙職元度廉其材武自思南府城至許家壩皆第武舊團因倚以爲軍導連日至小河濱鏡鏡頂寨進擊疊下河西白號十餘寨思南四境敵寨林立河西最著者爲江家寨偏刀水巖科而城頭蓋又爲諸寨最時中岑安播鉢方與江家寨何繼述等內訂遣間招播鉢而進軍擊青桐坡單家寨江家寨敵援至游擊江誠香陣沒引回元度復遣胡其慶陳茂春來助曉堂督同擊破乾溪溝游擊陳貴章中礮沒播鉢旋以所據數十寨雜髮降元度令約龍泉義勇攻城頭蓋署龍泉知縣計遠長亦剿撫附近敵來會攻不克 十四日

咸同貴州軍事史 第二編中

吳安康宋華美等進擊蔡板屯圍攻兩日敵夜走禽斬汪草登等及餘敵數百人焦連升遁走瑪瑙山團首羅源清蕭本茂等禽以獻邊曉堂遣胡其慶陳茂春同團首都司黎占魁分擊麻園溪進至羅家壩敵首單德徵以所據二十一營降惟江家寨單家寨相倚拒守抗不下牛渡灘敵時復分黨西援李元度遣副將鍾輔朝出潮砥同團首安天仁張文明等進剿不利仍退潮砥李元燦猶劄白沙廟壩敵因婺川知縣謝邦鑑出防間道走大竹園逼縣城邦鑑擊之敵走掠正安謝壩團寨出禾麻渡逼州城何行保援敗之 秋七月初三日劉嶽昭遣謝景春等進軍黔西敗敵楊柳河進攻牛場不下九月謝景春吳安康等圍攻牛場屯未下劉嶽昭復遣道具梁碩劍來助十四日遣練夜由人頭山下洞中潛抵敵營弁分軍出玉屏山攻至賊不及防遂破之禽斬敵首潘先生等十餘人 湘軍及安播鉢等始擊破城頭蓋敵走併江家寨去 十月河西諸敵與湘軍相持久多散走記名提督彭芝亮等因率軍專攻江家寨寨有田數十

百畝資以耕戰積粟濟荆竹園旁有柿頂羅二頂大小尖山諸寨總名老團白號首何冠一繼述父子據之歷十年寨前大頂絕險芝亮遣鄧第武選百人聯繩附葛擲火燒敵房敵亂胡其慶等乘之大頂潰繼述退芋頭灣李元度復遣知縣裴鏞及游擊戴萬勝彭德清何雄輝副將李昌福潘楚棠總兵丁文友等馳攻柿頂羅二頂敵堅守不下十一月李元度以江家寨久不下撤水師李寶坤由桶口進雲山寺牽敵援彭芝亮督軍分攻柿頂羅二頂偏刀水荆竹園敵來援芝亮敗之遣鄧第武等襲破羅二頂初七日遂克芋頭灣大小尖山諸寨皆先後下禽斬何繼述子鳴鳳繼述遁軍家寨賊不納復走龍盤溪河西餘寨或剿或降惟偏刀水軍家寨巖科大堡牛渡灘猶拒守寶坤時擊破合朋雲山寺進一碗水元度令沿江上駛數十里拊荆竹園背芝亮等東渡以攻荆竹園之前

同治七年庚辰六月春正月初四日援黔湘軍統領席寶田既會李元度攻據黃號荆竹園老巢分下羅家巖七寨並判官頭二十餘寨咸同貴州軍事史 第二編中 五

比夜再破軍家寨軍思患二何繼述劉儀順走偏刀水羣敵分走水源溝巖科玉華山上大平轎頂山寶田元度會軍進攻轎頂山以彭芝亮率章貴軍七千出軍家寨攻偏刀水寶田出龍溪牌坊營沿途招撫江外脅從諸賊高台弄正邦辜正邦及湄潭唐忠皆來降 二十八日席寶田督軍克轎頂山禽教首石廷士馬文租等斬之餘敵走猴場玉華山會璧光以玉華與開修僅隔一江以提督張文德馳防江口文德遣副將戴榮宗游擊滕代榮赴開州據真武山並規鼎照 二月席寶田破走諸敵軍銳甚至是以鎮遠苗敵犯沅州遽回軍轎頂山仍為敵據時思州敵復出牛場坡金大鵬被圍孝連解之九松旋至擊潰防練犯府城據柑子衝會寶田前軍撤回擊敵寨杉場敵由茶店走楚軍遂回於是黎平敵復掠走孔團丙洞署參將李秀祥乞援沅州寶田撤防遠口總兵李金榜以七百人馳赴兵少不能進南路敵復陷忠義大團七洞 柱敵仍出遠口金榜復馳回又苗首羅洪亦以數千人走合永從六洞都江敵仍出古州六洞敵

以下三洞為最強湘邊防軍駐平茶且為四脚牛高報敵牽制不能分援賽閣以三營防避義安定諸營未到軍單不能進取李元度催會剿且以偏刀水後路無兵慮敵他軼二十四日閻遂馳赴樂營寨以都司田應豪赴高台就下游降眾無歸者選精壯七百餘人練成軍時元度軍屯偏刀水攻東南北而慮西路覺林寺及水涯子龍鳳諸敵遙應閻因遣千總李元隆戴振邦率練軍分進并檄黎佐清移牛場應援元隆及降人聶定邦等招降龍鳳松烟六賊營 三月初一日聶定邦等進擊覺林寺敵乞降朱明月潰圍南走定邦邀禽之龍鳳寨明月本姓張名保山遵義火燒舟人以罪徒外報回與劉儀順并起據鼎山為白號首至是伏誅既而覺林寺降眾不堪湘軍虐逃去數百人駐屯山賽閣給口糧拊循之時統領援黔川軍四川候補知府唐炯以總兵劉鶴齡自碁江先進沿途收撫四十餘寨初十日抵偏刀水十二日炯亦至偏刀水地狹而長初蔣玉龍扼險築壘軍潰為敵據益修治分八門守敵眾皆黃白號湘軍屢攻不下都司

咸同貴州軍事史 第二編中 五

李威武程修武譚品芳守備張怡鳳等先登並沒士卒多死傷復以開花礮急攻敵驚呼為天礮頗畏之王超凡集荆竹園諸逸敵圖來援炯及鶴齡等軍扼南路防之何繼述何發喜田應武王禮廷遣人赴營祈降炯函約李元度來會商元度時駐雲山寺距軍百八十里以病不至彭芝亮等意主戰炯因不許敵降會攻掘長濠困之起凡援至六郎屯炯遣降人李明遠先據屯守復檄參將吳洪貴已革知州顏佐才等取趙家營扼敵來路又約閻乘超凡出援遣軍進取椹木園水源溝黃號閣以何行保取猪場游擊鄒紹南及田應豪取銀瓶壩敵皆走閻旋馳至羊義坳時敵多集烏江南惟椹木園水源溝在北閻復約炯分軍助炯遣振武軍唐大有赴之 二十六日偏刀水敵乘大雷雨突楚營湘軍發洋礮疾擊敵多傷都司戴富魁守備鄧金養陣沒敵轉犯川軍營劉鶴齡卻之 夏四月初二日川湘軍會攻偏刀水川軍前隊踰濠抵壘下敵悉眾出拒湘軍未集不利却回劉鶴齡及陝西候補知府張玉文候選縣丞于德楷再進力擊敵

敵唐炯及鶴齡以敵阻長濠走無路勢將死拒而湘軍以餉匱飢疲慮有失因去敵濠十丈樹木柵掘地道困之時王超凡等已渡烏江攻猪場何行保以敵衆固守黎佐清等馳援敵牛矢溪進至七里許大關頭中伏大敗還炯所遣唐大有軍適至始退初六日起凡復犯羊義坳蹇閻軍後佐清馳援至伍家坳不能進復回銀瓶壩約鄒紹南田應豪等簡軍伏伍家坳更進擊超凡重創敵去爲帥王建芳祈降炯再檄吳洪貴顏佐才等合湘軍擊破觀音營超凡遣敵來爭洪貴等敗之黃連壩李明遠陣沒水源溝橙木園以觀音營黃連壩爲門戶後負袁家渡江界河退結玉華山上大平諸敵進與偏刀水廟壩敵爲援觀音營下敵門戶遂失十五日諸軍乘勢進攻水源溝橙木園敵立駭潰超凡等退袁家渡南走甕安江內去炯以振武三營扼防江口因稟巡撫曾璧光略曰橙木園水源溝各降衆中可選用者不下二千餘人急宜早爲布置一旦客軍他去此屬必仍據而爲亂現聞憲台委員在遵義募兵愚意與其收合游勇難望成功不咸同貴州軍事史 第一編中

若部署降衆以賊攻賊今日之計未有便於此者 初炯入黔時慮廟壩巖科白號乘道間張預遣同知鄧錡馳赴正發龍綏涇界之土口圖之復請檄防涪南之總兵成耀星副將熊英豪參將劉順等易剿爲防與錡會辦錡駐軍黃土壩闌于子學堂平十餘寨先後皆乞降復營遏毛龍蓋擊下巖科李元度時遣軍擊安化大堡牛渡灘會濟安號敵何永華等來降旋導楚軍襲破大堡禽胡黑二及王茂蘭田修武諸敵首單光明文朝秀亦乞降黑二以濟安團叛十餘年至是伏誅於是偏刀水敵既失王超凡之援又失河西之應勢益蹙閏月川湘軍急攻偏刀水敵外援已絕而僞王向成高等猶力守唐炯密遣間誘降成高爲應敵內亂彭芝亮至是亦降遣間招敵許以不死敵無守志初五日鶴齡芝亮等督川湘軍分道攻入禽寄信王田應武黔陽王何繼述元帥何發喜何興儒軍師老教主王禮廷李長俊等殺之降其黨七八千衆皆免死雜髮分遣回籍收成高等入鶴齡營 初崇實奏以炯籌辦貴東善後炯因條陳事宜上言祇

任軍務請另遣大員籌辦至是暫以本地善後付龍泉知縣計遠長涓潭知縣張聰蘭遣參將周萬順赴廟壩助鄧錡 十二日先破走新田頭馬道三道過敵前鋒乘勝進攻廟壩降敵田至嘴開門應鎗軍入敵首李志高遁嚴科餘悉降 十七日鎗再進擊雨壇堡敵力拒會總兵劉子貴等出關于子萬順至平陽蓋問道合擊敵敗去旋執宋老帽等出降餘皆就撫於是李元度撤軍回湖南留章貴六營三千人以副將鄧真發柳大福扼守河東荆竹園以總兵黃開榜副將袁有各扼守石阡以芝亮率軍剿辦嚴科芝亮軍至巖科敵悉降正安婺川白號平 六月炯軍直抵玉華山遣降人環呼有兄弟親戚者悉來歸敵愈蹙文定王陳紹虞執殺人王王超凡降 二十八日破巖門關老教主劉儀順及覃思慮二問道走炯亟令降人劉俊民等追至楊保河擒以獻解儀順至成都殺之 附錄

黎庶昌禹門寺築寨始末記曰嗚呼軍興以來圍練禦賊者衆矣而以一鄉一寨枝柱十餘年幾與全省兵事相終始吾鄉禹門者蓋亦罕聞云咸豐四年八月桐梓茲民楊龍喜作亂破縣城出婁山關進窺遵義據雷台山圍郡城百二十日浸及於吾里里人就禹門寺設局治團練禦賊於是是築寨之議禹門寺者濱臨樂安江峯嶺起周回里餘澄潭曲抱上有古寺頗壯觀曰禹門國初高僧丈雪徹智駐錫之所西距郡城八十里北距綏陽五十里東距湄潭七十里吾黎氏舊居左障山也明年春賊解圍遁築寨議尋罷其秋楊龍喜平下游苗匪教匪相繼起教匪陷銅仁思南石阡思州苗匪陷丹江入寨古州清江台拱施秉都勻黃平清平等府廳州縣七年黃平平越流民糾合教匪內侵官軍禦之於重安江失利遂陷黃平舊司據甌安玉華山爲巢穴同時思南人安某立靈覺團與鄰團不協鄰團以反狀告知福全謀執之安民陽爲應募入城殺知府以叛別有劉依元者本涪州教匪爲州官所捕名逃至思南剛家寨依油匠

何工顏以居仍以燈花教惑眾共劫大團名志和與安氏相比附其不入教者又聯餘慶施兼思南龍泉數縣人為團以時和年豐民康物阜公平正直普樂咸熙十六字為號別稱人和紫七八萬既而兩團交攻為安氏所并八年進圍龍泉陷印江石阡由黃精樹犯湄潭之偏刀水偏刀水巨集也提督蔣公玉龍軍此年餘戰敗遂為賊踞自是賊之在玉華山者目為黃號賊之在偏刀水者目為白號而安氏所有之賊目為老號玉華山賊以沈中和賀大六為首沈賀死何二強盜殺人王王超凡及陳某傅某石某等統之各擁眾稱王為省門巨患偏刀水之賊劉祖祖何工顏楊和豐再入閩王秦思思二等統之劉祖祖賊中呼依元之稱也後二年新舟場入張保山本江西賈人子充團首不法為遵義縣令鄧公爾異所斥乃往投白號詭稱明代後裔眾惑之尊立以為偽秦王總其眾號朱民悅或稱朱王鐸嗣統錢散行使民堅其信時湄潭思石間羣盜如毛獨龍泉人李璠結團固守拒戰數年龍泉無恙遵義與湄潭毗連恃三渡關至山羊連山百餘里為之障自乙卯以還四五年間吾里雖未遭賊躪然其間楊龍喜餘孽如鄒辰保楊應陸之踞桐梓落水洞何元驥穆明王之踞綏陽川主洞蠻王洞王龍之踞正安鼻孔山石筍官軍次第討除無不徵調鄉團防堵險要七年秋余兄庶蕃又募勇隨縣令江公炳琳勦賊甕安之上塘每有微發禹門寺率為東路兵饋會歸九年冬黃號賊渡羊崖關犯遵義江公拒戰兩路口失利死之擾及東鄉焚蝦子場庶蕃以鄉勇要擊於水白渡羊舞場賊旋退白號賊亦進踞孫家坡綏陽縣令秦公安慶破走之屯先鋒營以蔽湄潭十年十月又破之羊山口斬賊首伍得勝是歲也廣西賊偽翼王石達開自泗城竄入興義貞豐破廣順走黔西大定窺四川而提督田興恕為欽差大臣勦賊檄總兵沈宏富統虎威軍進攻玉華山相持年餘不克退還遵義初平越人吳元彪以策干蔣公玉龍蔣公謂

其有反相不用又走遵義說當事者悅之命將二千人往屯高壘窺上元彪為人沈勇有急智數計審賊賊恨之甚合黨絕其饋道元彪乏食引還秦公解湄潭任先鋒營亦散遵義防弛十一年冬黃號賊乘勢趨渡上關安白兩號賊趨三渡關五里坎大板角分道入寇從兄兆祺縣人張師敬各率鄉勇禦賊於高洞子三渡關皆潰於是張保山據七星坡楊和豐據驪龍壩連營百餘里綏陽縣令于公鍾岳兼攝遵義湄潭正安三州縣事親率所部駐禹門分遣把總吳元彪都司鄧開桂屯金盆山馬鞍山沈宏富亦遣都司左近光屯宋家壩吳元彪攻賊於皂角堰以除夕拔之報龍大勝于公方移屯而宋家壩不守他鄉勇之往營牛心山者亦不能軍偽秦王張保山理由楊柳田上據禹門寺同治元年正月十日也于公還軍綠塘河余兄庶蕃亦募勇出張飛隴約周開桂三面急攻賊遁仍復禹門寺吳元彪攻拔蘭牛坎驪龍壩疾襲張保山走之遂營七星坡正安人胡先紹先科率團練來援破賊於麻家壩遵義復無賊然險隘俱習賊時去時來不常其得失來則所在焚掠團練禦之亦退由是築寨之議興矣于公之任遵義也屢勸鄉人仿古堅壁清野法修築寨堡自衛示三出而眾莫應至是余兄庶蕃從兄兆祺及里人劉漢英首任斯舉相度形勢就禹門寺築寨鳩工積石閱五月而寨成為門者四濠牆樓堞皆具巋然一方重鎮矣同時興起者樂安里則有綠塘河白泡塘新舟場馬鞍山龍坑等以數十計而禹門為最大東隅里則有東泉東勝東平等以數十計而東泉為最大置守粗備秋閏八月石達開再由四川入遵義稱號十萬逼郡城城無見糧大恐于公檄調禹門團練助濟軍食兆祺以三百人運糧往與賊黨遇於米泥壩力戰一日夜卒護入城人心始定鄧開桂屯城外紅花岡賊張黃蓋登插旗山以瞰城城上發礮轟擊稍引卻又爭開桂壘開桂出戰殺數人賊無意攻城數日釋圍西走所過鄉寨有施放鎗

破者輒搖手止之或僅索酒食復趨大定入雲南其餘迫近禹門北祺禦之繳水敗還再發精銳要之賊已不宿而去二年正月東隅里人吳某誘高臺白號賊入寇與禹門團練戰於大水田賊敗走黃號復犯忠莊塘鄧開桂等挫衄遂徧擾縣西南境已而黃號聶定邦與白號爭高臺定邦破其十三營據有白號之地黃號益強威至五月而吳元彪又反先是元彪至遵義乞饋于公陽應之沈宏富惡其爲人以其事報下獄其黨藍山虎等乘不備破獄出元彪遁回七星坡據營以叛知府張日嵩欲和解之使人持五千金往犒元彪得金益張結盟與黃號賊合心知禹門必爲患害首遣其黨李春山萬得勝一夜行八十里襲禹門昏黑中賊已登陣守陣者始覺團勇奮起殺賊賊退再三再之七月元彪改計攻經隆亦不能下遂據鄭家場大收其殺誘脅羣寨左至雙洞門右至堆蓋堡或破或降或觀望新舟場向與禹門犄角亦反爲元彪獨禹門傑然與抗其附禹門

咸同貴州軍事史

第一編中

三

者西路綠塘河一寨而已元彪使人說黃號專力禹門黃號亦利禹門有積蓄率衆來攻噉斃其賊目賊退遷怒他寨遂屠白泡塘三年春元彪與聶定邦有隙定邦攻破元彪雙洞門元彪亦襲聶定邦紅心寨定邦救復之攻元彪黨李春山元彪詐爲黃號旗幟往助戰突襲定邦定邦敗走元彪誘白號賊平定營叛將劉名貴共擊雙洞門定邦不能救雙洞門復爲元彪有八月元彪再圍綏陽知縣邵公維新與邑人廖熙麟誓以死守其冬縣降人宋玉山糾合黃號於寶峯山寇掠東西南三鄉破數十百寨殺戮甚慘禹門益增守備築甬路屬之河以防汲道綏陽被圍久邵公四出乞援從兄兆祺以團勇赴救賊益廣白號劉名貴石先鋒等分擾四境屯繳水黃魚橋以阨外援阻不能達城中糧盡斗米值銀八兩餓死者相屬四年二月二十三日城陷邵公死之方是時禹門一寨北拒吳元彪東拒白號東南拒黃號環三面皆賊居民晝則疾耕採樵夜則分陣守禦危苦

萬端兆祺等數以大義稱說激勵寨中人皆曰誓不與此賊俱生其守益固二月十九日黃號賊大股來攻寨中出三百人與戰奪其營帳數百賊退屯龍坑距禹門十里賊因其糧日日索計火龍坑營引其黨近萬人直屯於隔江之大山坪與禹門相望示無還志數日又渡江營於寨旁之驛子堰後岡樵採道絕庶蕃等飛書至郡乞援郡人王藻章以壯勇三百來赴事益急使練總鄆正家募敢死士得百人乘夜登後岡逼賊壘而軍各持門扇籠之屬累土填石相距咫尺賊覺來爭刀矛接於肘腋間皆殊死鬪不退比明營成而賊氣大沮寨中多草舍賊自岡頭以火箭射入皆及濠而顛否則過越寨西未嘗一著草木又發大礮轟賊不知其先已入藥再食之礮炸而飛未傷一人論者謂有神助庶蕃等計議以爲賊今致死於我我不一大舉與決雌雄寨終不可保也五月八日悉發精銳分兩道出攻賊奇

咸同貴州軍事史

第一編中

三

兵別從尙水渡戒之曰草山以望我軍兵既交則疾出賊後斫其營縱火燔之雖死勿退賊戰正酣忽望見火光大驚反奔寨勇蹙之遂平江南各壘驛子堰賊亦潰退屯車水迎水棧寨首苟雲九素與楊大二有讎聞禹門寺破賊聲威大震來約濟軍潛往襲車水迎月既望又拔之楊大二黃號悉遁回高臺凡八十八日而圍解寨勇傷亡者幾三百人綏陽之初陷也聞楚軍統領雲南布政使劉公嶽昭駐軍蒸江幾半年號爲援黔以不知虛實不敢進禹門寨首合謀遣綏陽附生楊遇澤遵義人劉應奇等齎蠟書往通消息進兵行至七寶寨五人者猝遇賊死余兄聞而復遣健往詭裝爲丐乃得達七月楚軍至綏陽合圍數月不下劉公問計於禹門寨兆祺庶蕃等獻言曰綏陽城小而固吳元彪亦悍賊也堅忍善守然其城在平地近黃魚橋河源兩界有山下流頗狹若從黃土坎一帶築壩束水灌之不可戰而克也劉公從之綏陽圍攻正急宋玉山復誘黃號自南鄉

入襲破郡城北門為城圍擊退劉公分軍往援五年壩成其夏
水大至淹城不沒者二尺許元彪懼率劉名貴等降綏陽克復
八月楚軍入遵義南鄉賊宋玉山等亦降遵義肅清禹門寺解
嚴鄉人始下寨東南猶時時小警然賊到而希矣余以咸豐庚
申去家至同治六年歸自河南曾文正公軍幕覽戰爭之遺蹟
睹城堞之猶存慨然想見鄉人百戰艱難守死勿去之義郡城
之不一禹門一寨之力也而其事終始不獲上聞塞始有二千
餘戶丁壯數千人及是而罹於兵罹於饑饉罹於疾病枕藉如
山死亡不可勝數而賢人君子若余世父雪樓府君從兄伯庸
兆勳胞兄魯新庶幾及大儒鄭君子尹珍先後皆隕沒於寨數
百里內外殘破創痕豺虎縱橫蓬蒿滿目國中終日行不見所
識天運人事足以悽愴傷懷矣於是追述始末粗備掌故元彪
後改名奇忠從劉公入雲南肅清大定以西每戰先登累功至
督標中軍副將里人黎庶昌記光緒八年六月

咸同貴州軍事史

第一編中

五

鄭珍巢經巢遺詩題自作禹門山岩圖云禹門山巖嶺迢迢
道場地之幽勝回為探險類樂臨之影以古柏蒼蒼然環東而
南去諸佛窟藏之絕壁險峻不若高仰江聚居城峻峭
易近自己未來神人若逐涓滴山峯不因其高仰江聚居城
作此山中戶人其屋三間當大回之頂余獨守自遊城依母亦
此赴成都就院花之約妹以我無居留此小住元生歸然見
鴻雁爪一印丈餘幾雲隨筆塗山故者愛而見
三月始二年 吁嗟生不辰將老逢百罹漫謂書上辭乃今親此
事三年厭避亂其禍日加厲何時置老夫西指草堂寺春風吹
孤雲忽墮蒼巖際 平生楊妹子自小親愛殊古來中表間兄
妹如此無各以畢婚嫁白頭弄孫雛相看豈無命時運堪嗟吁
回思十載前豈料爾此廬匪為爾此廬吾豈就爾居人事難逆
計苦業須消除枯魚且相沫後此知何如 此日是何日此山
是何山新林靜潭影好鳥鳴關關三杯出斯圖撫之慘我顏編
茅二千家強半皆飢瘠惜余非著域曷以扶汝孱慈海上人
遺影留此間當年菩薩果不忍聽草管叱叱三生石漫言無往

還

又三月初四攜家自郡歸及禹門山住湘佩表妹寓舍擬居數
日即避亂入蜀旋綏陽道梗不能行因遷米樓於禹門四月朔
入居之讀元遺山學東坡移居詩感次其韻云舉室赴蜀都渴
家別荒萊踟躕舊山堂緒基長莓苔茫茫風塵內何處安吾齋
里寇誠可畏先塋尤可懷顏生務傳業不欲顧朽骸我意
殊不然漁者終戀隈四方誰樂土矧乃氣寡諧本擬哭墓行卻
仍守墓來播遷吾憊矣天眼何時開 蒼蒼禹門山已家二千
餘買屋我無錢編茅我嫌居午山池上樓讀書之所於劫火蒸
不到寬潔無此如移既省工費成亦幾朝哺我西即妹東中間
地頗舒因之置廚竈建除甯復拘寢處夏已適一笑僮石無菽
麥秀未實稻田待犁鋤我懷王孝孫殺牛而責車未必遂如此
忍飢且排書 我亦書滿牀我亦物滿箱惜我非遺山照世有
文章畫祖愛巢居歷劫同金剛海岳木蘭詞一字一玉英堂堂

咸同貴州軍事史

第一編中

五

小韓子萬古神鸞翔更有衣雲倪復得漳浦黃浩氣濯元精煙
墨何淋漓阿房脂秦瓦曾見無且囊商鼎銘父已恍聞和羹香
高樓風雨來牙籤動鏗鏘左右盡古人坐我於中央若非值亂
况容易此年光 念自西徂東我年方舞勺菜畦爭毋鋤花援
助爺縛圭灣廿載餘樂於金滿囊一從兩親失恍若無依託營
成子午山兒長頭漸鶴誓言守松楸庶免填溝壑豈知世倏變
亂况削日薄共求含性命未暇怨藜藿因懷太平日方知貧賤
樂傷懷虎般彪遠逝意已罄安見非鬼神暗憐為所命大海搖
黑風藏舟且潛泊不少古之賢幾曾死天虐 黃九與唐四冬
來書屢餉促我赴浣溪勿到桃花浪羣賢正相待星聚井絡上
昨日又書來已作半途望豈知徒兩思女怨夫亦曠殷勤良友
心感激不能忘獨怪岷峨緣如海求方丈幾度風引卻春江空
益益終尋祖師迹此誓故不忘渝南俟氛靜或當勇秋鞅明月
平羌水勝具老猶強擬攜媚學子先訪可龍葬此屋聊小佳苟

咸同貴州軍事史

第一編中

五

且非垂創 黔賊如亂流愈治愈無歸豈無閉塞法劣吏安得

知書生敢妄言出口即怒譏我里苦涓賊涓賊實由饑舍田食
人田可惡亦可悲斯塞聚殘破黎第為之尸能使毒攻毒詎非
忠信資紛紛功利徒誤國以營私肯信東長生竟致甘雨詩祭
形不去墓所望賴有茲世道豈長亂良臣誠可思王官既難恃
庶人可為之百端榮我賜終日撚我髭少微方照人此世豈易
辭 三日上松厓五日過團湖朝往日日落還夫婦相為奴回首
廿年事處處增感歎青山不易居白髮不可鋤休誇樗里智漫
恨北山愚惟有頭上翁處置吾不如 東坡處承平得禍福亦
隨江山與朋友天固縱所為遺山歷喪亂晚歲思有貽築成野
史亭著述自娛嬉我今視兩公餘緒未能窺疊疊移居篇一讀
一再疑天生獨角麟珍護在不移如何投九死不獨凍與飢信
有萬里姿必加千丈羈而我何為者尺鷃不過籬亦復逢百凶
將老無所歸巖樓傍佛日汎舟寧久維安得回道人示我石榴

咸同貴州軍事史

第一編中

五

皮寒餓料不免苟全良所期多見幾回墓此外不必知
成山老人自撰年譜云戊辰年四十歲初駱公嘗謂黔亂皆起
於州縣使百姓不能不作賊又謂蜀財力無多自顧不暇何能
飽彼黔壑故不協餉不發兵但於蜀邊敘永葭合以至涪彭西
秀沿江二千餘里設防萬不得已亦止駐兵遵義而已至是崇
實公權總督以度支日絀問余何術理財余謂沿邊設防歲糜
餉不下百萬州縣團防經費不與焉於黔無絲毫益而蜀已大
耗長此不已蜀將坐困脫有化警何以備之是今日理財莫若
節用節用莫若裁勇裁勇莫若援黔為議上之崇實公乃定計
大舉援黔委檄總師以進公問用兵幾何余曰萬二千人足矣
他日須用降眾今且募千二百人便制馭化營因請果毅營劉
鎮鶴齡偕湖南澁浦人所部三千皆黔人崇實公復檄唐大有
振武軍千五百人聽調遣正月至渝募黔人之避地敘蘆者千
人為安定中營副中營又二百人為親兵二月中果毅營自通

咸同貴州軍事史

第一編中

五

江拔來初台拱廳以徵糧激變黑苗其酋稱九千歲剽悍善戰
古州八寨上下江丹江黎平苗應之陷鎮遠施秉黃平剽掠及
於湖南沅州都勻麻哈獨山教匪繼起潘名傑為其酋既而思
州徵糧激民變思南石阡涓黎教匪應之帕首皆白稱白號其
酋張保山田應武四川提督蔣玉龍兵潰偏刀水白號益熾遂
以偏刀水城頭蓋為老巢鎮遠施秉黃平平越魏安都勻麻哈
獨山漢民無所歸者乃屯聚尙大坪玉華山大小兩輪頂山檀
木園水源溝為老巢跨據烏江南北兩岸稱黃號何得勝王超
凡為其酋僑公侯將軍元帥不可數計而何王兩酋最悍始與
苗教相攻繼與之合陷開州修文清鎮黔西涓潭甕安平越蹂
躪偏貴陽大定遵義三府剽掠至於蜀邊敘永葭江城下潘名
傑者都勻鴨患苗與黑苗爭麻哈連年相攻既擊斃九千歲遂
雄據都勻貴定麻哈以貴定為老巢上游則回匪據興義府城
餘皆仲夷保險自活劉宜順者四川涪州人倡為燈花教徒黨

咸同貴州軍事史

第一編中

五

徧川黔秦隴兩湖為紳團捕獲知涪州某牧得其賄縱之遂逃
於黔諸賊奉為老教主稱以劉祖租當是時何得勝張保山皆
前死楚軍破城頭蓋進攻偏刀水黔亂十四年饑饉疾疫相繼
白骨蔽野賊亦厭苦甚思反正特偪於苗又慮反正後官吏紳
團追仇前事而降者官軍輒掠其婦女牛馬以是輒復負隅偷
生議者謂大軍宜從涪南進攻嚴阿廟壩先固蜀邊余以為我
軍直指涓潭會楚師賊將斂而歸巢偏刀水下嚴阿廟壩料理
極易譬如伐樹當先其本根乃遣人持旗榜招諭嚴阿廟壩賊
緩其謀而令劉鶴齡率所部出桐梓急趨涓潭會楚師圍偏刀
水沿道賊寨隨宜撫下禁止禁掠是時覺林寺降楚軍肆意虜
掠婦女徵派米糧降眾悔恨約斷其歸路與偏刀水賊合覆之
既見劉鶴齡至軍嚴整謀乃寢余以三月十二日繼至遂合圍
城堅濠深四面水田攻之不下王超凡糾苗賊數千來援乃分
軍逆擊連下六郎聖趙家營猪場馬望山羊又均觀音營黃連

壩等巢收撫茅坪一帶五六十寨四月十五日乘勝攻拔橙木園水源溝王超凡遁玉華山附近礪寨皆反正總計男女老弱數萬人量爲安撫分遣同知鄧錡字伯平率果毅副中營後營往勸廟壩等賊於是偏刀水外援斷絕乃密遣降人龐向忠往構間賊黨內亂閏四月初五日向成高開門納官軍男女七八千人降斬首逆田應武鄧錡亦攻克新田頭馬道廟壩兩壇堡四堅巢招撫二十餘寨嚴阿大堡降於楚軍於是烏江北岸肅清無賊師行甫兩月云崇實公以聞蒙恩賞兵備道銜余集降會詢以玉華形勢攻取方略僉云玉華山居平越蕪安開州餘慶四州縣間巢穴險峻林箐深遠背負尙大坪前阻老鴉山左有石阡大轎頂山右有開州小轎頂山爲之犄角周環數百里寨堡如林往年貴州總兵沈宏富擁兵萬餘攻戰連年卒致糧道斷絕全軍潰敗良由官軍全聚一路而蹊徑叢雜首尾狼狽今宜分兵三路以一軍攻其前兩軍分勦兩轎頂山斷左右臂

咸同貴州軍事史

第一編中

五

然後繞出其後奪據酸棗坪長安營從高擊下事蔑不濟玉華既拔尙大坪雖險勢成孤立可傳檄下也乃留軍扼龍坑江界河袁家渡而與劉鶴齡赴遵義籌畫採辦轉運又遣軍渡烏江自老軍關至貴陽剪除荆棘隨宜搜勦以通商旅盡五月一切粗備而江外漢苗譚光前等五十餘寨來投皆給以旗榜令俟官軍渡江倒戈以應乃令諸軍分三道定六月初八日同時渡江並進導以降人於是鄧錡自袁家渡渡江譚光前等響應連下天文木老坪興隆堡平溪等十四寨復甕安縣城至二十日拔大轎頂山餘慶掃境肅清唐大有自龍坑渡江連下大營山雷坪宜池金塘高園乘勝撲桃子台我軍小却其時蹇閣所部安吉營尙未渡河振武單薄乃分遣知府張玉文帶兩營自麻池壩會之連下巖坑勝王等六寨拔小轎頂山至二十日青岡龍頭壩等十餘寨皆來降遂由龍頭壩進規尙大坪開州掃境肅清劉鶴齡自江界河渡江連下吳謝坪官塘深溪等八寨十

八日夜襲奪長安營余十八日渡江二十日馳抵長安營斷其汲道分遣降人呼其兄弟親戚紛紛踰巢來歸僞文定王陳紹虞率黨禽獻王超凡甕安掃境肅清安撫既定乃留鄧錡駐甕安縣城備黃平諸苗自與劉鶴齡于德楷等會張玉文趣尙大坪先遣降人劉俊民王虎臣持諭曉譬何得勝婦何黎氏二十八日開門迎降劉宜順乘間由烏郎逸劉俊民追至楊保河生禽以獻檻送成都伏法崇實公以聞前甕安克復蒙恩賞按察使銜以道員請旨簡放至是又蒙恩賞二品頂戴法克精阿巴圖魯勇號是役也我軍不滿六千渡河甫二十日而十餘年倡亂老賊如劉宜順十餘輩或禽或斬無一漏網著名老巢如尙大坪玉華轎頂一皆掃蕩老弱男婦十數萬人安堵如故以開示誠信撫用降人如親子弟爭機赴會兩驃風馳諸將領咸受約束數毫無犯亦由崇實公委任專一所謂必行也及九月總督吳公棠視事機緘深閱翁張變眩黔諸大吏復深忌余凡可

咸同貴州軍事史

第一編中

五

以齟齬者無不至遂齟齬顛倒而不得竟吾志矣藍廷玉鄧家隊平黔戰事記鄧第武事略云先是四川白蓮教匪劉義順漏網竄入貴州陰結龍泉縣姦民何公言粟官以立團爲名偏刀水以上曰覺林團大堡以下曰濟安團江家寨曰致和老團連袤數百里聚黨累萬突於咸豐七年丁巳十二月初七日謀反直陷思南府城知府福奎被戕經歷鍾策勳全家十餘口殉難把總趙以成舉人金世瑞赴水死城中男婦死者不勝紀其餘文武各官皆負印以逃同時印江縣亦陷蓋承平日久官民皆不知兵匪勢既張肆行屠戮鄉團皆望風納款公時年二十有三卽挾義憤密謀搜勦之舉以勢太孤尙未敢輕動也咸豐八年戊午孟春劉儀順遂自稱老祖祖封公言爲大老闖其子劉么老爲大元帥公言之子繼述爲黔陽王以下遞授僞爵有鄉正元帥將軍千里等目民苗起應者以巾色青黃白別爲號於是黔省上下游匪蹤幾徧時石阡府城亦陷賊

咸同貴州軍事史

第一編中

五

勢亦猖風聲鶴唳草木皆兵鄉民晝夜惶惑莫知所措公家在石阡府屬江外之大坪地舊有團曰人和異匪勢多欲納款免禍公兄弟三人獨抗言曰從賊而生辱甚於死大丈夫甯死不為也且我輩世為良民忍為匪耶不如齊心抵死相抗我有薄產願暫供軍食儻得官軍相助一戰而勝固善萬一不濟死亦香耳衆壯其言於是選勇敢者得四十八人即夜削竿為矛斂刀鎌為短兵令老弱者擊鑼以助聲威劉公老聞之即派偽安龍元帥率衆三千突馳而來公出迎擊大破之斬偽安龍元帥追襲十餘里匪尸枕藉由是聞風反正者踵至不數日所集不下萬人當逆匪初起屠城略地勢若燎原未敢當其鋒而公獨一戰而勝劉儀順大驚率黨圍攻青岡坡團衆復解公見人心未固且無險可守乃於二月初八日率所部四十八人歸饒以爵以爵者思南舉人奉府檄辦團練得鄧軍喜甚以公伯兄弟宏充隊長三月十二日以爵督團進勦河西賊巢鄧軍為先鋒

出思雄關連破賊巢十餘處日暮賊潛至我軍且戰且卻第宏身被十餘創猶持矛以護歸軍賊叢刺之忽踣墮急溜死衆軍歸公不見兄詢及軍士初多諱之繼得實乃躡踊繞隄求尸不得幾不欲生賊復分道襲我後公弟第舉堂兄第甲與賊戰於許家壩同日陣亡公聞之益悲忿噴血死而復甦入白饒曰兄弟皆死於賊何敢獨生願分軍殄逆報仇且賊已分股襲我後可乘虛搗之亦釜底抽薪法也饒哀其志善其策許之俾補隊長自是戮力桑梓有功於黔下略第武字止侯石

楊彝珍鄧家隊平黔戰事記題詞云粵寇千紀師久無功峒苗竊發首陷思邛思邛江外公獨仗戈不甘納款抵死與抗輒先右袒登壇誓衆敵血為盟腰鎌柴斧悉成利兵躬帥虎威號鄧家隊賊聞落膽不戰而潰俾失所據焚彼老巢省會始通軍心不搖偷越重圍礮石如雨我軍適饑塗拾破釜摘彼樹芽圖充一飽救死何為藉彰天討賊黨四竄暗伏山凹地稟草樹惟見蓬

萬潛匿聲影值公巡軍伺其不備百千為羣公與格鬪所傷在髀匍匐裏創十步九踣方苦入坎亟賴援救命與神謀兩獲冥祐前中精備歷奇窮靡戰不勝天亦厭亂併使歸命底定全黔功將誰歸公獨不居退讓奚為我作是贊不愧於色匪貢諛詞用勵凡百

蕭光遠紀亂詩云亂已亂又生槍擲八年中不自我先後感時憂心仲安得撥亂才一劍掃氛零昔先甲寅亂利刃生孽桐桐殲彌天險失妻關竄北遂延東南西南保半壁怪哉漆園翁王首惡踞雷台造梯乘我墉劫灰飛白田滿郭為之紅援兵四路集陶保先犯鋒錄錄公山殉賊賊制軍沒王事卓有古臣風風顧侯何精勤盤錯久不備四城日防守庶司欲疲瘵瘵願陳公公守南門彭公彭龍坪殲偽帥帥七賊寒寒圍始鬆渠魁一夜避黨散如飛蓬吁嗟是役也光焰而隆隆所

咸同貴州軍事史

第一編中

五

以易垂象積豕與牯撞當時政寬大餘孽成莽叢草微墨磨盾徵兵符燦銅數蹇文星暗兵殘武庫窮窮先著除大圍餘力力破羣蒙擊強如救難投械欲化楓山洞賊就擒擒解鐵籠籠什何知虜乘間渡河據要衝我侯一敗回再出遂聞凶前年旺草市將軍膽氣雄慷慨禦賊死文武成雙忠忠當倥急南征幸劉參軍脫身歸泮宮泮宮我薦陳元龍勁旅五百人奪之比巴比巴夜奪險關內內地始息烽烽交牙縱壘涓既屬遵軍儲絡繹供若聚米為山高齊玉華峯玉華開壽筵遵人禮威恭望如慈父母直比諸梁公招降事不諧威損而賊紅荒村號虎豹破甲生蟻蟲三士繼物故故威損而賊紅荒村號虎豹破甲生蟻蟲三士繼物故故威損而賊紅荒村號虎豹破甲生蟻蟲三士繼物故故

病夫元氣漸不充軍需更操切筭歛及釵縱教粟二百年浮費一朝空今年當夏五長髮又西攻西鄰俗強悍殺氣逼長虹大準待大軍集合圍珍羣兇何知再閱月虎威無動庸賊德梳練更繫人民憤填胸祇幸秋穀登聊可慰寒冬軍士疲久役索餉勢洶洶遂致十月廿東關羣盜撞郭子好身手豪氣匹終童請纓志未遂槍與王生同洪傑兒盡喪氣遍野蜚哀鴻舊新尹之交軍事失統宗安必之與勝之誰為渤海襲蜀郡宜李守漢吏重于公必守李守任新官司豈不仁千孔待彌縫閭閻豈不義百室無炊爨用威憐剝肉用愛嫌養癰艱哉無米炊巧婦亦難工回憶軍興來急符千百封人事常多乖何怨天不備撥亂及是時康濟在和衷一請嚴師律再請寬脅從詰朝強寇滅銷甲事春農

咸同貴州軍事史

第二編中

甲

入我東南民氣尙足鼓武弁張微勝爭功欲擊柱水晶耀街衢白石如糞土名器先爾濫餘勇更誰買敗軍或逃蜀主將遞反楚餘殃入號匪相倚作心膂去練而用團團疲難禦侮約圍以歸若若丁力則努鑿井無耿恭增灶失虞詡羽書血淋淋爲告莫我顧常爲淵駭魚現則押出虎虎性誰能馴白號增一牯距城未三里軍事日旁午西北籌合剿無識又力阻往歲鼎山賊違桐孰能禦左雄入大溪吾始安堵何如鹿山岩運厄本重五旋踞海龍望欲尋楊氏譜和氣聯舊團同仇齊奮武晝攻而夜襲糧斷賊氣沮來援勢莫支羣醜一朝去桐失幸已收仁陷尙未舉民食耗於軍更爲賊所擄那有米足炊竝無菜堪煮食殘梧桐皮剝盡枇杷樹糠粃及粉團取聊塞餓肚飢已羊殘而更遭碩鼠招安實漁利良民入罪畀先降而後叛已叛更難撫不效鷹鷂逐翻同燕雀處哀哉此猷爲何以勝艱鉅初莫供軍儲猶怪守錢虜計日出餘石半年竟何補厄漏何難實家毀

難莫紓我違禮義邦文教匹鄒魯欲以亂兩城紛紛偃旗鼓牛馬祀桃源操心一何苦設營而建軍聊以固吾圉今年好歲功百穀承膏雨早秋稼如雲準擬盈倉庾何知疫大作寨門多絕戶比屋尙呻吟吟孰與收禾黍吁嗟此浩劫板板帝無語却聞趙總兵將略追往古修開偏徧投誠遮道奉宮更聞李協戎威望若神父寶劍發龍泉七星屢罷舞綏綏桐得材官足資嚴隊伍亂極洽將生王事歌靡鹽經年省會隔天日不得睹自罪元道州亦非杜工部發憤作此篇吾氣聊一吐

咸同貴州軍事史

第二編中

甲

王柏心百柱堂集夏秋丞太守去歲中秋殉節黔西今春乃知其耗賦詩追輓云故人凋謝盡君又殉危疆暮齒淪羈宦空眷奮國殤蓋勳隨陣沒傳變與城亡回首千峯斷黔雲鬱莽蒼書生起乘障軀幹不勝衣白刃真能蹈青燐祇獨飛熊轡空復壯馬革尙難歸襄卹隆朝典成仁不用悲舊業青溪勝精者君所居猶存劫火中招魂惟化鶴灘血已成虹矩矱仍承昔

門庭各効忠聖之子亦殉今年花發處腸斷海棠紅海國中垂老與縱橫狂歌裂石聲登陴孤劍躍磨盾百篇成已奪詞場幟兼垂節士名遺編豹皮在凜凜氣如生憶子牽絲出柴門枉見臨聖時尋盟指蘿薛招隱蒼山林但益九原慟長孤五嶽心追維嚙昔語淚溢大江深

遵義續志江炳琳字介侯四川江津縣人道光丙午舉人大挑一等以知縣分廣西在籍候咨時桐梓楊鳳亂川邊騷動其父思濟奉旨團練力辭令炳琳襄事咸豐四年解蜀軍糧隨軍克黔温水遂從征兼理温水桐梓安撫事再克米糧溝雙龍場樟羊壩等處五年黔撫蔣爵遠奏留黔用帶兵安撫黔西三吉慶等處旋署仁懷令擢同知直隸州會么四嘯聚放牛坪馬桑坪上楊壩竹桃溝紅巖等處率勇數日除之惟紅巖未克十月以所部隨郡守楊書魁護協祥福直搗紅巖立拔之俘徐子容侯老千碎等餘賊匿山峒皆次第殲除六年九月匪首鄒辰保等

踞綏陽趙三甲擾及仁違外聯螺蟹賊於平頂山四十餘營十月會祥福分別剿撫立平之進據中岡又拔呂家墳分水嶺鹿巷杉木箐後台各處賊巢俘戮郝辰保等綏境肅清除桐梓令七年六月兼署遵義令初遵邑西鄙王安國者家素封爲人直實鄉人信服楊鳳之亂奉檄聯團聲勢浩大賊不敢犯附者日衆有司疑之遽以謀逆上告大府炳琳兼令勦安國也乃乘不備馳至安國家安國方椎牛潔禱衣冠候門突執而殺之滅其家旋丁父憂奪情值匪圍城告急奉檄馳救立解薊圍八月攻大小冷水中石落馬九月孤軍力攻右臂復中石傷度糧餉不濟乃減兵選精銳千五百人扼賊來路而綏宿賊楊應象等糾螺蟹餘匪踞趙里作亂思南逸匪復攻石旸授龍涓回諱防堵並援龍涓八月正月兼署綏陽令白大滿等踞穿煮洞等處余麻鄉約等踞螺蟹紅溪河一帶出營旺草二月初三日會祥福進剿祥福陣亡賊遁羊巖飛梯洞攻克之餘匪竄入麻土

咸同貴州軍事史

第一編中

望

洞等處會桐軍攻之破仙人洞圍子巖穿煮洞馬伏坪陽跳洞各巢麻土洞天險不可思議力攻弗克乃集石工千人自洞後山窪鑿地道直達洞後燃地雷轟之克麻土洞及諸洞綏陽再肅清擢知府用移軍攻桐梓螺蟹之石筍刺猪洞猴子洞喇叭洞紅溪河鼻孔山等處俘周襄六督辦桐綏軍務仰綏陽令十一月克喇叭巖門等四十八洞斬葉五俘趙飛天鹿等馳勦馬嘴右腰中炮裹傷督戰賊敗回遵調養九年四月援龍泉兼署桐梓令進攻鼻孔山久不下以降卒反間衆賊縛羅咩六父子降又遣降賊入中山寨乘間縱火俘梁倡汶等兩巢既克隨派兩軍連營張家灣龍子岡自營鎔鐵營晝夜環攻令擒賊王正啓入爲內應誘賊白大滿梁大童穆玉朋等出降穆大受在巢縱火大軍掩入立克鼻孔山毀同心三洞及各巢穴獲匪首余麻鄉約張大鉢鉢等百數十人桐梓肅清適偏刀水蔣提督王龍失利奉檄會剿派兵協團禦賊三渡關各隘賊乘東警突竄

南鄉十一月初七日馳南鄉調團擊之殊賊已奪踞羊巖團溪等處飛馳回城召集舊部十四日薄暮抵龍坪賊聚兩路口督勇擊賊敗走天已昏黑草草安營三更賊四面圍困炳琳身先士卒突出重圍不料賊攔邀截後賊亦追及驀地渾戰遂陣沒刃其元去後得尸遍體鱗傷賊從此無忌遵邑乃糜爛大吏上聞追贈道銜襲騎都尉世職於遵義及原籍建祠炳琳自入黔戰必勝攻必克五載枕戈戰功之偉實莫與京遵人至今悲之陣亡時甫四十餘歲惜哉

第四十二章 黃號之役

咸豐八年庚申五月初二日春二月初銅仁府知府周夔奉令辦理思南白號移軍黃壩會得援省檄赴省以軍事交署思南府知府周獻廷接辦獻廷至則令舉人饒以爵等分扼各隘不亟圖於是楊和風起於魚溪溪毗城頭蓋發川縣協和團賀濟洋起於濯水濯水地屬黃平相去七百四十里華離之最遠者也而安化濟安團胡黑二

咸同貴州軍事史

第一編中

望

傳燈花教亦起於乾溪梅林寺以黃巾爲號仍奉劉儀順爲教主是爲黃號二十四日運至大堡廩生田作頌議守馬蹠溪敵卒至作頌遇害獻廷檄印江縣知縣鄧玲筠進剿玲筠自潮砥渡江次牛渡灘調人和團首楊德友等截乾溪廩生李春華攻其中玲筠直攻大堡胡黑二復回梅林寺是時四川總督王慶雲奏以川北鎮總兵阜升防秦南綏甯協副將鄒鸞章防西秀徐圖移剿三月署印江知縣鄧玲筠擊胡黑二於大堡戰沒黑二遂西南略煎茶溪黃延二百餘里團衆多變應之楊和風圖老鷹巖覺林寺團敗之石餘涓龍各團分路進老鷹巖濟安衆同時圖安化紅絲塘署發川知縣阮文藻遣生員劉靖字援之靖字同兄玉祥及子姪五人先後陣沒敵焚石角沈殺團首向進武闔家進武走免周獻廷無所措置遂率所部去之沿河司留游擊富珠隆阿等守府城時衙署民居盡毀流亡未歸司爲商賈輻輳地且距敵遠於是獻廷軍出潮砥印江團衆爲玲筠復仇留之獻廷遣團過河進擊以乏食旋返時白號益自日頭巖折回

舉人饒以爵等不支退守紅絲巖濟安衆亦至板平塘東瓜溪黃白號遂時相結合巡撫蔣爵遠嚴撤斥獻廷回守不至 夏四月十三日濟安黃號由紅絲塘陷黎川縣城署知縣阮文藻典史談魚等亡去黃號大掠數日去濟安衆自牛渡灘北至思渠濯水據地三百餘里較白號爲廣衆多而虐以死爲得道飛昇各團畏其亡命不能禦蔣爵復嚴斥周獻廷以取巧避匿株守無事之處虛糜餉需檄令速反府城卒不至是時四川北鎮總兵補授貴州提督蔣玉龍始自鎮遠率兵赴思南 五月三十日楊和風破峯巖場人和覺林各團營圍首黃昇平等二百餘人覆沒餘衆退大堰塘和風遂據老巖 六月楊和風進逼大堰塘圍首陳熾等禦却之復自峯巖略偏刀水萬佛山圍練死甚衆 蔣玉龍先遣馬邊千總鍾朝清防漆樹平自老鷹巖諸團潰卽被困復遣都司馬旭林援之玉龍所率兵凡七百七十餘名先以二百名赴思南朝清所率三百五十名玉龍僅以二百名駐塘頭因募苗練六百并議調鎮遠川兵盡赴思南 秋

咸同貴州軍事史 第一編中

七月濟安衆略逼沿河司周獻廷遣楊德友却之因進剿城頭蓋不克都司吳萬文亦自沿河司渡河西擊三角塘不利退金鷄洞生員文質彬陣沒 八月十三日蔣玉龍進軍偏刀水留都司姚安邦防塘頭遣馬旭林破走仰天窩紅巖敵進擊宋家坡敗退縣丞謝良把總馬化昌外委劉文魁陣亡玉龍調防獨荔川兵都司薛占超等來隨剿 九月自城頭蓋至峯巖場宋家坡二層巖數十里間小道互通黃白號得相走援萬佛山最高窺清軍最瞭因據之四出爲龍泉患士午埡大都壩河壩塘皆其出沒之區清軍處處戒嚴 楊德友破走平頂蓋藏經平敵廩生崔積亦取大塘平馮家山周獻廷因約川軍過河會攻胡家平 二十九日四川總督王慶雲復以綿州知州毛震壽會鄒鸞章防酉秀 冬十月蔣玉龍破走萬佛山大尖頂敵敵退屯平自發川陷阮文藻擊眷并千總劉榮昌避興義寨依南客寨圍首廩生單元貞元貞屢敗敵水口寺賀濟洋方陷思南白果沱三角山二十三日旋招胡黑二同取興義寨陷之迨元貞走因

執文藻榮昌等幽之梅林寺文藻遺其姪博經間道攜印走正安付知州于鍾岳同時其黨申水煙三名文等亦敗正安練團於上都壩十一月申水煙三招致黃白號圖正安上都壩防練潰回葛林窩遂趨丁木坳卒至青家灣于鍾岳方攻桐梓石筍楊龍喜餘黨未下聞警以軍付桐梓縣知縣江炳琳亟馳回州撤團嚴守而自率軍逐敵出且平上壩連戰皆勝練目姚汝勤禽僧勝海等敵遂退回發川敵先分黨出神溪側溪團首胡先科亦敗之禽申三山中先靖是時敵起倉卒發正沿途二百里多從之于鍾岳乘機迅發直達發川人心悉定 二十四日楊德友潛結乾溪民馮金龍教朝宗等內應破乾溪胡黑二時在黃連平戮其孥救出阮文藻劉榮昌等 十二月蔣玉龍等破走煙草埡宋家坡敵進擊銅鼓山屯平 咸豐九年己未五九春正月初三日周獻廷會鄒鸞章合川黔軍進攻胡家平胡黑二尙在發川遠潰走遂毀青龍堡諸敵營追至大石坳禽斬楊忠文等敵益東南趨印江思南於是 繆煒自印江出

咸同貴州軍事史 第一編中

防倒流水思南府經歷汪應濤自思南進班鳩洞牛渡灘文生陳治清團首李春華進合朋皆敗回敵陷小峯磊治清等走香樹林 蔣玉龍以川軍薛占超襲屯平不利退還 賀濟洋自發川西陷龍泉大綠池圍營蔣玉龍時以馬旭林破風神閣敵營 二月胡黑二走據發川長安壩周獻廷進軍擊之印江敵連破班鳩洞圍練汪應濤走援敗退敵陷長溝團首安宅仁開城頭蓋敵走約外委方榮春等邀擊轉爲所敗陷三百人於黨家溝洞中悉薰斃脫還四十人 三月河東敵陷袁家灣繆煒營煒退螺螄溪 袁家灣敵分據河東趙家山何家灣與捲子平大寺頂敵相結汪應濤繆煒分擊不克參將李騰蛟以團衆擊敵白家山稍利 河西敵走陷細沙溪代理發川知縣黃君澤馳援 胡黑二分據長安堡大堡木葉水依白號獻廷將圖木葉水會河東倒流水袁家灣相繼陷北距沿河僅數十里乃檄楊德友東擊敵犯譙家鋪旋退 六月周獻廷以楊德友等破河西安家渡吳萬文破河東馬閑溪印江圍首譚恩等亦破趙家山簡

家坊各敵敵由關口槽合據暮溪崖汪應濤馳擊被圍署守備邢玉春援之還 賀濟洋復北掠至石牛壩 秋七月安化印江間小窩山饒於穀時爲敵據繆煒遣團首安定邦會汪應濤等襲取之敵悉走鶴項井李騰蛟攻之不克 秋九月寺頂敵擊破嚴門薛占超營沿途團練望風逃玉龍退三尖峯偏刀水皆敵 周獻廷攻木葉水長安壩久不下復遣楊德友團大堡毀鷹嘴各敵營敵走陷文生王作霖團黃君澤遣廣勇千人援敵黃家壩德友再破單家壩遣軍功晏效忠會繆煒破新寨山山高險與大寺頂雷公堡敵相應 冬十月蔣爵遠以周獻廷剿辦久無功檄徐河清之思南府任接辦 是月奉上諭據四川總督曾望顏奏黔省婺川縣松桃廳等處教匪復熾逼近川疆現在到防兵勇一萬有餘足敷調遣正可乘此兵力厚集之時出境相機進剿與黔省官兵合力夾擊候發川等處一律肅清即移師赴西秀會剿貓貓山教匪著與蔣玉龍先期議定會合隣境紳團同日進剿總期以勤爲防不致虛糜軍餉欽此於是四

咸同貴州軍事史 第二編中 甲

川彭涪黔防營前任陝甘固原提督孔廣順候補道程理潤等改防爲征分東西中三道并進遣城口營都司吳毓光開復守備張正倫等先攻大崖寨黃號從黨陳蠻兒力拒不克 十一月胡黑二仍回乾溪則遣把總李馥徐文友分擊以團首田慶儒等據大小尖峯野馬礮河清旋進毛田平 彭涪黔防川軍東路越舊營參將舒洪元游擊劉興榮等攻克石坎子筆架山鐵石巖三寨爲濟安王代周大本營屏蔽黃君澤亦破敵虎頭寨獅子洞爲之應 咸豐十年庚申。春正月徐河清以木倒溪敵數爲天池敵援因虛與天池敵相持自率軍功楊訓章等襲破木倒溪復還攻仍不克河東敵時陷雷公堡諸團營又陷繆煒營毛寨煒退板溪河清遣援候選府經歷孫廉鏡以爵擊敵麻團溪亦回沙子坡敵出八大陣後與四川西陽教首陳發選合敵合彭涪川東援軍勦賀濟洋西路頗得利因約黃君澤會擊先是孔廣順程租潤以王代周寨險要遺張正倫等中出大崖寨招降陳蠻兒并縛獻徐天玉王金玉遣吳毓光

西攻尖山寨及木耳山教首田興禮等先後降亦縛首要郭洪福洪受洪倫洪德獻東路舒洪元直攻代周寨代周遁花盤洞擒其子芝蘭越日再破五龍寨擒郭洪舉廣順租潤益軍來助集攻花盤洞先破附近白虎嘴唐家宅諸寨出山後斷汲道十一日洞破擒代周及其父仕尙兄代唐并家屬宗族等二千五人共殺之代周本婺川團首與團首覃元貞構絆互鬪負固抗官遂隨賀濟洋變而陳蠻兒田興禮郭洪福等皆遙爲應者也至是始言濟洋蚤病死餘黨仍據濯水遂移軍進剿 二月初八日孔廣順程租潤遣游擊劉興榮等克濯水礮礮教首李登雲禽斬洪喜韓喜等戮賀濟洋屍梟示其軍師蔡春遁雲峯寨李老高遁田家平之獨山餘黨傅彩鳳等遁徐家寨復結濟安衆逼婺川川軍乘勝連破青雲鳳凰諸寨殺首要賀世馬等餘悉就撫川軍罷回而雷公堡敵乘河清他去後陷石墩頭鹿溪井逼沿河司河清仍回毛田平河西敵又東過河陷何家灣大羅壩馬羸蓋諸練營繆煒北據涼風坳復退中正寺大和宮會署提督田

咸同貴州軍事史 第二編中 甲

興恕奉旨督辦全省軍務自鎮軍統虎威全軍進至銅仁河清等所授 三月田興恕自銅仁籌進規計奏以思南石阡爲湘黔要道請先肅清兩府繼剿湄潭殲殲除賈何綏定省城再圍都麻黃平苗衆於是分遣副將田興奇以二千人援石阡副將沈宏富以二千人援印江參將劉吉三以千五百人援思南自駐石阡策應遣官四出勸諭紳民捐輸助餉分道設局抽釐時徐河清連二十餘營護沿河司大道天池蓋敵據如故汪麗金因藉團冒練漁軍餉既復撤撤團練圖省糧捲子平敵遂出潮砥袁家坨進逼黃家山麗金退保江村參將李騰蛟約辦思石鎮團務委員勝秉縣丞計遠長以團衆千餘至河東合攻敵稍却 十七日宏富率參將周學桂府經朱廷桂游擊熊煥章全租凱彭廷勝守備孫殿元援至印江敵方偏城十九日擊敵楊家平學桂等陣殲首要安太然敵望風走乘勝北破轎子頂西破大羅壩斬首要冉大方袁長喜等餘敵趨捲子平沙子坡龍塘黃君澤連日擊敵黃連平高規溝敵走闌千子再遣團總田慶萬南破黑

嚴堽遣團首黃瑞章東攻徐家寨不克 閏月十二日沈宏富率軍進攻捲子平劉吉三軍亦援至大羅壩因約吉三擊牌坊分敵勢而自率周學桂全租凱彭廷勝熊煥章等分趨捲子平敵拒戰都司毛賈貴陣沒諸軍奪隘齊進破斬敵首張宗學等吉三方同參將毛克寬金大文游擊羅孝連偕牌坊孝連先陷陣擊殺數人吉三督軍繼進敵聞捲子平失倉皇潰走吉三等進奔連毀五營圖合軍進剿會札佐失省城戒嚴田興恕飛檄宏富等出石阡赴援留百餘人助緝焯防印江捲子平仍為敵據河西合朋敵亦益張代理安化知縣新城縣丞張致和遣團首軍功安奪標馳擊至沿河鹿井山戰沒 夏四月婺川廟壩敵犯隘渡破圍首趙國瓊田慶龍四團營黃君澤遣廣勇百人馳防牛塘敵分掠綏陽場蔓延龍泉上方洞平圍營多潰惟錢青雲自保敵奪縣北三盤種虎頭壩貓坵諸隘薄城下青雲俟懈擊之敵稍卻河東敵前為宏富敗多走集安印界三角莊楓香坵自石梁河達松桃烏羅司凡百一十里 五月興恕率軍督劉咸同貴州軍事史 第二編中

吉三駐龍塘而趣田興奇沈宏富等進軍猴場松平敵結鴨子頭玉華山敵攻興奇營興奇中創旋沒以副將楊嚴保領其軍宏富營哨溪約嚴保進剿鴨子頭 初黃君澤以婺川典史談魚紅絲塘巡檢王藻等剿徐家寨雲峯寨逸賊久無功至是傳彩鳳蔡春先後死餘眾悉降君澤復檄剿大小水 古佛山黃號結蕘黃施乘敵圍攻餘慶縣城宏富因移駐木薑山過江外賊以楊嚴保馳援 秋七月雷公堡大寺頂諸敵數犯野馬礮熊煥章等敗之進破雷公堡禽斬敵首金成貴等徐河清聞捷趣文生蕭汝霖等急攻破天池蓋進攻平頂山遙為湘軍應煥章等復攻下白石溪徐家嚴敵營餘黎家屯被脅諸寨皆反正河東惟平頂山大寺頂敵尚據 十九日楊嚴保至餘慶章樹勳先遣團練破走白楊榜滾龍坡賊二十一日嚴保率軍攻古佛山敵潰走遂據之 八月沈宏富等擊破龍溪賊田興恕進軍餘慶縣 河西敵數出張家寨絲林張致和遣饒以爵卻之徐河清遣蕭汝霖襲據河東謝家渡阻河西賊援以把總馬德威攻平頂

山不下 婺川敵頗張代理知縣計遠長遣練出細沙溪擊走長千頭賊以攻獨山 徐河清久與河東平頂山賊相持而遣武生張鳳鵬等攻河西長安壩敵不下敵轉犯婺川豐樂橋再以署思南府經歷吳焯然援擊河西李家寨 十一月徐河清增募練二千合舊練八千餘人圍攻平頂山十五日破之禽斬敵首羅匡明等乘勝連破蕉溪涼水井旋移軍會印江練攻大寺頂結降敵單老八為應十七日再破之并下香爐山諸敵壘河東略清 咸豐十一年辛酉六月春三月思南牛渡灘敵竄單家壩逼府城署知府莫超宗時回駐府城檄諸軍分防大小嚴關觀音嚴敵大至軍將不支熊煥章馳援至始解而城頭蓋敵旋由文家店南渡河入據荆竹園煥章圖進剿 思南覃福英因熊煥章進逼荆竹園遣其黨汪朝清等潛走銅仁伏魔山結包茅仙等扇亂牛場坡游匪約三千餘人剽掠以牽制清軍 荆竹園敵走據塘頭朱家嚴田興恕趣熊煥章亟下之移軍出圍後先是興恕慮煥章兵少遣知府楊夢嚴回咸同貴州軍事史 第二編中

湘募千五百人來助軍適至朱家嚴濱烏江三面皆峭壁煥章率軍進攻以參將金太文吳宏威邀敗荆竹園援兵夢嚴亦率軍會破之禽斬敵首王玉林等煥章分軍駐守自朱家嚴至三到水五十里略清以所部仍回牛渡灘圖荆竹園 冬十一月荆竹園敵出龍場清月亮嚴熊煥章軍盡毀附郭村寨逼石阡府城署知府徐達邦告急記名道楊夢嚴率所部回守時思南亦警莫超宗劾罷以章樹勳接替署仍署府城 十二月荆竹園敵攻石阡急副將劉義方遣守備英秀和自龍溪赴援將至敵出月亮嚴走板橋龍洞義方旋以思州府知府陳昌運軍先後至義方出營東路羅家寨昌運遣軍出營浮橋口楊夢嚴軍出營西北樓子坵 同治元年壬辰六月春正月塘頭敵北走思南逼府城熊煥章馳援同游擊李騰蛟候選同知饒以爵等却之敵分黨擊潰舉人楊大鋪團營至石阡東石家場 二月楊夢嚴擊破楓平哨俟敵回營石阡北十里之浮橋口進剿雷神槽初五日敵分道出犯夢嚴亦分軍迎

戰而以副將吳通才間道襲敵營破二卡中槍陣沒夢巖率軍憤擊斬殺頗多敵始退會扼欏子坳之游擊陳友賓郭德勝以敵逼棄營走回城中皆驚徐達邦亟商劉義方分軍守 十八日石阡敵集團楊夢巖於府北十里之荆竹塘劉義方援却之十九日敵分攻大寨義方本營及副將曹元興關口平營皆陷之死傷頗衆義方自府馳援不及退據平地元興退小鷄公是花橋石家橋皆敵有旋分黨趨思銅陳昌運聞警遣都司朱萃山千總吳勝奎等分防小雞公三道拐固石銅糧道敵悉竄銅仁二十五日陷閔家場代理知府王雲敗退江口初石阡敵首伍雲召本銅仁土著將回竄遣間結土匪唐二等爲應雲詢知捕斬唐二進營閔家場至是後路青黔陰溪橋諸寨降石阡敵爲之應防軍退還江口敵益橫別黨竄掠野毛溪羊溪復分犯銅仁塘防嶺分水嶺客店溝章樹勳率把總方廷福馳援 三月初六日石阡敵復圍攻荆竹塘營陷湖南記名道楊夢巖戰沒徐達邦先遣援敗還劉義方自馳援未至府經歷李聲宏千總楊德馨咸同貴州軍事史 第一編中 五

軍功王宗瀚劉光祖宋廷棟蘇朝梁丁光陔外委吳天貴同沒士卒死傷過半敵復分黨薄城達邦登陣會義方軍至敵却浮橋口義方集潰衆入城同守伺間出擊退打鐵都梅子坳諸敵已而大定協副將周洪順都司田慶龍援至義方因出扼石家場敵益東竄江口銅仁協副將慶瑞分援江口隨湖北知縣黃廣焯率練五百將赴思南道銅仁王雲留助守敵大至不支雲退壩盤慶瑞退漏溪已復退保府城江口壩盤皆失鎮遠府知府曾璧光祈援湖南巡撫毛鴻賓請以現駐大魚塘湘軍遊擊滕加洪軍仍回鋪田退敵寬弁請以副將周洪印軍援銅仁 夏四月金太文章樹勳自思南移軍西南剿塘頭樹勳增募八百人出苗民司遺饒以爵等各團防河西太文及吳宏威等先剿撫馬辣子芭蕉溪諸團二十九日太文宏威樹勳等攻破塘頭分軍駐之徐達邦圖進剿龍洞與之應先攻老王屯 五月初二日金太文吳宏威擊破革老壩敵宏威至板橋圖通石阡入烏江水道太文進剿小屯大壩場章樹勳回赴沿河司勸捐軍糧

十二日田慶治擊破婺川獨山敵連下楊柳頭及安化石梁壩陽羅壩馮家溝諸敵略清 石阡敵陷龍溪營荆竹園敵出葛彰司旋合橋頂山敵掠大小巖琵琶溝潰武生滕遇春營旋屯洞徐達邦遣生員陳光第馳援陣沒 六月慶瑞連日由太平場擊破徐滿屯草鞋衝敵敵走茶寨復破走之 秋七月吳宏威進攻安全屯創退祈援金太文至自小屯接攻送宏威就醫思南 八月金太文擊破安全屯及附近諸敵思南西南達石阡大路略清惟大小屯鳳凰山天台寺未下會吳宏威自思南還分軍進逼而思南牛渡灘敵復結荆竹園敵掠河東平頂壩牛渡灘至平頂壩百餘里皆敵蹤圍首楊德友連營拒之章樹勳惟往來河東西樵安化印江勸捐糧給軍 冬十月金太文調鳳凰山敵乏食遣副將朱占元都司傅得勝鄧第武邀敗之乘勢進攻十八日德勝由山後擊嚴抵敵壕中敵死第武旋率百長冷應宗等由前攻入敵多竄大小屯天台寺時荆竹園諸敵由龍塘東走與隆塘太文擊走之回攻大小屯吳宏威等亦擊敗敵板咸同貴州軍事史 第一編中 五

橋會河西敵復分黨出絲林犯大小巖關章樹勳方籌糧巖灘府城戒嚴太文連夜馳援安化縣知縣譚廷桂李騰蛟等集團練禦之十一月荆竹園牛渡灘諸敵走援大小屯仍據塘頭分襲老木林截金太文吳宏威軍後太文等退江口敵復由革老壩來犯太文宏威合拒之白馬廟初三日總兵吳宏威力擊却之追敵土地堂中伏戰死太文再退印江敵益分黨四竄巡撫韓超聞敗檄劉義方馳援 同治二年癸亥大三春正月金太文退守印江敵屢攻夫子壩并分黨擊潰磨溪巖嚴團營剽掠縣屬大道爲梗會太文先後遣赴湖南募練千五百人始至因約章樹勳廖遇春遣團練西敗磨溪賊 田慶治及游擊田慶祥連日擊敵兩壇堡平陽蓋頗有斬獲進攻廟壩軍功田景山陣沒敵堅守不出時總兵龍再福剿廟壩久無功將調省攝正安知州李威中復稟留率衆駐方家河不進旋分黨出再福營後逼豐樂河糧營慶治軍以根絕遠引還豐樂河再福旋以部將劫殺鄉兵威中以加徵丁糧皆稅職 二月金太文以所部二千六百

人少之請募足三千剿思石徐達邦稟言思石賊以荆竹園爲最欲
剿荆竹園而大小屯躡其後故上年熊軍先剿荆竹園失利本年金
太文亦未先剿二屯坐失機宜 時劉義方出朗溪司敗敵兩路口
至印江值河西白號結苗衆圍攻饒家壩大小嚴關思南府急義方
因率軍出磨溪嚴進援 三月荆竹園敵走閩家場張家寨降人蕭
文魁復變應之蔓延馬鞍山龍頸坳陳昌運所援湘軍會湘邊有警
不果昌運乃馳至江口調團練禦擊頗有斬獲未幾敵攻潰火燒橋
營軍械喪失略盡昌保退保孺旺乞援於金太文劉義方敗敵大小
嚴關金太文圍小屯降敵內應十六日破之擒首要李世賢等先是
章樹勳密遣團總候選知縣李春華鄧人俊招劉儀順孫興邦等以
所屬十營降至是以思南戒嚴太文等攻不利樹勳復遣人俊等密
約內應因破小屯思南團首黃雲燦等以敵等稔知教匪情形請釋
令爲內應圖敵因陳敵勢略曰伏查河西黃白青紅四號皆劉儀順
黨西抵遵義湄潭南至思南縱橫聯絡鼎山白號朱明月據之高台
咸同貴州軍事史 第一編中

爲白號韓梁二賊老巢偏刀水爲田興朝白號濟安黃號耕種其中
安興凡則據覺林寺陳輔楊和風則據龍盤溪單家寨則單崽崽二
鄉單直字團據之儀順即居其中江家寨則致和團首何觀一孫繼
述據之號曰老團中岑爲安插鉢平字團城頭蓋爲王德興單五據
之并繼述黨皆白號也自中岑北出綠池河南出合朋溪東北過思
南西北界張家灣屬德興自合朋西北牛渡灘木葉水南近思南屬
單五單八由合朋西北至大堡長安壩屬胡黑二其嚴科營平陽蓋
則德興繼述雜據之自平陽蓋西北左至廟壩右至石重蓋闌干子
直抵豐樂河亦屬德興諸賊以儀順爲主有輕之者亦有陽奉陰違
者其青紅諸號自上來者往來依附無定河西賊首八人有宜招有
宜剿其中又分宜以某官招某鄉兵剿者從賊所服也河東賊以荆
竹園爲最著黃平之黃號統於何瑞堂蕭桂成又有何定乾李興德
之黨二三百人頗精壯剿撫較難然出略衆不踰千家口動以萬計
糧多餉自河西若截其糧道則易爲力荆竹園既分有大小屯又分

而有張家寨大小屯破張家寨自孤餘若轆頂山以外則新投白號
不足慮也巡撫張亮基因以徐河清署貴東道查辦時駐沿河司
六月金太文請以副將朱占元接剿河東敵自率軍合銅仁團練擊
破大屯百級山大青山狗脚屯合攻張家寨蕭文魁不支復祈降太
文陽許之令雜髮繳械撤屯來歸二十六日以數百人先至營太文
悉分置去寨數里至夜遣軍盡殺之急破其寨文魁仍逸獲其孳餘
奔松桃 秋七月蕭文魁逸至石阡徐達邦遣楊大鏞生員廖飛鵬
等誘獲伏誅 九月胡黑二連日結荆竹園敵竄婺川陷金竹沱李
興國團營至三陽嚴并楊柳塘諸寨 冬十月徐河清至沿河司思
南敵多據絲林大格沈署安化縣蕭丕基署游擊談堯華及都司鄧
第武軍功李宜忠等進剿連戰皆勝敵悉走時田慶治同游擊田應
祥亦擊敗楊柳塘敵敵還荆竹園張亮基因檄朱占元督辦思南軍
務 十一月苗號薄正安城西南倚山無濠敵尤逼東北僅溪田可
守正安州知州彭城募練千四百人會團禦擊敵走合川廟壩旋分
咸同貴州軍事史 第一編中

犯龍泉香爐屯田慶治田應祥擊走之把總周應祥陣沒
同治三年甲子五月初十日黃號犯婺川東城田應祥先奔
敵剿掠各鄉 伍雲召包茅仙復結荆竹園大小屯敵出苗旺塘竄
木桶渡老金廠徐河清以銅仁三元團李丕基等形迹叵測慮與敵
結率軍至雪巖壩二十八日遣談堯華李宜忠擊敵乾田壩破走之
河清遣堯華駐昔土壩 十四日荆竹園敵分黨開道走陷朗溪司
十六日昔土壩談堯華營潰思南府經歷鄭慶藩被執大罵不屈死
堯華退木黃朗溪敵薄印江知縣林福培調團分禦敵退楓香均進
犯雪巖壩徐河清却之敵復分黨北走松桃太平場擊潰團衆犯廳
城松桃協楊家瑞等調苗兵鄉團與在籍已革副將龍再福合擊敵
卻據棉花山 三月談堯華營次木黃普子劫距徐河清營五里敵
圍累日糧餉子藥皆罄二十七夜敵擲火燭營堯華揮刀突圍中槍
沒於陣李宜忠率團練始至力擊却之河清請以宜忠接替游擊領
其衆敵旋走併松桃會棉花山敵復竄至長灘地耶河脅孟溪一帶

飢民與團練相持因集攻廳城 廟壩敵北渡豐樂河破楓香崗掠至龍墩田應祥却之 夏四月賊攻松桃急楊家瑞等力守就近所援湖南辰辰鎮道會田興恕在籍遣四百人來援敵稍却興復率軍至正大營敵遂燒麥地康金汛阻援軍興恕進擊不利旋撤軍入川去敵據太平營時分窺銅仁境 湖南總兵保慶出正大營援松桃破敵康金麥地長平敵分窺銅仁餘眾退保大平營川邊防軍亦來會以滕加洪逐敵至銅仁敵連合土匪薄府城陳昌運撤守備楊朝佐等禦之敵走卜口場加洪朝佐敗之野鴨塘鷓鴣巖周洪印亦至合攻卜口場敗之洪印進軍松桃會圍太平營楊家瑞等亦集團練應二十二日破走敵 秋七月荆竹園敵連陷石阡西北龍洞諸屯轎頂山敵復窺走馬平小屯初八日石阡府知府樊淑元遣把總周尙忠援擊突圍重創沒小屯陷荆竹敵復薄附城五里華嚴寺淑元以團紳舉人楊大鏞等伺間擊敵退龍塘周洪印以五百人來援

威同貴州軍事史

第二編中

五

葵川敵退屯石柱埡連界池田玉祥進擊中創引還 八月田應祥擊破石柱埡連界池敵走安化新井壩葵川略清 冬十月廟壩敵窺陷龍泉團寨團首任士琦被害復合窺黃都壩壩口陷葵川梅頭山團寨田慶治先遣團首王作霖守備滕德茂等擊走之 冬十一月十六日黃白號隨苗衆陷大定府城詳見第七卷 同治四年乙丑大五春正月二十三日伍雲召結荆竹園敵陷銅仁江口副將張開友軍潰退壩黃前署貴州提督沈宏富方回湘出銅仁擊賊木壩 二十九日蕭繼威朱明月羅洪等苗教襲陷正安州城署知州楊言署吏目陸厚坤遁卸署吏目朗洞縣丞王德毅被害候選訓導徐亮采閣家生員萬化成閣府廩生敖步瀛監生王正興等皆沒先是去冬繼威略思小二里明月即據馬村梨埡言等久無備而倚團紳達才連招降號匪莫飛鵬等為練屢不法至是城倉卒陷民多受害而才連家獨完 二月甕安諸黃號悉趨遵義剿略各鄉幾盡為首宋玉山橫據板橋紅花園阻入川道并薄桐梓圖退川軍并斷府城樵汲遵義縣知縣馮澍率衆城守 十四日蕭繼威等

襲陷石阡府城署知府嚴謹同署都司陳定元被害千總方廷元經歷李雲昇遁從九嚴誠候選同知吳大奎廩生席大純府增生成學醇貢生丁文德生員黃警知張源等并沒雲昇妻吳自盡繼威始陰結謹練目陳德標圖城謹不之覺故陷大掠去十六日廷元等入城 二十二日清台苗結教黨分道出古州通倒修文堡青龍嶺掠黎平寨萬并糾寨頭革苗分趨黎平天柱署貴東道趙崇慶粟略曰下游連歲用兵祇辦防堵二字剿則殊未易言楚軍駐天柱七營駐大魚塘龍溪口羊平亦七營約萬人現在苗教諸賊鎮思石南連為一氣完區僅銅仁府縣松桃印江耳鎮思石三府要防有三曰三屯曰南嘉堡曰邛水一不得力則三府立受其禍而波及於思南松銅現在三屯勇目一千五百員各南嘉堡五百員各邛水一千一百員各三屯南嘉堡糧餉供於民其不敷暨賞卹諸項及邛水餉糧由貴東道以四成釐項所入籌應時虞不足而人數不敢裁銀米不敢缺管帶並不敢換者以有此三防方有此三府而官吏不知近有欲折

威同貴州軍事史

第二編中

五

三屯歸各府自辦因為利者有截三屯軍糧以自備他用不顧勇丁枵腹者有欲染指南嘉堡釐項者并有以給還逆產圖用印過稅而不計受產之是否原主啓他時無窮隱禍者種種謬妄必欲隳此三大防而後快以致各總辦事棘手如三屯鄭大成南嘉堡邵立功歐有發等均多方乞退陳道昌運論於前劉署道力持於後能否弭厥釁端不致瓦解猶未可必由三屯逸邇而西北則皆思南石阡所屬黃白號教苗石阡屬居十之三思南屬居十之七並無主名賊巢亦幾無隙地其間最著老巢為小屯大屯荆竹園賊即三屯走出未降之老教結湄潭號匪鎮遠苗賊均朝發夕至而尤以大小屯為前敵屯賊平日無多或官軍進剿或荆竹園賊欲出略始聚二屯倚以為蔽云 秋七月川軍病疫因壘與敵持王超凡等南略投誠之大石坎梧村寨參將何行保自新棧來同團衆援擊 九月十四日川軍病少起超凡等仍剽掠反正諸寨不已 荆竹園敵掠石阡糍粑屯大小屯楓香平分黨走掠至印江南小澤溝知縣周步瀛先

出城趙崇慶遣練往守 冬十二月初十日荆竹園敵因練叛結復入石阡署知府兼署餘慶知縣黃啓蘭通城南打石坡旋回餘慶家屬死者七人死而頗眾屋宇焚毀殆盡署都司張興剛遁往雞冠石十九日敵去趙崇慶遣都司田慶茂援始至啟蘭同楊大鏞等入城 吳元彪被圍急祈援劉儀順儀順遣田舒文自偏刀水來

同治五年庚辰夏五月荆竹園敵復入石阡府城守備鄭大成擊之出前浙江按察使李元度旋自湖南率貴字四營援剿思石教匪元度先後稟略曰查貴東數年以來偏地糜爛銅思石思松諸府廳久爲黃白號盤據出沒之地現在銅松境內無賊其通賊之三元團雷洲李丕基等已經周鎮洪印會同銅仁府縣正法由銅至亦亦無賊阻石阡以西數十里內賊巢環布以荆竹園爲巨巢以大小屯爲門戶又有羅家巖板凳場三十餘處分巢皆歸荆竹園黃號蕭繼威調遣又仰承於統領各號僞王朱明月以教首劉儀順言爲斷亦猶楊秀清之於洪秀全也計石阡境內不下十五六萬人能戰者數咸同貴州軍事史 第二編中

萬此外餘慶轎頂山魏安玉華山平越上大平皆黃號也龍泉湄潭思南城頭蓋偏刀水江家寨諸巢皆白號也下游五府界分烏江有江內外之分補納思南則曰河東西荆竹園轎頂山所謂江內賊也江外黃白紅青四號亦附明月上至遵義下抵湄龍首尾一氣明月詭稱崇禎十二世孫僭號嗣統三年二十三歲荆竹園北負烏江賊恃爲天塹之國江外即白號巢穴往來接應饋糧必運烏江石阡小河白龍底江者又名石阡北流經大小屯自兩江口入知州北入烏江而入小河道凡二百里舊爲鹽船入阡之路擬添設礮船以斷接濟亮基以丕基等并未奉旨正法飭銅仁府陳枚等查覆旋稟二月中竄松桃映賊即丕基等所招丕基等已受明月僞封云 六月李元度率知府李光燦總兵王建章自銅仁分進元度建章率章貴營出印江大壩場何家寨攻大小屯光燦率銳中營自石阡圖荆竹園敵分據高家田爲大小屯援元度建章分敗之大屯敵首伍永富小屯敵首張洪權永富雲召子時以布政使

街兆琛總辦下游軍務 秋七月自大小屯降高家田楓香平諸敵皆走併荆竹園李元度章貴六營進逼十二山檄李光燦會團及黔營都司楊玉昌扼白沙白沙左近大轎頂山爲敵衝要以團總黎占魁防三道水十二山以東略清會大旱軍疫不能戰 冬十月黎川廟壩敵掠走正安葛林窩知州彭城乞援署遵義府知府張日崙遣參將李得貴至會團擊走之初湄藹黃號王元舉傳占魁劉鎮邦等降於何行保馮澍男婦約三四千人安置遵義西鄉行保付澍經理澍以乏資聽之川軍副將鄒復勝率軍至西鄉知與民不翁徒之大渡口元舉等無食屢求在籍四川候補知府統領援黔川軍襄蘭閣亦無力先後散去二千餘人嗣復勝募練招鎮邦等數百人從餘千餘人并家屬均籍隸下游無所歸元舉率率百餘人渡河仍投入黃號閣始擇占魁等精壯者二百餘人爲練餘仍遣散

同治六年丁卯春正月湄潭敵久據署知縣張聰蘭劉民屯自保敵數掠走遵義鄧場九龍場何行保等卻之於是襄蘭以敵出沒無常議改防爲剿 二月十二日襄蘭遣軍會何行保軍復湄潭縣城先是破走水佛寺桐子堡高梁山洞堡大魚塘敵張聰蘭上言云縣城四面皆賊祇啓祥里一隅稍謐又慮廟壩賊來勢難駐守廟壩爲委川賊較最湄潭發正安均苦之 教黨汪草登焦連升等走陷黔西水牛屯并黔仁界蔡板屯汛旋與黃號魏洪發等結圖襲州城劉歡昭率軍往剿以道員林肇元扼三重堰撤總兵謝景春都復勝來會景春先劄爛泥溝復勝劄松林將渡河援剿諸軍會攻破之洪發遁肇元設伏禽之遇母洞盡殲其衆 三月何行保等進擊水鴨子不下偏刀水荆竹園敵來援不利引退會川北警撥副將唐大有振武三營回遵南空虛襄蘭抽還行保忠字誠字安吉諸營分守敵轉攻戴家壩降民力守 荆竹園敵屢創不出惟恃河西白號給糧自固河西白號亦倚爲屏蔽李元度久駐三道水至是以記名提督邊曉堂率章字六百人及知縣彭維翰等率貴字二營同鄧第武西渡先剿河西第武前以鎮遠陷褫職元度廉其材武自思南府城至許

咸同貴州軍事史 第二編中

家壩皆第武舊團因倚以爲軍導連日至小河濱鏡鉞頂寨進擊登下河西白號十餘寨思南四境敵寨林立河西賊最著者爲江家寨偏刀水巖科而城頭蓋又爲諸寨最時中岑賊安雷鉢方與江家寨何繼述等內訂因遣間招播鉢而進軍擊青桐坡軍寨江家寨敵援至游擊江誠香陣沒引回元度復遣守備胡其慶陳茂春來助曉堂督同擊破乾溪溝游擊陣貴章中礮沒播鉢旋以所據數十寨難髮降元度令約龍泉義勇攻城頭蓋署龍泉知縣計遠長亦剿撫附近賊來會攻不克 夏四月邊曉堂遣胡其慶陳茂春同團首都司黎占魁分擊麻園溪進至羅家壩敵首單德微以所據二十一營降爲江家寨軍家寨相倚拒守扼不下牛渡灘敵時復分黨西援李元度遣副將鍾輔朝出潮砥回團首安天仁張文明等進剿不利仍退潮砥李元燦猶割白沙敗敵葛閃渡 六月廟壩賊因發川知縣謝邦鑑出防間道走大竹園逼縣城邦鑑擊之敵走掠正安謝壩團寨出禾麻渡逼州城何行保援敗之 秋七月轎頂山敵薄餘慶縣城

咸同貴州軍事史

第二編中

吳

黃啓闈遣把總鄧鶴齡會李光療前隊都司楊開雲以百餘人馳援團首曾大海以五十人來會十九日開雲戰沒署餘慶縣知縣劉侶鶴乞援邛水湘軍兆琛乃以守備鄭大器救六魁來援敵旋解去十一月李元度令水師許寶坤擊破合朋雲山寺進一椀水元度令沿江上駛數十里拊荆竹園背芝亮等東渡以攻荆竹園之前 十二月十一日援黔湘軍統領席寶田督軍至銅仁分所部三千人并選周洪印舊部數營以道員戈鑑鄧善燮謝蘭階羅建章駐靖防湘邊以思邛青玉責成湖南同知直隸州知州吳自發募千七百人駐守自率七千餘人馳赴荆竹園再檄鎮遠鎮總兵羅孝連募千五百人實後路以固銅仁

同治七年庚辰六八春正月初四日席寶田會李元度攻據黃號荆竹園根據地分下羅家巖七寨并判官頭二十餘寨更會軍進攻轎頂山 二十八日席寶田督軍克轎頂山禽教首石廷士馬文祖等

殺之餘走猴場玉華山巡撫曾璧光以玉華山與開州修文僅隔一

江以提督張文德馳防江口文德遣副將戴榮宗游擊滕代榮赴開州據真武山並規鼎照 二月席寶田破走諸賊軍銳甚是以鎮遠苗犯沅州遽回軍轎頂山仍爲敵據 賽閣以三營防遵義安定諸營未到軍單不能進取李元度催會剿 三月初一日降人聶正邦等進擊覺林寺敵乞降旣而覺林降衆不堪湘軍虐逃去數百人駐屯山賽閣給口糧拊循之時統領援黔川軍四川候補知府唐炯以總兵劉鶴齡自碁江先進沿途收撫四十餘寨初十日抵偏刀水十二日炯亦至偏刀水地狹而長初提督蔣玉龍扼險築壘軍潰爲敵據益修治分八門守敵衆皆黃白號湘軍屢攻不下都司李成武程修武譚品芳守備張怡鳳等先登并沒士卒多死傷復以開花礮急攻賊驚呼爲天礮頗畏之王超凡集荆竹園諸敵圖來接炯及鶴齡等軍扼南路防之何繼述何發喜田應五王禮廷遣人赴營祈降炯函約李元度來會商元度時駐雲山寺距軍百八十里以病不至彭芝亮等意主戰炯因不許敵降會攻掘長濠困之超凡揚至六郎

咸同貴州軍事史

第二編中

吳

屯炯遣降人李明遠先據屯守復檄參將吳洪貴已革知州顏佐才等取趙家營扼敵來路又約閩乘超凡出援遣軍進取椁木園水源溝黃號閣以何行保取猪場游擊周紹南及田應豪取銀瓶壩敵皆走敵旋馳至羊義坳時敵多集烏江南惟椁木園水源溝在北閩復約炯分軍助炯遣振武軍唐大有赴之 二十六日偏刀水敵乘大雷雨突湘營湘軍發祥礮疾擊敵多傷都司戴富魁守備鄧金養陣沒敵犯川軍營劉鶴齡却之 夏四月初二日川湘軍會攻偏刀水川軍前隊踰濠抵壘下敵悉衆出拒湘軍未集不利却回劉鶴齡及陝西候補知府張玉文候選縣丞于德楷再進力擊敗之唐炯及鶴齡以敵阻長濠走無路勢將死拒而湘軍以餉匱饑疲慮有失因去敵濠十丈樹木柵掘地道困之時王超凡等已渡烏江攻猪場何行保以敵衆固守黎佐清等馳援敵牛矢溪近至七里許大關頭中伏大敗還炯所遣唐大有軍適至始退 初六日超凡復犯羊義坳賽閣軍後佐清馳援至伍家坳不能進復回銀瓶壩約鄒紹南田應

豪等簡軍伏伍家坳更進擊起凡重創敗去僞帥王廷芳祈降炯再
徵參將吳洪貴顏佐才等合湘軍擊破觀音營起凡遣部來爭洪貴
等敗之黃連壩李明遠陣沒水源溝橙木園以觀音營黃連壩爲門
戶後負袁家渡江界河退結玉華山上大平諸敵進與偏刀水廟壩
敵爲援觀音營下敵門戶遂失 十五日諸軍乘勢進攻水源溝橙
木園敵大賊潰起凡等退袁家渡南走蕪安江內去炯以振武三營
扼防江口因稟會璧光略曰橙木園水源溝各降衆中可選用者不
下二千餘人急宜早爲布置一旦客軍他去此屬必仍聚而爲亂現
聞憲台委員在遵義募兵愚意與其收合游勇難望成功不若部署
降衆以賊攻賊今日之計未有便於此者 初炯入黔時慮廟壩
科白號乘間張預遣同知鄧錡馳赴正發龍綏湄界之土口圖之復
請撤防溪南之總兵成耀星副將熊英豪參將劉順堂等易剿爲防
與錡會辦錡駐軍黃土壩闌于子學堂平十餘寨先後皆乞降復營
逼毛龍蓋擊下嚴科李元度時遣軍擊安化大堡牛渡灘會濟安黃
咸同貴州軍事史 第一編中 李

敵敗去旋執敵首宋老帽等出降餘皆就撫於是李元度撤軍回湖
南留軍貴六營三千人以副將鄧真發柳大福扼守河東荆竹園以
總兵黃開榜副將袁有名扼守石阡 五月二十七日唐炯軍發遣
義炯以玉華山背負上大平前阻老鴉山東有石阡大轎頂山西有
開州小轎頂山爲犄角慮軍聚一路首尾牽制因分三道先遣總兵
唐大有參將吳洪貴由江界河袁家渡造船渡軍而進以鄧錡會軍
酸棗平遣降人譚光前諸漢苗出楊家林截上大平賊援自同劉鶴
齡由江界河當賊前復慮大有軍單且病則約蹇閣率所部出養龍
東踰南望山同規小轎頂山六月唐炯復分軍遣間克大轎頂山陣
斬石士貴張義方又遣張玉文率降衆五百自麻池壩破巖坑勝土
而前再下舊土營遣降人龐向忠僞奔夜抵小轎頂山敵倉卒不及
辨開關納入張軍尾之從中起立奪小轎頂山生擒何雙富等青桐
寨及龍頭屯諸寨懼皆出降劉鶴齡亦渡江界河擊破吳謝平斬敵
首丁紹綠迭取白巖官塘龍塘直抵玉華山炯繼至指揮諸軍圍攻
咸同貴州軍事史 第一編中 李

斷敵汲道遣降人據對環呼有兄弟親戚者悉應聲來歸敵勢愈蹙
副將鄧鴻超及鶴齡開復知州顏佐才知縣于德楷候選知縣張瑞
鏞等乘勢率死士踰險並進僞文定王陳紹虞知不守執殺人王王
超凡獻率黨乞降餘慶甕安開州烏江南岸肅清黃號平

附錄

李元度印江縣知縣鄧君別傳云君諱玲筠字沼鄉原名凌雲
甯鄉人父光廷邑諸生早世母吳撫之成立以節孝旌門君生
七歲而孤踰冠舉道光二十三年鄉試五上春官不第咸豐六
年以知縣發貴州七年四月權知印江縣時黔中倣擾苗匪
充斥匪酋以邪教蠱亂民有黃號白號等目團練多叛應之列
郡無完土君下車壹意以約己便民爲務求先達下情每芒屨
布鞵周巡村落間與田更畝握手詢利病凡道里阨塞士紳
賢否及豪右莠民姓字皆手疏小冊藏夾袋中戴星出入民莫
知爲官也而推埋博塞諸白徒輒不意見執訟者至既察其情

偽復徵諸冊片言摘發民驚以爲神先是思南賊熾地連印江君亟行保甲法慮以具文視也乃單騎詣各鄉手自敦率戶給門牌如式署紙尾十則曰忤逆曰習邪教曰私結盟黨曰劫掠曰藏匪類曰竊盜曰容留娼妓曰賭博曰鬪毆生事曰唆訟各擇士紳董之犯者同甲勿與齒改悔者許具狀保於各條下加小印曰自新其頑抗及無人敢具保者治之且計月以驗紳董之能否加勸懲焉甫數月訟獄衰息夜不閉戶臥乃加意課士割俸助書院餐錢與講求經世學並及軍政士皆異愛之勸民修水利築陂塘揭示教以法纖悉備具有以浚塘聞者親履勘指示至再三不倦終不以勺水擾民慮邪教之蠱民也爲文告挾摘其所以然雖老嫗能解簡壯丁數百親教以擊刺法民間所輪餉皆筭以士紳一錢不以自污是年十二月賊陷思南太守福君投水死賊長驅犯印江印故無城君出營於雲泮以禦之賊耳君名以書來假道請終君任不復犯印君焚書斬其人

咸同貴州軍事史

第一編中

空

賊分黨撥君別遣大隊從間道襲城君方巡隘賊大至君袖銅椎出擊曰吾試觀賊能否乃揮椎斃賊三餘賊環攻君掣銅錮格鬪莫敢近賊忽大呼曰印江已破矣君見四山火起力戰突圍出馳抵銅仁乞師於太守周某某命練總王士秀領五百人隨君回擊一日夜行二百里居民見君至皆奮躍得壯士千餘仍從至雲泮是日大霧人馬對立不相見噪而進賊駭曰官兵至矣賊皆走自相蹴踡墮巖死者數百君復縣城追賊百餘里至大寺頂鄉民赴義者約二萬人各誠其子弟曰爾不能從鄧公力戰無面目歸見父兄也當是時君冒矢石四十餘日戰中壩戰螺生溪戰袁家灣皆告捷八年正月剿撫璇家壩及潮底河以東大定亡何而越境剿賊之檄至大堡者思南府境也奸民胡黑二倡亂太守周某討之數失利聞賊最畏君乃鄧字旗幟賊而嚴檄君赴勦日三至士民以地非印境苦留之君慨然曰郡守檄縣令曷可違且殺賊固無畛域也衆請以二千人偕往

君慮餉無可出以千三百人俱師次分水堰居民爭餽糧賊爲運糧者味爽入營門變作團衆驚潰君親搏戰飛石中其首手格殺一賊足被創遂及於難喪其元年四十有一後軍聞前軍失事憤極殊死鬪殺聲與哭聲併卒奪君屍還乃樹忠憤軍幟誓復仇賊懼夜退屯八十里時三月八日也喪歸士民大慟婦孺皆失聲無遠邇爭致贖賄有負販傭挈錢四緡將運鹽悉以充贖或曰如爾家何傭哭曰公死吾屬無葬所矣何以家爲其感人若此事聞得旨賜卹世襲雲騎尉印人釀重金歸其親母夫人猶在堂拊君屍哭曰爾能死王事吾家世世有光靈有知勿以我爲念印人聞言心稍安而益悲君之不能兩盡也君少負才名讀書兼習拳技令印時微行遇鬪者咆哮莫敢撓君躍入叢人中手擲其人丈許叱曰去有識者趨進欲與言而君去遠矣賊嘗遣刺客僞稱銅仁投牒者袖匕首將刺君君拉其脅曰吾不殺爾爾歸告賊酋速降當令復田宅毋死不悟也

咸同貴州軍事史

第一編中

空

居常與客語袖中時時以手作擊刺勢故能躬履諸險阨戰必身先士民懷其德立祠春秋祀之並刻君遺集曰鉅業堂稿又八年乃籲請建專祠並入祀名宦皆得旨允行贊曰君與余同舉於鄉屢見君恂恂儒者不知其兼資文武所成就及此也君學行皆本母教觀其言滂母曷加焉同治丙寅余治軍援黔印人士語及君皆泣下治團練至今守其法於是君死事八年矣父老口之如新各屯堡皆爲位以祀戊辰四月余帥師破大堡禽胡黑二及其一兄二弟暨僞軍師王茂蘭等乃設位告捷於君縛黑二等剖心致祭印人觀者數千皆大哭已復大快爭拊掌曰我公今可以瞑目矣烏摩君蓋死猶生也哉

婺川備乘有云劉儀順四川涪州葉坪人或云姓郭與同邑劉甲同開鐵廠遂冒其姓長身大頭連鬚鬚下垂及腹聲大如雷道光季年有妖道來至儀順宅邊密以龜屎研墨題樹根云劉儀順天星降凡當爲天子等語上覆以土久之乃謁儀順云昨

夢神云此樹有異共發之見所題字深入本裏不啻天成儀順

大喜遂相與倡青蓮教招聚徒衆欲破墊江縣縣令覺而捕之

先是儀順弟子陳迎祥犯事奔龍泉江家寨民何恭言師事之

至是儀順亡命來

第四十三章 陳加誥等之役

咸豐八年戊午五入春三月湖南晃州偏洞教首姚通寅以傳教結

思州府老文溪民陳加誥徐慶雲起事人裏黃巾書天保字帖巾上

掠青溪羊平思州府知府韓超軍及思州青玉各軍擊走之涼傘司

湖南守備熊興柏以湘軍復擊之思州南三十里沅州界之回龍塘

冬十二月湖南寶慶府知府張由庚等擊破敵都平司徐慶雲等

同鎮遠苗聚唐家營風嚴營響鼓平州三地皆苗疆由庚等進

攻不克軍次聽井坳代理思州知府兼署青溪知縣陳岳霖遣千總

萬耀明圍首曹元與扼客棧數却敵

咸豐九年己未五入春正月初五日徐慶雲合苗教犯斗蓬巖屬平司

咸同貴州軍事史 第二編中 苗

思州北麓與兩東望為鄰平甌陳岳霖遣萬耀明曹元與却之明日

敵復犯湘軍營張由庚設伏擊斬慶雲加誥亡去

咸同貴州軍事史

第二編 漢族之運動下

第四十四章 李文茂之役

咸豐八年戊午五入秋七月太平軍別遣隊平靖王李文茂及其眾

黃金亮自廣西柳州敗入黔二十一日陷錦屏鄉逼黎平府貴東道

何冠英等設守文茂分兵牽湖南同知兆琛軍於中朝青龍嶺不能

援兆軍者湖南援黔之軍也 九月文茂等趨攻黎平九洞四十八

寨苗乘之湘軍潰青龍嶺大坡脚兆琛退入城湖南復以副將田興

恕援黔軍至黎平西南五十里之潭溪司二十二日興恕率兵二百

入城明日毀附城文茂營九旋回 十一月黃金亮等進破爛土分

道取獨山至涼亭獨山知州侯雲沂以大塘守備龍建極合團眾禦

擊雲沂駐基場策應金亮旋出荔波巴容搖六至水工生員邱育泉

三洞千總莫芝茂不支遂至水搖荔波縣知縣吳德容却之已復至

咸同貴州軍事史 第二編下

水慶破荔波練團軍功黃坤泰黃玉龍陣亡仍擊潰水搖潰軍至大

坳坡 十二月黃金亮等圖荔波城吳德容退守以都司汪文鈞莫

芝茂出禦金亮回水慶

咸豐九年己未五入春正月龍建極約署三脚州同吳兆麟及團眾

合擊獨山東甲照山金亮潰走牛場又遣團擊巴佑爛土文茂部悉

走荔波攻致務團建極移營州東水嚴塘鼠場馬場金亮等據如故

十月吳德容遣兵防敵於大造坡黃金亮先攻荔波縣城敗去至

是復合莫芝茂等猶攻過克陋卡不下

咸豐十年庚申六入春三月金亮等間圖荔邊二十餘里之牛洞吳

德容遣外委汪洪春馳防廣西南丹州土知州莫樹棠復祈援於雲

沂二十四日李文茂趨獨山齋教首羅光明實導之分黨牽制翁

奇徑由石板井獅子山至深河潰堯封壩圍於中山寺侯雲沂飛檄

貴陽 凌惕安 編著

皆盡惟激勸紳民悉力捍禦分赴鄉村收輯團勇倘能一戰圍解星
飛馳報否則內外隔絕文報不通城存與存城亡與亡決不敢稍萌
他念上負國恩 秋七月初二日李文茂天朝攻陷獨山州城署
都勻府知府兼獨山州知州侯雲沂死之署守備威甯都司龍建極
署三脚州同吳兆麟學正張鐘訓導劉炳藜署荔波縣訓導白珩吏
目徐景程把總吳善周職員廖開先廖景燦等同沒雲沂自軍事初
起即在州聯團防禦以死誓守先一日猶遣練總城出擊陣沒軍功
覃廷魁等俄地雷發轟陷小東門雲沂等督石工過圯處隨築隨拒
文茂軍已由北門攻入雲沂等皆巷戰死雲沂妾喬子克善克義克
和克禧克嗣子婦劉高已嫁女適顧未嫁女四孫男女四姪從九品
教惠敦葆餘親眷及家丁僕婢凡五十餘人皆殉署左地內文茂據
城中苗教乘勢破翁奇分據苗翁四方井相犄角 九月李文茂四
出侵略團衆數卻之時以魯租芳代理知州因聯團偪州城文茂復
分略荔波羊奉方村吳德容遊擊范定邦莫芝茂及團衆卻之十月
咸同貴州軍事史 第二編下

附錄

李世鈞東屏山館詩鈔咸豐庚申七月初二日獨山城陷紀事
云紛紛羽檄馳東北疑是從天來髮賊風颯兩驟迫吾邦邦人
聞風皆失色維時兵事尚茫然執戈銳士強直前共道殲除同
小醜不知惡敵可彌天重關迭戰告危艱虎狼過處胥流血長
驅萬騎薄孤城四面合圍陣成列龍場市上屋排雲首踞爲巢
肆惡氛掘金伐鼓晝復夜亂我不識意何云守陴人士誓完保
恨無預測熬翻道七日功成掘子軍霹靂一聲城垣倒別架雲
梯翻越來目中已視無城堡憑陵殺氣更誰當人人思作先逃
去六門頃刻煙塵生虜騎紛擁勢縱橫騰騰殺氣闕天黑倉皇

雞犬亦哀鳴尋生尋死苦無地刈同草菅惟賊意慘劫無分咫尺
屍骨須臾伏如山凶鋒聚處號神鬼驅全骨肉曾有幾可憐數
萬舊生靈塗炭一朝命同蟻從此道途遍荆棘草間狐兔亦逼
人間有遺孑干戈裏敢望後來春復春嗚呼吾鄉人民從此半
摧折生齒至今尙殘缺相逢者舊話滄桑較殺將前事說君不
見南城門外鼓樓岡纍纍高塚皆兵殤春秋不辨果誰是萬家
猶祀於一場

又弔萬人塚云鬱鬱城南一古岡烏啼啞啞恨難忘青榛白草
荒荒龍短碣高碑紀昔殤百族餘悲如共患一城最苦及偕亡
我來話到茫茫劫浙瀝蕭風生白楊

侯雲沂字縵卿江蘇上元人以知縣來黔賦性純摯宅心仁厚
故勤政而愛民知獨山州時值大難日棘與地方人士共圖守
禦尤能開誠布公同甘共苦爲人民所愛戴危局獨撐數化險
爲夷其時獨山團練名震遐邇爲敵所畏憚雲沂提挈之力也

咸同貴州軍事史 第二編下

方事之急或勸豫爲妻子地以防萬一雲沂曰是啓人民之驚
惶而懈其守志也人心浮動敵乘之矣吾守土有責誓城存與
存城亡與亡吾辦一死以報國家以對百姓吾妻吾子亦各以
一死以報其夫以報其父各全其節可也聞者爲之感泣城陷
關門殉焉州人某有血性於城陷時倉皇救護雲沂幼子敘五
以逃冀延其宗祀亦可哀矣

第四十五章 會廣依之役

咸豐十年一八六〇。太平軍翼王石達開鑿於韋楊之難乃思別途
發展由皖入桂遣將分徇黔湘以入川其入湘邊者傷亡略盡桂亦
不足自存因銳意圖黔 夏四月初四日所部會廣依等自廣西泗
城府走西林縣西隆州渡紅水江卒至興義縣分黨至岜嵒逼府城
執廩生徐謙問城中情形謙不以告因怒束以帛澆油然之興義府
知府鄭訓達以都司德壽精額哩守河棒營自真武山回援德壽等
走回廣依旋走貞豐十六日攻陷五里岡代辦長壩營游擊梁獻廷

戰死千總阮登雲把總張禧祚監生譚功遠同沒兵練團眾死者千餘人直薄州城十七日入東月城貞豐州知州蔣立炳率紳民嬰城力拒廣依攻數日去由石屯入歸化播東團眾皆潰遂薄城下署通判蘇布及護遊擊高鳳臨拒守先是石部自廣西百色應敗後無所歸現因廣依自泗城府走西林縣西隆州滂紅水江得徑出與義自後所部絡繹來悉取道貞豐 五月廣依自貞豐圖永甯州署知州胡繼學聞警盤江橋調練未集以百餘人馳至沙灣力戰死遂陷永甯黃菓樹防軍望風走安順府知府周夔會提標中軍全興敗之竹英哨退走永甯東三十五里之壩陵橋據馬跑泉夔等進據大坡初五日廣依等自歸化走廣順將至代理廣順知州史悠洋出防土地關州無城郭依間道入陷之丁憂在籍翰林院檢討但鍾良第六品銜知縣但蔭良堂弟但欽良勤良均被執不從死男女同沒者百三十五人提督巴揚阿始檄游擊賀萬年馮世興以千八百人徑廣與鎮來援十一日入州城廣依等分道西走安順五官屯北走安平飯

咸同貴州軍事史

第二編下

四

籠鋪陷護城團營生員黃金鏞陣沒再陷大河十三寨東走定番署知州恩常都司善保力禦之巴揚阿復遣萬年等邀之牛場依等由擺榜至大塘望城關署州判李崑城守乞援獨山知州侯雲沂遣牙州把總劉正朝馳赴依等旋退播翁趨羅斛州之董熙羅斛十二日依等陷歸化廳城署通判蘇布死之蒼屬皆殉守備高鳳臨把總謝君實周兆奎高飛鵬及紳楊金榜熊開祥鄭文炳羅廷蕙生員堯啓福周魯堂同沒石部自興義來黔者猶絡繹不絕十三日周夔復永甯州城夔聞永甯陷亟攻下馬跑泉敗之保關進至象鼻嶺依等走打榜渡河折由募役司逼鎮甯州城募役司巡檢馬世臣死之鄉團多營屯避二十日署安順府知府周夔提標中軍全興擊廣依等於歸化陣沒夔全興由永甯疾馳至歸化十五里之連升關營甫定依等集合圍攻故敗把總張起發等同沒先是夔等遇依等竹英哨夔隊長田某卓大旗而前旗標田字依素憚提督田興恕謂其自來遞走夔等遂易之是日大雨或阻其行不聽至關遂散漫無整依等亦

漸聞非是悉眾來故全軍幾盡依等修歸化城垣徵民糧分由九旌合廣順部圍定番青巖巡撫劉源灝檄普安廳同知葉如松署安順府圖剿 六月廣依等連日走攻定番州分圖青巖迤南而東略近龍里貴定平伐巴揚阿馳赴青巖同團首候選知縣趙國澍等拒之遣都司王萬祥防龍里龍貴團多潰萬祥及署龍里知縣王藻入守廣依所部多集大壩羊場 廣依部在歸化乏糧且多疾棄城走駝魯枝尖坡哨 十一日復入廣順州城據之分攻定番長寨劉源灝檄葉如松赴援不至 依攻定番十三日團首羅德光等入城會署永安協鄂清遣守備易飛熊宋景山復至爭入德光等以無文憑給以糧登城拒之飛熊等旋攻入難民多被淫掠 二十三日廣依陷定番州城署知州恩常署定廣協管寶死之依等初掘地道恩常等灌破之伏地雷墮城遂入恩常善寶巷戰死學正何廷杰署都司周崑署吏目陳秉鈞署存城千總唐德署斷杉千總董應忠成遠把總王飛豹署青巖姚廷標署方番把總劉朝貴署外委歐陽標皆遇害

咸同貴州軍事史

第二編下

五

秉鈞妻蔣并僕婢殉於署時巴揚阿以憂回省檄王萬祥自青巖會馮世興等援 八月定番廣依部圍攻巴揚阿營於北距青巖十里長田劉源灝數檄葉如松援省至則同退青巖王萬祥賀萬年援至亦敗退桐木嶺源灝檄李崑等助防不進旋咨巴揚阿曰風聞該兵練自退青巖屢趣出防不惟逗遛不前竟敢於青巖附近搶割田谷本以救民而反以殃民言之殊堪髮指 適廣依部逼省城劉源灝趣興恕近援興恕適復甯安縣城因部署一切自率副將楊嚴保等二千餘人赴省 二十三日曾廣依陷長寨廳城署同知劉宗元署把總吳文彪死之廣依自定番出赤土長田屢攻青巖城趙國澍等拒守遂出三都趨長寨副將賈連升長寨營參將賽謙道岷陽宗元嬰城守依等擲火攻入西城宗元回署坐大堂大罵而死生員方文炳等遇害富謙連升皆褫職 二十八日田興恕至省城近省事方劇民心爲之稍安興恕圖先規定番獨山再剿平麻并分軍出遵義進涓龍 十二月田興恕將率軍圍定番遣副將李有恆先期進安

義鎮趙德昌亦遣畢赤營游擊詔承昌以九百人赴廣順廣依等潰
廣順宗角汛防練旋圍承昌及游擊徐遇恩營於海馬塘游擊陳銘
勳方以八百人至州南鹽井援却之德昌率千餘人馳至巴茅哨應
與恕

咸豐十一年辛酉六一春正月田興恕至青巖檄副將周學桂等攻
定番城檄候選同知直隸州趙國澍緝斬奸商錚鹽濟廣依部者初
四日地雷發城圯數丈依等完守力拒不克會有內訌初九日學桂
等乘大霧薄城定番州城復初十日吳承昌詔承昌廣順州知州精
煦等分攻長寨廣依聞定番破無守志於次日夜走長寨廳城復與
恕檄學桂移攻土地關關南間道可達安順預檄趙德昌派隊起赴
安順遇依等西走十三日廣依至安順舊州學桂等由會周馬場馳
擊至承頭與楊巖保及參將毛克寬軍於大水橋疏安順糧道二十
日營甫定依等遽至克寬迎戰擊殺數十人俄馬中礮仆克寬徒步
戰沒軍大敗巖保等棄輜重退守安平依等圍攻縣城學桂等聞警
咸同貴州軍事史 第二編下

自車頭馳援廣依等不虞軍至遽退走舊州去安平圍解 二月初
六日歸化仲家葉桂林以眾附會廣依部自舊州薄府城趙德昌先
馳至遣詔承昌等營城外鳳凰山金鍾山都司顧鴻營五官屯自與
葉如松城守依等分攻各營勢頗張適周學桂楊巖保等繼至擊之
依退走西北薄定南汛城德昌先遣汛把總熊啓鵬回拒守依等營
五岔口旋間道走平遠以那戛北渡三岔河據豬場虎場學桂等躡
擊敗之平遠渡六歸河走薄畢節縣城幾陷李有恆自峯頂山回守
人心稍定依等據城東梓潼關 初九日田興恕以都勻副將周學
桂及楊巖保自大定進援畢節至歸化塘時依等方據附城東南民
房穴地實火藥其中每穴將成輒有難民走告李有恆尋露營千總
高應選調得其處引水灌之城中復擊穴或相佐練與依部相詈而
罷依等益環攻樵蘇俱絕決響水灘三道溝斷汲道天輒雨有恆等
聞學桂至約前後合擊十六日學桂進望城坡戰不利卻回頭鋪橋
依分出軍後截之學桂等力戰三時不得出會巖保與守備田興發

援至引還兵勇沒者數百人復期有恆以二十五日再進時廣依等
焚梓潼關益急學桂因鑿前敗遣都司莫金標守營參將王萬祥
扼歸化橋防軍後自與巖保游擊熊俊進攻牛場橋毀依部所設柵
初團民樹柵橋上頗堅依部至委棄依部據柵扼守屢攻不克至是
始破頗疲靡學桂俊追至松樹灣軍後忽為苗眾截斷戰殊劇學桂
重創突圍出歸逾日卒俊馳突不得出墮牛場河死兵練死亡頗眾
學桂俊所擊殺亦相當是時有恆亦出軍力擊以敵力拒卒不能與
學桂軍會興恕遣總兵吳安康來援 四月畢節圍久十八日雲
南尋甯營千總高應選中槍沒恆再約楊巖保等合攻 五月畢
節圍七十餘日不能下寢懈依部有張遇恩者觀兵城外中礮斃所
部降者四百人李有恆令雜髮編伍軍南門外當前敵終於疑慮內
潰十二日悉走黔西新場畢節圍解有恆及巖保等火其營吳安康
方至大定有恆毀東南民房略盡 七月楊巖保等追擊廣依等於
黔西新場分走溫水汛一入四川江津一走遵仁界之牛渡灘桐梓
咸同貴州軍事史 第二編下

團首黃仕昌禦擊敗死依部旋入綦江巖保及吳安康副將周洪順
梁正秀各率軍先後至桐梓次松坎遏守 冬十月吳安康壓迫廣
依部出境
同治元年壬戌六二閏八月會廣依復自四川敗由綦江入桐梓擊
潰九壩團眾徑逼縣城旋去由婁山關長趨至板橋半留遵義半間
道鴨溪走黔西正安州知州于鍾岳馳入遵義檄舉人張師敬分扼
大龍山紅花岡把總鄧德全扼董公寺于鍾岳扼玉屏山并約副將
全祖凱自南鄉趨馬坎關邀擊 十四日依等大至德全潰退湘山
寺二十日遂攻城遵義府知府李德我及護協李秉皋等分守內外
城初遵義故無外城八年紳民襄儀軒等倡捐規修與內城僅一河
隔十年始葺事至是外城民居得無恙保全者眾于鍾岳督諸軍力
禦依等退據附城鄉村所部猶絡繹趨板橋老場逼綏陽四川總
督駱秉章方奏遣雲南按察使劉嶽昭同游擊熊煥章吳安康來援
廣依部薄黔西州城署知州汪維翰集團練力守依等出入各鄉

村寨趙大定大定府知府曹煥祈援李有恆二十七日有恆率軍至副將沈宏富先率撤援黔西亦同日至 秋九月廣依至綏陽署知縣李愈南及都司廖熙麟以五百人禦之貓貓堙被圍于鍾岳遣軍馳援始解仍逸赴黔西宏富敗之李有恆扼之 大定然所部半四川游練土賊假翼王石達開幟計惟剽掠所至輒潰至是全租凱復由遵義迨追至大定黔西間多奔總已河間道分走水城平遠旋薄郎岱廳城不得志至毛口河會李崑自永甯走援郎岱遂乘虛蔓入州境崑回擊追敗之李有恆亦遣軍自畢節來援值方渡河半濟擊之傷亡頗衆餘走雲南入霑益州去

附錄

莫庭芝胡繼學墓誌銘云公諱繼學字芝庭安徽省銅陵縣人曾祖國棋祖鏞父楷道光二十四年隨伯父台銅仁縣任受庭訓仕黔補普安廳照磨丁父憂奏留軍營咸豐三年前州牧徐正黎以父執召公平承普茶夷服闋署貴陽府經八年周觀察咸同貴州軍事史 第二編下

八

竹樓知安順府延公辦理軍務黔河頭寨公致書永紳王世楷示夷匪以德威駐兵黃葛樹通大路叠著戰功夷民粗安保升府經縣丞賞戴六品藍翎十年三月周觀察薦權州篆五月初四日髮逆石大開偽將禮天玉等十數萬寇盤江偕趙守戎率師禦之賊衆兵單公嘆曰吾事畢矣趙君速公回州謝曰兄差矣彼此堂堂禦寇永無城盤江爲隘舍此則糜爛部屋何面目見查城父老寧死守此兄請便託告家人老母送省遂單騎馳驅叱咤力戰陣亡沙灣板柅樹下初五日城破公長子日新姪子日宣均遇寇不屈死事聞於朝奉上諭代理永甯州事候補府經歷縣丞胡繼學督師進剿力戰陣亡情殊可憫著從優加贈鑾儀衛經歷銜照守衛所千總陣亡並照四品官例世襲雲騎尉三代給予恩騎尉世襲罔替以慰忠魂欽此公生於嘉慶丁丑年二月初七日死事時年四十有四城復永人葬公父子象鼻嶺崇祀昭忠介第銘學仕鄂次子文斯文暉文暉文和分

仕滇黔長女歸王生榮次女歸何生鉞均守志孫正剛正名正麟正心等正名嗣公長子襲職文暉執經庭門請爲墓誌曩與令先大夫雅託知己慕其忠勇謹序顛末爲之銘曰果毅胡公盤江死守不愧臣工堅強哲嗣不屈心雄爲子死孝爲臣死忠忠孝全節安定家風皇極錫命異數優隆丹書鐵券帶礪攸同天財吉穴卜葬厥躬獅山象嶺慶衍斯螽春秋俎豆祀典尊崇汗青留照足慰幽衷恆嶽峙北九華江東龍碑百尺電影搖紅胡繼學殉甯之難距就任未一月也當警報初傳時方深夜因令盧小田者馳撤盤江橋殊小田至新鋪困而酣臥比天明太平軍已紛紛渡江來繼學倉卒應變母方病臥入辭淚承於睫告語左右煎藥須和木香心亂腹飢索食不得遂匆匆馳出過二門幼子牽衣不肯釋手繼學痛澈心脾揮之去甫出城太平軍已大至見其乘馬知爲胡公頭公頭者太平軍呼清廷官吏之謂也遂及於難太平軍入署繼學長子袒腹受刃姪女已

九

咸同貴州軍事史 第二編下

筭繼學次子亟手刃之俾自全入上房見供有神主叢矛並下蓋數十傷以其爲公頭之祖宗云於此可知太平軍疾清廷官吏之甚矣 清國史周夔本傳云周夔江蘇吳縣人由監生於道光三十年選貴州永甯州知州咸豐元年調黃平州四年捐輸軍餉並勸修黃平州城議敘五年郎岱鎮甯甯匪滋事逆寨盤折百餘里養馬蜜蜂二寨兇悍尤著夔偵得養馬寨賊衆屠集偕署平遠州知州沈世良帶勇越山而入前後截擊叠次獲勝復有桐梓餘匪勾結黔西土匪竄擾大定畢節等處夔率所部會合夾攻擒其渠魁餘黨肅清貴州巡撫蔣蔚遠奏入賞戴花翎並加運同銜六年黃平失守部議開缺時夔先期搬署郎岱各所印務缺任已久爵遠據實奏請更正得旨允行七年捐輸米石以同知候選八年勦辦鎮遠等處苗教各匪並克復永從縣出力奏獎以知府留於貴州補用九年署安順府知府時仲夷滋事夔

調兵練督同知州左茂森討之擒首從各匪六十餘名尋進薄
龍戛柴薪兩寨並將河頭寨攻破各夷紛紛投誠波玉河至定
南一帶以次平靖捷聞得旨遇有道員缺出請旨簡放十年賊
竄永甯夔偕參將全興督兵由關嶺進勦擒斬無算乘勝攻象
鼻嶺賊敗我軍直抵永甯州城下登城一呼殲賊甚眾州城克
復旋有另股逆匪分陷歸化廳城夔領軍進擊次連升關距城
五里許以賊眾兵單被賊裹入重圍力竭死之事聞得旨照道
員陣亡例議卹並准建立專祠尋賜卹如例賞騎都尉世職

字竹樓

國史全興傳全興蒙古正黃旗人始祖俄奔岱以功封三等男
爵全興由閒散於道光十六年襲爵咸豐三年揀發貴州以副
將用五年奉貴州巡撫蔣蔚遠等檄赴安順屬之老鴨石地方
勦辦竄匪遇伏失機利擄去頂戴六年正月安順雙堡地方狎
夷不靖踞杉木窩負嵎滋擾全興奉檄往勦會同在籍庶吉士

咸同貴州軍事史

第二編下

十一

丁寶楨督帶兵練由海旗堡攻入賊迎拒力戰敗之陣斬多名
並毀水塘等處賊巢賊來撲營復殄三百餘名餘奔潰我軍奮
勇追殺直抵杉木窩四面兜擊戮賊四五百名盡毀其寨復經
雲南鹽法道王成璐派兵伏隘迎擊擒逆首羅國玉等三名
斬以殉地方肅清蔣蔚遠得旨嘉獎十月以克復大塘汛出力
開復頂戴八月補清江協副將十年粵匪竄擾黔省首陷永甯
踞之全興偕署安順府知府周夔督兵追勦戰於關嶺擒悍賊
四十餘名斬馘無算乘勝進攻象鼻嶺兵勇奮力夾擊賊敗退
官軍鼓勇直前抵永甯城下躍而登殄賊數百俘七十餘名
復州城時歸化廳城亦經賊陷全興等移軍赴援進紮距城五
里之連升關賊屬集我兵勢單被賊兜圍數重全興與周夔麾
軍衝殺力竭均死之事聞從優賜卹如例予諡莊勇賞騎都尉
世職同治元年准於歸化廳建立專祠

莫友芝郎亭遺詩安順守周竹樓夔既以兵復永甯州追賊至

歸化廳後軍不繼死之一首云延南死石開州延北死江遵義
石如延南死石開州延北死江遵義
千里撤重關嶺路千盤益難備雨不到地涸海常生煙區區
有源水甯救石火燔周侯一麾障南壁悍髮強回皆辟易周侯
士氣一當百糜爛安莊還任席材官如林但嗟愕五更拔隊風
火行躡賊已過和宏城後勁隔絕孤軍撐劍州甘為萬歲死龍
上不救陳安生嗚呼周侯好名逾食色所至謳歌騰石墨慷慨
常存馬革心似此殉名良亦得回首鄉關意何極

但鍾良字小湖道光十八年進士翰林院檢討武英殿協修兩
淮鹽運使但明倫之子明倫臨膏腴之地處潤自豐嘗鉅金
築園廣順引河水入城擅池館林園之勝居處優崇冠冕一時
致爲人所指目時玻璃初入黔人至驚爲水晶宮焉城破之後
諸凡毀滅基址徒存人有傳其點綴之精者謂樓台雖毀而蓄
禽鳥之一角鐵網罟恩連綿至廣石均雕刻精工細膩山石尤

咸同貴州軍事史

第二編下

十一

玲瓏可愛信名園也或又曰明倫在揚州時曾以八十萬金餉
太平軍以不入揚州爲條件當時頗遭物議而揚州卒不能免
廣順之陷於此不無影響云

顏嗣徵望眉草堂詩集西園但太史家傳可樂西園其安瀾
赴水响影家人某學遺孤以逃而國亦尋廢矣生一首云西風
存華屋零落山是可知歌也傳六百九十餘言

吹雨灑黃蘆見說蕪城此更蕪苑內殘花春少燕門前殫柳晚
藏烏往日花柳紛在目往年勝事誰能續樟前強爲訴興亡欲
語吞聲還覺感憶昔此地擅豪華累葉承恩內翰家萬卷縹緗
開甲第兩朝輝冕襲宮紗頭角嶄然君更好弱冠銅龍通籍早
柱笏貪看羅甸山挂冠不上承明草歸來重理舊平泉冉冉
脂一水鮮緋几羅廚華月下飛鸞繡柱錦江邊銀箭撥開金屈
戌一重掩映一重出鈿砌移紅種海棠雕欄垂碧垂盧橘蠟淚
成堆徹曉明當階燈火九微擎高處料應凌紫府游來不敢唾
青城尊君視嵯長淮岸金穴銅山蒼朽貫和嶠日將錢麓擬王

戎夜持牙籌算囊有豪賞與更濃平居服食擬王公貂裘蔽暖
呼衣監獵隨求酥問宰饗名士合作名園主十斛明珠買歌舞
反腰貼地鬪新妝擎掌迎風翻舊譜謝女工吟潘女愁雪兒善
律香兒謳翠袖淺斟玻璃瓊銀鬢低按鈿篋篋結同心玉比
笑豆種相思木連理蚊蝶雙雙拂珮環鴛鴦隊隊嬌羅綺隊隊
芙蓉朝雲暮雨溫柔裏占斷春光招不起自矜意氣本無窮自
翹風流長如此佳景端陽綵鷁浮解樓筵開樂未休忽驚擊鼓
動地至鳴鏑飛刃風颺鐵騎奔騰殺氣逼一羣嬌鳥嘶荆棘
可憐細骨并輕軀拋向桃花浪中溺復壁搜劫何恣橫遺孤三
尺最伶仃漫許知交依文舉僅存傭保任王成倉皇萬事皆瓦
裂從此朱門妓管歇字簪時京氈絕羣牆壁爭穿狐兔穴銀屏
書掩東西廂寂寂鬱金教妓堂樓疊閣參差列榜額傾圮誰
能詳闌干十二曲轉品字藏書弓字館音韻文窗無復

咸同貴州軍事史

第二編下

十一

護綠紗欹橋尙是垂紅板粉澤脂香踏作泥無情流水知不知
庭前野鶴閑調子簾外寒蟲暗吐絲金谷園林總衰謝綠珠子
第都物化蒼蘚埋埋蟋蟀益碧桃壓倒鞦韆架破寺鐘聲出翠
微斷阡殘陌付斜暉傷感故家零落盡不堪城市景全非往來
冠蓋稀投足經年夜夜閉門屋芳魂應化杜鵑啼明月常照鬪
體哭興慶連昌亦廢荒京華烽火更茫茫盈虛消長知何極搔
首歎歎總斷腸

襄閩先府君行狀有云舊時城外居民與城內相埒延袤約十
里甲寅被兵因無捍蔽一炬燬燼賊退後議建城外城邑侯江公
介侯刑請先君與張丈星齋朝總其事計費緡數萬役工
約三十餘萬衆有難色先君曰樂成易慮始難利在百年道謀
豈復有濟時惟晉丈森林英韓君進修正等數人與先君
議合乃約共爲規畫卒底於成嗣髮號各匪圍攻數年居民及
附近避賊者不下數千戶皆恃新城得以保全云

蕭光遠紀亂詩云閏八月之初警來自桐梓長毛伏九壩勢如
蜂擁起要關險不防醜徒意外喜直入無人境一夜馳百里驅
馬踰萬匹渾莫辨首尾輔山作長圍如獵捕鹿豕或夫喪其妻
或母失其子雞鶩尙靡遺牛羊焉逃死有谷不反收橫斜在隴
坻扶老攜幼來兩城附如蟻何物稱翼王後勁逼城址守令逸
擊勞相機與敵抵礮聲震健山戰血滴湘水負郭挺戈冒圍
交石矢我日登高望壯哉有三士更羨東里英排隊濟軍米蹂
躡四旬久環攻三日止羣醜整軍去尾追亦徒爾毛賊未出境
號徒早紛起

第四十六章 余誠義之役

咸豐十一年辛酉春正月二十一日太平軍翼王石達開別遣
隊余誠義復自廣西南丹州入荔波渡舊縣河水自縣東南入
江二十一日陷荔波縣城守備曾佩麟一作千總王化龍死之主講
荔水書院貢生李國材大罵而死民死甚衆攝知縣兼署都勻府知
咸同貴州軍事史

第二編下

十三

府吳德容游擊范定邦等時駐方村城虛無防故陷巡撫劉源灝嚴
檄進軍規復 三月初四日吳德容范定邦入荔波縣城德容等奉
檄復進阻兩逾月至是報收復誠義東出九千徑古州車寨至九朝
旋圍黎平署知府袁鴻基代理古州鎮成應洪等力禦誠義分據城
外大猷山文筆峯鴻基告急 初成應洪以永從六洞苗數反復親
往撫定之會誠義復至據黎平寨攻府城應洪與守備穆雙有姚廷
楨擊走之把總唐發興戰沒未幾路圍苗起應余誠義悉衆至營萬
福山退輝道會知府兆琛至靖州先遣守備彭蓋勳率六百入至誠
義退黎平寨前定番州千總鄧元春因失守從敵至是由構洞遣人
約應洪爲應二十五日應洪率諸軍攻入三什江江府西計里湖江
路圍都司周啓祥戰死元春由中起擊誠義退走錦屏貴東道韓超
適遣把總吳開相等迎擊遂走印溪開泰三計里湖屯入湖南境
去與大隊合

第四十七章 石達開之役

同治元年一八六二夏四月太平軍翼王石達開先於去年分軍入湖北來鳳自出湖南靖州沅州共圖蜀以同治元年正月合兩軍而西由利川僻徑趨四川之涪州境三月進圍涪州城川軍唐友耕與湘軍劉嶽昭內外夾攻大敗四月移軍綦江又爲知府唐炯所拒達開慮陷敵非計遂收拾餘衆入貴州正桐界至松坎各圍望風潰走署正安州知州陳鑄署桐梓縣知縣蕭培基告急遵義府知府于鍾岳等急馳還遵義西北邊防會獲諜知由南川敗入人心稍定團衆仍回禦六月達開部退敘永遵義府解嚴旋又由仁懷突入遵義北鄉海龍壩會雲貴總督勞崇光赴貴州查辦教案遣出綏陽之旺草汛達開部方爲副將沈宏富擊敗遮於道崇光檄宏富等飛援時田興恕自省赴川適至率軍先進與宏富合擊敗之被興恕壓迫入川去

附錄

蕭光遠紀亂詩云蜀人苦短韃黔人忌長毛毛賊竄相境氣陵

咸同貴州軍事史

第一編下

十四

遵北郊時維四月中村村插夏苗農務各自勤猥云賊尙遙近守木坊營遠恃鐵索橋賊行速如鬼不壘亦不濛馬騰蹄踏鐵豺噬口銜刀布藜足不傷投刃虜不撓虜踰萬夫衆吾敢一勝饒暴風捲營柵賊兆心私切乎明未暮食駭見髮森森練目邁先奔團丁誰再招此敗雖人事此輩亦天驕于公來視師迎擊斬其梟虜衆若蜂擁我寡誠難逃軍有全國法師占左次爻中夜又驚起市虎百□□力護我行寸鐵不曾操飛箭思魯連投筆愧班超書生不知兵北山騰笑嘲賊由北而西十室九悲號我當禦寇時咫尺鋒刃交事過轉心悻聊用作歌謠

第四十八章 李文彩之役

同治二年一八六三秋九月太平軍翼王石達開別遣隊李復猷部李文彬由湖南敗走通道縣之播陽所地通黎平洪州地青署黎平知府馬樹清署參將李秀祥設防代古州鎮總兵成應洪赴援府城十月成應洪率軍由地青進至下溜營初立十一日文彩即李乘

大霧突至應洪及署游擊雷三佳在籍貞豐州學正姜吉瑞倉皇拒戰軍潰吉瑞陣沒應洪三佳爲李部馬隊衝散走四寨李入地青中朝旋入屯竹平馬樹清祈援楚軍總兵周洪印遣參將李金榜游擊滕加洪先後率千人來赴應洪三佳集潰練調團圍再舉 十六日李由竹平分黨攻四寨會已降六洞苗首梁維幹截清軍後三佳再敗陣沒李益張據坑洞也洞四寨 十二月初一日李仍據四寨巡撫張亮基咨湖南促周洪印援剿請以洪印銳字右營參將李金榜護理古州鎮參將金太文由銅仁馳援湘撫譚世臨奏略曰連日據總兵周洪印稱李七即李自竹平退據四寨河地與粵西毗通古州特險負固分結苗衆余老科羅光明等與爲狼狽靖州相距三百餘里楚邊防兵分駐黎平城外人數不及五千勢難深入且據吳自發稱苗賊九松等率黨萬餘聲言分竄沅晃諸隘戒嚴洪印一軍不能不留駐靖州以資兼顧臣復調參將彭炳武等移赴通道調總兵趙福元移赴武崗先將楚邊布置周密以便相機進剿惟客兵越境道路生疎兼之賊踪飄忽無常若伺楚師入黔而突出以襲其後則進退既屬兩難或楚師進傷而賊衆復已他走則進剿亦將不及李七爲李復猷悍黨兇狡與復猷埒年來隨同石達開滋掠數省多係百戰之餘黔中苗教諸賊雖扇亂有年究皆烏合倘李七合黨漸習髮賊伎倆必爲楚粵黔三省大患應請敕下雲貴廣西督撫迅派得力兵勇分由黎古融懷進攻一俟黔粵兵勇到齊臣即飭周洪印等出境會剿能將此股悉數掃蕩斯苗教諸賊懾於聲威剿撫亦當較易

咸同貴州軍事史

第一編下

十五

寨周洪印同李金榜知府戈鏗等擊走之適永州鎮王永章趙福元率楚軍先後至同進軍王嶺汛三月李部入據獨山紀賴旁寨水播略至三洞楊廷桂及副將黃仲慶自荔波進軍周覃三洞水利函約周洪印出定巨壩街擊李後復檄候選知縣廖景淇率團眾扼爛土防竄獨山李部僅二千據險不得下亮基促金太文馳赴黎古防軍後太文先屢以餉缺爲言至是得楚餉始次王嶺 四月楊廷桂黃仲慶等奪據新寨小嶺連下八貓佳洛諸寨逼已賴李部糧置潛令水家土人備火具將夜走廷桂詞知慮入省亟陳張亮基請撤副將全祖凱扼爛土中安鷄場適戈鏗等至板妙署都勻府兼荔波縣知縣彭培垣亦往會十三日廷桂仲慶約三路進攻李部猶分黨相持會周洪印及參將彭炳武等續至橫擊大敗李文彩先奔各寨皆下文彩走三脚合羅光明屯八寨境初洪印進都江金太文始遣三百餘人來會洪印屢促太文復以糧缺爲言其前隊甫至八開遠爲苗敗太文退黎平而已撫八蒙諸寨以官勒糧復集定且將叛洪印再

咸同貴州軍事史 第二編下

七

撫乃定至是洪印以輓運掣肘後路多梗又得湘撫檄令察酌緩急以定行止毋遽懸軍深入十七日遂撤軍回上江平江仍爲李據於是亮基以文彩已遁廷桂孤軍無繼奏請仍飭洪印等回軍會剿以太文逗遛革職留營李部餘黨多走爛土出麥衝平浪走獨山東北十五里之擺九 李文彩走爛土巴佑千總廖景奎等馳援不利文彩圍之巴佑洞景奎突圍脫創沒文彩轉爛土由三脚大河潰翁奇圍營楊廷桂留防水播以黃仲慶馳援全祖凱亦至獨山州城 六月黃仲慶自擺九進獨山約全祖凱由深河橋會擊免場翁奇李部悉退都勻八寨合羅光明楊廷桂以軍中多病旋由思恩撤退請裁病卒簡軍伍候楚軍回始會剿七月李部攻楊柳頭彭培垣同荔波游擊苑定邦合周覃三洞練團御之八月李部與齋苗復據上江平江八送略走永從灑洞楊廷桂時自慶遠移軍懷遠屬古宜斗江防禦黎平府知府徐達邦遣古州同知方憲修往祈會攻 九月李文彩結羅光明余老科合趨古州隴頭寨署古州鎮劉元勳定巨游

擊莫茂茂及穆雙有駐防王嶺張亮基以李文彩與齋苗聯合爲害甚大奏請三省會剿 十一月李部復入據黎平三洞張亮基檄楊廷桂由古宜移攻廷桂旋遣游擊孔憲隆進攻播揚

同治四年乙卯大五春三月李部圖荔波時湖南餉道均改經廣西入獨荔達省故李覲之於是楊廷桂復率粵軍進攻黎平長春堡與劉元勳金太文徐達邦等會湘軍進攻李部黎平舉人胡長新稟言髮賊實由多匪糾入以六洞爲巢穴六洞苗以髮賊爲爪牙負固相結若非并剿盡淨終屬巨禍

同治七年戊辰大八夏六月援黔川軍統領唐炯率副將謝鴻章吳洪貴總兵李啓貴等克苗教李復猷部李文彩開關降炯遣文彩及降人劉俊民等追老教主劉儀順至楊保河禽以獻解四川伏誅再遣文彩赴都勻八寨論黑苗柳天成降約候大軍至從中起應文彩等變去

同治八年己巳大九春三月提督張文德等出都勻規八寨苗教結

咸同貴州軍事史 第二編下

七

李部粵賊拒軍 六月初張文德進規八寨至都勻或說宜以重兵屯瓶口顧後路糧餉文德易之敵由望瓶口斷解道故敗於是李文彩等勢復張

同治九年庚午大七。夏四月李文彩據都勻平浪定廣協副將何雄輝將率八營由凱口平浪進軍而患平浪李文彩躡其後 十一月初五日何雄輝與李文彩相持於平浪文彩分黨略小爛土擊走之戰稍利文彩約降遂不出會郭里陳建勛等亦反正雄輝無阻因得以建勛導由郭里進軍擺雪道都司章日昌等四營間道薛家堡大橋初八夜直襲都勻府城苗教以文彩降故多走入寨餘散遂入城雄輝仍割尖坡巡撫曾璧光檄雄輝署理都勻協副將入守檄游擊李上榮填割獨山凱口上榮進軍再擊走爛土敵 十二月初二日李文彩赴何雄輝營降以洋槍隊數十從雄輝令編其衆入伍遣游擊蒲廣懋監其軍仍駐平浪

同治十年辛卯七一春正月二十二日李文彩結李高脚殺管帶游

擊蒲廣懋復起於平浪提督周達武亟調總兵何世晉由甌安移軍來攻高脚遂合走獨山平洲之巴窩四寨二十四日陷麥衝雄輝退避文彩伏兵要於道營官陳德昌都司章日昌及練丁百數十人皆死雄輝至馬尾大河都勻防軍不能守皆走府城仍陷烽燧直接邦水甌朗谷潯大江曾壁光責雄輝曰都勻復後即將該鎮奏請優獎接署協篆原期固守嚴防以作干城之倚屢經飭令籌畫萬全至再至三乃該鎮未久即遠駐麥衝屢促不還收復降人復不能善為控馭以致反側無常變生意外實屬咎無可辭初文彩以平浪降實顯陰假雄輝道入都勻而因以困之雄輝以此得間道先入都勻既知都勻不可守又慮為賊算乃出駐麥衝得免於難文彩之降實廣懋為之請及發難而廣懋遂先死 二月何雄輝遣隊擊賊勻獨間之普林軍功王智慧陣亡復分攻都勻戰稍利游擊戴長源從九何雄森中槍沒於陣降人鍾鈞佩亦禦敵邦水陣沒雄輝以孤軍無助請飭李上榮軍會勦壁光刻半月期令復城取李文彩贖谷雄輝旋以咸同貴州軍事史 第二編下

傷病發乞退是時都勻四面皆警文彩據平浪十五日達武出次貴定撤何世晉移擊平浪文彩敗走鷄買河回四寨達武至平浪雄輝再祈病請撤許之仍以張樑署都勻協副將 五月二十三日李文彩與黑苗柳天成子阿二奔竅箕寨附馬登科不克自立 六月李文彩益狼狽與柳阿二等走三脚旋走據凱里太平堡復結苗教黨走金坑至施秉之馬腦哨繼至思州鎮遠間之牛塘為副將李得貴聚殲死亂軍中

第四十九章 買福保之役

咸豐八年戊午冬十二月十六日千總買福保變結陳紹虞等襲陷甌安縣城署知縣劉昇平遁平越福保本姓何名添源千總買玉美養子頗驍幹昇平以平越復請給五品頂戴紹虞既降平甌圍不堪其虐昇平堅信不疑轉遣外委柏占元往慰之及從兵四人皆被害昇平不設備比禍作乃以平越團首李樹德激變告巡撫蔣蔚遠褫玉美職以平越州知州石虎臣督辦甌安軍務虎臣率師至中

平福保退玉華山

咸豐九年己未春三月買福保走合黃平苗教掠七甲六品軍功龔得勝敗之黃平州知州李春華又襲敗之會陳紹虞略至天文春華馳擊福保乘之團練多傷 秋八月初三日參將趙德昌圖王卡何得勝方回上大平遂破之買福保原與何得勝相結至是來援生員熊枚等邀敗之追至三十三灣 冬十一月買福保何得勝由定扒過大兩岔河圍攻團營六品軍功趙德光渡河躡擊敗之溺斬無數 十二月買福保何得勝據開州羊場蔓延札佐修文省城戒嚴蔣蔚遠方病乞假奏以海瑛護理巡撫檄趙德昌分三百人馳援開州

咸豐十年庚申春正月十三日巡撫蔣蔚遠卒海瑛權巡撫事檄飭諸軍云近來軍營氣習名雖剿賊實則距賊二三十里及賊乘我始勉強接戰甚有見賊即退或因人勝攘為己功者現在由定扒過江之賊補路當在羊場扛寨開州東北百五十里為省城肘腋患咸同貴州軍事史 第二編下

前調諸軍會剿迄今未進開州賊實與扛寨羊場合開州現已得手則扛寨羊場賊勢已孤所調兵練加以鄉團何止萬餘若不乘此急攻貽患胡底 買福保結苗教數千合拒於扛寨佐才戰敗中創走貴定龍里舊縣敵走合扛寨敵趨大小谷龍大小田壩逼省城分道出樂雍黑石蔓延崇義哨一帶賊匪百餘里省城大震海瑛飛檄賀萬年等由烏當貓場截擊德昌時在濫田灣後路已為敵斷復馳五十里至貓場期與萬年等連營永樂堡泡江河龍里等二三月近省苗教諸敵略乾壩仙人撒網脚渡二比官莊所至殘破賀萬年等由小龍谷龍退貓場趙德昌亦退永樂堡軍心渙散莫起宗方敗退董龍寨旋檄防普渡河起宗一切委之蕭廷玉託病回海瑛旋檄廷玉馳援開州顏佐才募練四千人約德昌出貓場合擊自由烏當定扒至巴香會剿卒不至敵圍泡江河德昌拒卻之 三月買福保據巴香結苗擊潰鷄場壩元保寨團營 夏四月新授貴州巡撫劉源灝至自省城時省東北數十里皆敵蹤 五月十七日買福

昱生員陳文熙敗沒

咸豐十年一八六一。春正月十三日巡撫蔣爵遠卒海瑛權巡撫事
檄莫超宗賀萬年馮世興等云近來軍營氣習各雖勤賊實則距賊
二三十里及賊乘我始勉強接戰甚有見賊即退或因人勝獲為己
功者現在由定扒過江之賊尚在羊場扛寨為省城肘腋患前調諸
軍會剿迄今未進開州賊實與扛寨羊場合開州現已得手則扛寨
羊場賊勢已孤可調兵練加以鄉團何止萬餘若不乘此急攻貽患
胡底時超宗國泰尙逗遛萬年世興屢摧始至羊場顏佐才亦自開
州馳援約期并進會買福保結苗教數千合拒於扛寨佐才戰敗中
創走丁寶楨及超宗國泰諸軍相繼潰萬年等退保貓場敵過白泥
剿掠巴香一帶 二十七日何得勝合貴定龍里舊縣苗衆趨大小
谷龍大小田壩逼省城分道出樂雍黑石頭蔓至崇義哨省城大震
海瑛飛檄賀萬年等由烏當貓場截擊趙德昌時在溫田灣後路已
為敵斷復馳五十里至貓場期與萬年等連營永樂堡泡江河 二
咸同貴州軍事史 第二編下

月何得勝與苗衆合剿略近省百里之乾壩仙人撒網脚渡二比官
莊所至殘破賀萬年等由小龍谷龍退貓場趙德昌亦退永樂堡軍
心渙散莫超宗方敗退董龍寨旋撤防普渡河超宗一切委之蕭廷
玉託病回海瑛旋檄廷玉馳援開州顏佐才募練四千人約德昌出
貓場合擊自由烏當定扒至巴香會剿卒不至得勝圍泡江河德昌
拒却之 三月開州知州戴鹿芝以何得勝等出沒扛寨羊場方耕
作單騎赴敵說之降得勝留鹿芝殊無降意鹿芝謾罵之得勝謂是
好官不敢犯亦不擾開州境者累月民賴以耕後百餘日得勝仍以
肩輿送鹿芝還貴陽營遊擊劉攀桂及職員何俊之軍潰於牛背場
由白泥走札佐隨集攀桂及蕭廷玉復奔退沙子哨十三日遂陷札
佐旋至三重堰海瑛檄趙德昌督近省諸軍防巴香以賀萬年防泡
江河買福保旋據巴香結苗衆擊潰鷄場壩元保寨圍營賀萬年遣
把總鄭洪外委楊福壽防把關亦潰 湘軍援黔副將田興恕自銅
仁籌進規計奏以思南石阡為湘黔要道請先肅清兩府繼剿湄潭

殲除賈河綏定省城再圖都麻黃平 夏四月新授貴州巡撫劉源

灝至省城時省東北數十里皆敵蹤諸軍游弋略如故於是趙德
昌節制近省諸軍德昌東以永樂堡把關貓場泡江河元保寨高栗
木為一路東北以新鋪水田壩三江橋麥稷寨烏當橫接永樂堡為
一路北以黑石頭沙子哨斑竹園札佐三重堰橫接水田壩為一路
三路官兵凡八千餘人分布設防 戴鹿芝復以五騎周視革老寨
扛寨羊場奇申寨定扒諸敵壘圖論敵降間有猶豫者以牽制不果
五月近省諸敵以太平軍故勢益張劉源灝檄趙德昌入城守巴
香敵分略花馬衝趨龍里箴箕堡團衆多潰扛寨羊場敵復陷水田
營守備戴雨先戰沒進至烏當趙德昌馳擊敵少却源灝奏請救提
督田興恕赴援省城 秋七月趙德昌趙德光敗敵拐九進逼羊場
扛寨白泥路稍通魏安卿正王崇植亦馳至開州會剿開州團首千
總余士舉營小江南圖貓場山十萬溪 九月初七日趙德昌與參
將趙德光等進攻羊場擊敵退守不出 冬十月二十八日田興
咸同貴州軍事史 第二編下

恕至省城近省民心為之稍安軍事亦稍順利 十一月初一日趙
德光等進擊羊場戴鹿芝方防江外金山寺敵因集開修團衆遣委
員左茂森來會破走之連拔扛寨巖底敵敗過江走上大平去德光
分軍防沿江諸隘 十二月上大平王卡敵攻參將何顯仕營於太
平山副將沈宏富遣援至始却
咸豐十一年一八六一。春正月趙德光與千總卜登友分扼清水江
岸上大平王卡敵來犯數卻之已復潛涉腰潭掠水尾分犯爛泥灣
知縣孫清彥營登友馳援始退買福保復分衆渡小河犯德光營德
光敗之敵營羊場平寨德光率桑錦標等分出貨郎村先攻羊場敵
潰復乘大雨疾攻平寨賊悉棄營走 二月趙德光疊破走韓家營
黃金營諸敵敵奔主戎山將渡南明河德光再敗之買福保旋以眾
降卜登友為請許之給六品頂翎更名復清令圖自効 三月何得
勝疾買復清降屠其家復清憤率眾渡江與守備卜登仲破大小卡
及花牙敵逼王卡卜登友營江內為聲援 夏五月趙德光卜登友

進軍大麻窩圖王卡卡前為江外楊司左為郭家莊右為馬龍井德
光以登友駐大麻窩自進紫沙坡遣千總何成龍等乘夜誘敵出而
以千總葉有貴等潛出敵後火其寨遂破揚司德光乘勢下郭家莊
馬龍井王卡敵猶守 六月王卡敵犯泡江河拘扒嚴游擊馮世興
却之世興先奉檄與都司賀朝岡會軍攻變苗潘各杰既又檄赴白
嚴助趙德光剿王卡以敵數擾皆不果 秋七月十九日何得勝出
犯趙德光營德光敗之得勝負傷走回王卡 八月何得勝固守王
卡不出會其黨戴大五出降趙德光為請給頂翎導軍進攻王卡前
以腰羅溪新寨嚴為門戶旁則花嚴梯子嚴通大麻窩均險要十七
日德光遣都司桑錦標王栢齡等以千人間道出敵後約卜登友由
大麻窩進又遣軍功賈朝相分攻花嚴而自率軍躡大武後攻王卡
游擊崔登高亦由定扒河涸水登山五品軍功張樑等擊腰羅溪踏
肩越牆斬關延軍入敵驚潰退新寨嚴軍繼進登友軍亦自後出德
光冒矢石越新寨突至王卡攻入敵盡靡何得勝乘亂由梯子嚴逸
咸同貴州軍事史 第二編下

第二編下

五

入上大平追之不及拔出難民三千人盡獲輜重德光以錦標登高
朝相等分駐腰羅溪新寨嚴自營王卡圖進攻
同治元年壬辰 夏六月初八日何得勝結苗眾由冷水河復入
王卡并分據三十三道拐截趙德光軍後德光軍饑不堪用屢進復
以糧竭回因力陳窘狀祈撥白泥羊場釐穀濟軍食勢稍振 秋七
月得勝黨以糧匱多出掠初八日德光率軍進攻以唐天佑洞敵情
檄同進剿請飭各營力保糧道檄諸軍分據省東百里之大谷龍洗
馬河光沙 八月上大平宿倚玉華山及潘名杰等援應近略江內
遠逼省垣巡撫韓超提督田興恕檄總兵羅孝連移江外截敵歸路
候選道趙國澍副將劉元興赴江內截敵白泥羊場會玉華山復趙
德光乘敵分出且失恃遣都司張樑出冷水河進攻小卡遣游擊彭
蓋勳扼王卡接應自率死士三百人夜由梯子嚴進攻夾子拐深溝
懸壁寬丈餘因攜木梯緣而上軍退無路因并力進一鼓破之十一
日遂毀上大平何得勝已逸平殊廣衍房舍頗多德光以軍少且多

病難分守悉火之仍回軍光沙白泥羊場敵亦為國樹等擊却既而
德光以病回省旋復為敵據 九月何得勝自上大平北走江外青
桐寨眾多饑遣黨西據江內毛栗莊開州白虎莊令輪穀江外為復
上大平計羅孝連先檄趙德光副將田連考等速扼王卡自率軍
次羊場扛寨間圖與趙國澍會剿德光旋馳還營屢請赴援即代韓
超不許檄令專防王卡光沙時糧輝艱軍苦饑嘗謂衝鋒陷陣皆不
動心一聞糧絕輒為失措惟國澍等遏剿江內糧輝較便屢攻敵不
下會張樑亦率軍來襲破白虎莊敵潰走棉花渡狗場壩 冬十一
月何得勝等連日西走黃精桃花寨南出白泥羊場趙國澍遣軍阻
擊敵回省東北百三十里之小頂卡韓超田興恕嚴檄副將全祖凱
田宗澤田連考都司張樑商紹淮等併力會剿二十六日國澍遣千
總張爾祥以數十人夜火黃精敵營敵驚走追破小頂卡北竄開州
札佐一帶皆驚韓超田興恕再檄羅孝連及祖凱連孝等馳逐逾開
州援剿時開州青桐寨敵竄楠木林團眾多潰荆竹團首余士舉被
咸同貴州軍事史 第二編下

第二編下

五

圍戴鹿芝祈援不至二十九日調開修諸團由龍旺河進擊敗還
十二月十六日趙德光率軍圍乘敵出再襲取上大平至則敵已有
備引還德光殿後敵追擊外委陸士奇陣沒彭蓋勳及軍功羅天佑
王興功賈必祥趙永勝湯士恩均中創士卒殺傷頗眾 黃精小頂
卡餘敵敗竄大谷光趙國澍等遣軍分擊敵復竄十萬溪各軍追圍
之敵夜踰嶺東至河灣河外敵豫結筏濟之渡未畢追軍至逼敵半
入水河內略清國澍等分營扼守定扒牛渡河河灣順嚴河棉花渡
防敵回竄
同治二年癸卯 春正月二十日黃精敵至札佐全祖凱諸軍皆
潰退 二月趙德光軍次光沙苦饑疲不能進潘名杰潛結何得勝
由省東北百五十里之尖坡紅嚴河竄陷爛田灣營德光率軍過江
由甲灣進擊潘中創敗走洛白河岔河去小屯旋為江外敵攻破德
光復馳回光沙 三月何得勝因潘名杰既據岔河時分黨竄洛白
略尖坡巴香慶趙德光右得勝結龍頭寨青桐寨玉華山諸敵遏德

光前德光以二千餘人分扼王卡拒何得勝扼大麻窩梁家鋪過岔河拒潘名杰又分軍駐洗馬河台上甲灣護糧道自駐光沙策應分駐百餘里糧道遠而多阻時時苦饑德光請添軍出平越牛場進剿分敵勢因進省陳軍情會敵分黨圍守備保定基梁家鋪營二十六日敵至大麻窩陷軍功黃德正營越日再陷谷光軍功金殿營營賊箕嶺不支悉退光沙德光聞警馳回夏四月何得勝潘名杰等連營王卡與趙德光相持德光游擊時有斬獲敵集益眾清水江糧道亦梗敵攻梁家鋪急保定邦棄營走貴定彭蓋勳練擊走之敵旋進圖光沙營并兩岔糧路亦絕德光率眾突圍出走兩岔河敵追至河德光已渡隔岸相持失亡頗眾旋遣軍分扼清水江巴香洛邦洛白巡撫張亮基亟檄趙國澍扼爛田灣再檄副將盧培強率千練馳援德光至洗馬河集殘敵圖再進國澍旋請以江外專付德光仍回羊場復同德光稟言江外復營非難守之為難誠復光沙王卡大麻窩梁家鋪數處即需三千人駐守節節進剿尚需四五百人又咸同貴州軍事史 第二編下

由梁家鋪至牛場七十餘里須二千餘人方能連營固糧路此但就中路言也左青桐寨玉華山右壩芒馬鞍山亦須分軍四路牽制庶易得手否則孤軍直入無益也是時游擊陳銘勳亦言下游諸賊都勻以羅光明為最餘如谷里堡陳廷英莫永清鴉善堡羅六王阿溜堡陳小介皆其從也麻哈以潘名杰為最餘如馬鞍山羅匡明擺郎藍三壽其從也其何得勝陳紹虞皆與羅潘等聲氣相通互為援應我軍若右出都勻則羅光明據其前名杰襲其後左出平越則得勝據其前光明三壽襲其後都難得志若中出貴定圖麻哈則名杰據其前羅何左右夾擊更難得手數年來賊踪不常我軍無可如何者大都坐此江外賊由租戎竄入防營奔潰趙國澍聞警急自爛田灣馳回何得勝率敵涉棉花渡羊場諸營一時潰退白泥盧培強率檄回援二十八日與國澍同至省東北百餘里之小腊敵逃至兵練饑疲不能戰皆奔潰培強稍後陷敵被劊仆死賊割其髮去得免國澍退至徐家園二十九日敵追奔至候選道趙國澍力戰陣沒

敵進至省東北四十五里之水田壩五月初二日節制近省諸軍趙德昌率軍出三江橋敗敵水田壩追奔至徐家園初九日進軍白泥十一日江外諸敵多趨開州何得勝據距州二十餘里之斗山屯都司商肇淮馳援不利十六日守備袁學先陣亡敵走圍商營并分據州東八里之鼎照戴鹿芝乞援趙德昌六月趙德昌援至開州敵稍戢商肇淮出擊不利千總孫德勝陣沒德昌逼鼎照屢攻不下則遣游擊張玉林張德隆等乘夜襲斗山屯以蹙敵初十日何得勝夜棄鼎照走德昌遣軍追擊頗有斬獲敵多出開州北四十里之馬江山竄馬跨窺西望山餘敵仍多游弋江內秋七月張亮基檄趙德昌進剿江外移總兵楊巖保由白泥防剿沿江一帶以趙德光為翼長保進圖潘名杰候選知縣商景陽營兩路口同商肇淮圍攻馬跨河何得勝率苗眾分據開州西南涼水井截新馬場千總張占才守備商景明糧路會老寨團首黃安邦叛附敵張亮基復檄都司吳正連參將胡德勝出中大樓截剿防敵竄修文路總兵沈宏富咸同貴州軍事史 第二編下

亦遣游擊解占標等援至青堰肇淮約進援不赴二十三日占才景明營陷兵練死者千人并分圍諸營米糧軍火皆絕二十六日全租凱始馳至不能援肇淮景陽正連得勝占標等諸軍同陷死亡略盡軍械皆委敵肇淮等以殘軍奔札佐養牛園白馬洞租凱猶駐軍洪水時游擊余世舉拒洛旺過江敵數戰不利亦祈援八月副將何顯仕至開州糧少留八百人駐防自率軍出駐三板橋全租凱遣鄒開貴等來會分軍過石筭河營胡豆山潰於賊顯仕等馳援不利顯仕以三板橋當敵中租凱營洪水擊敵左右路馬江山無軍養牛園狗場當糧道慮敵扼要害以蹙我請分軍駐守未至而敵入糧運皆阻因進圍顯仕營十餘日沈宏富自札佐遣商肇淮等由狗場進援二十九日敵陷三板橋營顯仕力戰死兵練死亡略盡九月初六日何得勝陷開州城按察使銜候補道攝理開州知州戴鹿芝死之自三板橋營陷諸軍悉潰沈宏富由養牛園退札佐僅餘親兵百餘名開州孤城無守敵自北門入鹿芝方守西城遽率子詠及親丁直

犯得勝得勝慰謝之鹿芝首撞得勝大呼曰汝速殺我全家勿傷百姓一人因被害子詠殉妻姚益於署得勝素敬鹿芝至是感動因諭羣從勿妄殺以故民無大傷余士舉旋以團衆降得勝時巡撫張亮基奏請議卹鹿芝有曰戴鹿芝居官愷悌報政廉勤吏畏其威民懷其德智能禦寇屢蕩鴟張勇不顧身曾入虎穴樹一方之保障盡瘁殫忠嬰五載之危城成仁取義云云嗚呼如鹿芝者可謂賢矣勿傷百姓一人一語直與煤山之殉同一聲口令人哀思無暨時至今日安得再有斯人哉宏富旋自請參處謂身經百戰未有如此之一敗塗地旋檄赴省 開州敵絡繹過江去趙德昌遣都司張玉林於二十一日馳入城未幾仍退駐燕子磯敵竄羊郎息烽蘿葡洞沈宏富潰練皆與敵合團初見衣幟不敢擊敵因愈肆會修文知縣白夢蟾出訪諭令截殺德昌軍至札佐夢蟾赴營祈援敵已擊潰修文團首王三錫團奪據西山復由鷄場壩竄銅鼓寨劉元勳時奉檄辦理修文養龍五保弁違義西鄉團務至養龍以團練多潰散不敷防剿亦咸同貴州軍事史 第二編下 元

請添練夢蟾仍回防開州敵愈張揚嚴保退白泥張亮基檄趙德光自率軍馳赴白泥同趙德昌進剿二十六日德光布防各營自移軍洗馬河 冬十月初二日開州敵竄白泥趙德光由洗馬河馳援至麻陽河張樑及游擊崔登高楊嚴保諸軍已潰於拐二界牌嚴保等奔水田壩德光連夜馳擊敗之以孤軍仍退過河扼麻陽張亮基檄全祖凱馳赴白泥敵旋走馬場哨上旁軼札佐至三重堰初七日札佐巡檢李特夫率團衆禦敵場上被禽不屈大罵死之妻陳子傳鼎傳訓子婦吳氏童氏孫一均遇害於是德光以何得勝遠出其根據地上大平必虛裏三日糧渡清水江經大麻窩王卡潛軍至上大平會阻兩行遲爲敵覺固守不克亮基以敵逼復檄赴省 十一日何得勝陷修文縣城知縣白夢蟾死之初夢蟾以署典史施耀曾教諭陳瑤章赴六廣聯團遣汛外委楊清枚出防洛邦自率民衆居守得勝連陷五保劉元勳退守烏江團練多散趙德昌自札佐遺都司盧培強出城三里扼敵戰沒又檄游擊李忠恕自黔西由黃沙渡出九

莊邀擊西山羊郎敵亦敗退過河德昌不支退軍省北二十里之黑石頭敵益熾直薄城下團民驚散城遂陷夢蟾大罵不屈死西城家入劉貴殉敵分黨出六廣河由五里索橋支木渡窺黔西清鎮鎮西衛一帶 十一月初十日總兵楊發貴等馳赴修文會敵多趨省遂復城已復出金甲寨時何得勝馳開修敵及叛團余世舉晏景清等合江外苗衆分道回集潘名杰亦出圖厄省城大敗趙德昌軍黑石頭德昌奔退小關敵分由永樂堡大小關茶店進逼德光先馳至擊敗敵紅邊白牙小龍井三江橋委署畢赤營游擊商肇准置水城游擊鄒開貴皆力戰陣沒時沈宏富駐省城德昌旋退省張亮基檄令出禦自率布政使龔自閱兼署按察使糧儲兵備道承齡貴西兵備道徐志導以下官紳兵民等衆登陴巡防復飛檄在籍前雲南臨沅鎮總兵林自清及羅孝連等星馳赴援自清率游擊李庚清知府林貴清等馳至附郭一帶烽火相望閩城皆驚亮基拊循諸將勦軍四出民衆則具餼糧以待各軍數出輪戰輒裹以行德光自清德昌宏

咸同貴州軍事史 第二編下 元
富等或前或後或左右擊皆躬自搏戰勇氣百倍得勝不得志始却退沙子哨土舉等猶據三江橋德光縱擊之洛灣烏當永樂堡乘間出奇所向皆靡自清大敗敵茶店復追至龍場分軍擊猪場堡寶關五里橋督辦安順軍務畢大錫得檄援至清鎮而乾溝老王衝皆爲敵據大錫會署清鎮知縣譚歲本在籍四川同知張軸新等防守孝連始以百餘人後至軍械多不備 十二月羅孝連擊敵省北四十里之黃師衝中創敗還署開州知州段紀傳上言曰余士舉降賊實以力弱不敵圖爲保身衛民之計近專函自明頗思反正亮基檄獎士舉責令反戈內圖何得勝弁檄職員桂芳馳赴開州會士舉同招得勝降不至
同治三年甲辰春正月二十五日何得勝入鎮西衛城再敗林自清軍乾溝軍退清鎮 二月何得勝自破鎮西衛分據乾溝鷄場橋會周馬場廣順州知州劉琦聞警出防曹擺州故無城不足恃十九日遂陷廣順二十一日再陷長寨廳城代理長寨廳同知府經歷

德慶不知何往定番居民因亦驚徙州城一空署定廣協副將閃雲署定番州知州白鏞亦走趙德昌遣游擊盧希恆都司徐定邦赴援未至二十二日得勝再陷定番州城會趙德光方由廣順東北廣興鎮連敗敵敵回拒二十四日希恆定邦適至遂入定番州城進軍長寨遇敵宗角汛敗之二十六日再復長寨時畢大錫亦由安平來接敗敵樂平由土地關疾進遇敵與戰將不支團眾援至敵稍却已復由馬路場擊潰團眾大錫亦遣軍出敵後擊敗之劉琦約期復廣順何得勝攻清鎮連營東山寺黑泥哨林自清馳至同代理知縣茹含章禦守乘間出擊殺傷相當敵不退張亮基檄趙德光馳援會谷脚陷游擊徐蔭遠營德光援敵高寨牛茨林定番敵回會周馬場德光又折回邀敵之旋率張樑及參將葉有貴等出狗場援清鎮時全租凱擊敵貴築西龍場小簪千總冉定邦陣沒將刺蒿枝塘德光已馳至擊敗之追至清鎮翁井夜襲東山寺敵營斃敵殊眾東山諸敵出不意驚譁不敢出德光轉戰至黎明慮軍少為敵乘復退翁井咸同貴州軍事史 第二編下

咸同貴州軍事史 第二編下

三

敵自毀東山營併走花橋二十九日德光馳入縣城敵復東北走豬場堡清鎮解嚴 三月初一日畢大錫劉琦分道入廣順躡敵追擊時鎮甯阿破枝苗越據平遠豬場逼西南何得勝分黨竄牛場鼠場逼東北大錫復得檄馳援先擊走豬場敵抵州城牛場敵走八步場大錫進軍以麥塘相持累日戰不利敵驕乃夜火其營敵倉皇由白蟬羅渡河去 何得勝去清鎮圖由五里橋走豬場堡趙德光邀敵之復間道出車田過河圖攻堡城及茶飯寨游擊李庚清力禦德光馳至又敗之十四夜得勝他走時德光以孤軍轉戰而諸軍多觀望走避張亮基嚴責往會越日德光函約全租凱羅孝連唐天佑分進茶飯寨敵東北奔開修追至王官而回麥城郝官趙官脅從皆赴德光營祈撫亮基檄會諸軍出大關進勦修文北局團首王三錫同游擊田慶宜由六廣渡河入修文縣城 夏四月初一日何得勝由修文退札佐北清水街修文六廣團眾多從清軍得勝即日還擊之復入縣城王三錫田慶宜皆被害團悉潰得勝大屠戮張亮基檄

諸軍進勦沈宏富稱乏糧不果往僅遣親兵駐防小關趙德昌因病以軍事暫付趙德光德光慮在潘名杰欲專意東南惟羅孝連率軍由黑石頭鷄場進德昌旋遣張樑繼至初五日得勝至黑石頭復分黨出場鷄鈔擊孝連及樑軍皆潰奔小關圖倚沈軍比援至而小關亦無一卒敵追至力拒始還 五月羅孝連擊走沙子哨東大山牛場敵時敵梗中路餉輝迂道鴨池河鎮西衝至省頗涉險張亮基檄候補道鄧爾巽督辦檄林自清由樂平會擊以疏餉道爾巽以張樑由乾溝西進擊走清鎮西泥窩諸敵自清亦率軍至十七日入鎮西衛城敵悉東走十八日突入猪場堡副將黃友得盧培義倉卒走省南三十五里之沙鍋寨趙德光聞警馳至敵旋退亮基再檄候補道樊希棟督辦龍貴軍務 六月初十日何得勝入定番州城署知州邱瑞錦走邑陽署都司保萬春走斷杉汛先是何得勝黨由花草老攻青巖團總候選同知趙國霖率團卻之趙德光率軍抵花草老數戰皆勝敵盡趨定番州民數十家早徙避瑞錦請檄署定廣協盧希咸同貴州軍事史 第二編下

咸同貴州軍事史 第二編下

三

恆赴任助守未至而敵入十三日敵略走翁貴候補道于鍾岳遺德慶等及希恆先後入城時林自清將擊洛灣檄鎮西衝乾溝諸營自隨以張樑接防會李庚清方托病住清鎮敵至鎮西副將林懷清以糧匱退乾溝旋退安平樑以練少亦去之安平 秋七月何得勝李庖臉花離等分黨走安順安平自同余世舉等退開州開修諸團祈大軍北勦張亮基檄趙德昌代趙德光住猫場固省南檄德光會林自清出沙子哨分出平山牛場初五日突至修文敵出不意悉散走遂入城自清旋分道出落邦羊郎德光橫出札佐至白馬洞團眾以德光至多來歸殺敵自効遂攻白安營李庖臉及晏景清拒守自清旋亦至白安為敵要道德光調得勝將來援留葉有貴等同自清攻白安自率軍疾馳至開州十九日復州城因遇敵援路得勝屯尖山白安敵勢孤毀營宵遁自清分軍出馬江山德光合軍攻尖山得勝以白安破失勢亦走江外德光招撫諸屯分軍守隘 八月開修團自何得勝退江外多來歸惟余世舉仍觀望時敵中多疾張亮基檄

趙德光林自清進勦前軍至翁招德光撤張樑等移白泥羊場將聚
磯之會德光病不果住自清以開修略清請撤回亮基不許同時趙
德昌羅孝連皆以病還德昌以軍事暫付盧希恆駐防洗馬河 九
月何得勝過河回攻副將賈必祥池有順游擊黃德正保定基於登
龍營桃子窩營垂陷德光馳至敗之二十八日敵陷唐天佑鷄扒坎
營遂據毛家院圖出底窩札佐復竄省德光以隘歧軍少林自清駐
防馬江山離營久不還副將葉有貴以孤軍代守慮不支屢請飭自
清回營不至副將楊發貴扼全勝營要隘練多逃亡 冬十月初三
日何得勝與趙德光相持據賴穀營李老帽間道走馬江山圍葉有
貴營兩日陷之全勝營及白沙汛桃子窩皆被圍祈援得勝復據鼎
照初六日德光進剿署古州游擊黃德正中槍沒於陣於是老帽自
狗場壩走息烽羊郎團潰多從敵德光遣有貴及副將李發貴唐天
佑等截擊不利潰退札佐敵迤至盧希恆奔三重堰二十六日德光
破走賴穀營敵旋率軍遮擊之養牛圈狗場陽水三潮粟言自以孤
咸同貴州軍事史 第二編下

三

軍轉戰只能及三四十里不敢遠離開州慮賊再至民再受害必以
官軍爲不可恃將一意從賊以後欲復有開修不可得矣請嚴飭林
自清由札佐進剿 十一月初三日何得勝黨出石洞清水擊潰游
擊張玉林都司李洪林營於賣酒坡洪林及外委張殿暄從九品汪
遵守等陣沒敵至三重堰千總王柏齡陣沒葉有貴等退燕子哨德
光連日撤鎧籠營退防白沙坡糧道敵潰全勝營參將楊雙貴來援
亦退開州都司唐萬全陣亡德光屢擊敵上下光西三角莊林自清
始出美竹箐古隆敗敵至養牛圈請飭有貴赴德光營併力開修自
清還顧省城亮基不許自清復進擊燕子哨敵遣攻署上平余世舉
始圖來歸就約都司高應煒會軍擊敵白果塘小澗圖落旺翁招敵
營得勝攻世舉營過糧路世舉恐回援方世舉請援時稱不日解賊
目入省亮基再遣候選州同桂芳往撫遇敵鎮江屯乾壩從者僅四
人乃被害鎮江屯諸寨本世舉團以敵勢強未敢來歸亮基因撤張
樑援剿 十六日苗入大定何得勝黨由六歸河往援之 十二月

初一日林自清遣軍同葉有貴擊敵署上平失利雲南川東營把總
郭天錫千總蘇一相陣沒時敵分屯白安營乾白楊趙德光率軍連
敗之敵走燕子哨自清禦稍却敵衆大至自清方力持諸營不支
先潰退札佐千總張應星劉世勳宋登甲袁文龍胡春榮黃啓祥把
總盧文耀舒得貴蔣得聲張江林候選州同王朝選從九品李文蔚
生員王禮乾皆沒德光聞警率楊雙貴進軍何家莊敵屯杉木莊旋
攻白沙坡保定基營德光馳援擊敗之旋回守備楊朝品戰沒開州
圍解敵仍屯白沙余世舉高應煒諸營尙圖敵自効屢祈援趙德光
德光以開州急撤令固守待援應煒旋伺間道道張樑營都司高應
祥守備高步廷軍功高承霖皆先後遁世舉力禦二十七日德光馳
援至敵解鎮江屯始下
同治四年乙丑大五春正月何得勝以趙德光守開州不得志多相
江內德光率賈必祥等連毀翁招白果寨諸敵壘遣軍同修文生員
團首邱光翰等出上陽水三潮禽殺變團晏三等李老帽等別出趙

咸同貴州軍事史 第二編下

三

官陷修文十七寨復走猪場堡龍井寨唐衝 二月初三日何得勝
黨迤至清鎮旋出牛場窺養龍司邱光翰率衆却之軍功印文琪戰
沒 何得勝黨自六廣河西入黔西與苗教合略州東南幾盡 秋
八月何得勝潘名杰等益逼省城名杰出谷脚得勝以趙德光回攻
馬營分窺札佐清水名杰弟掠至烏當洛灣亮基病代巡撫事布政
使裕麟檄張樑唐天佑扼白泥貓場盧希恆自定番回扼圖雲關楊
發貴屯紅邊門附郭 九月何得勝出馬勝寺走薄開州城裕麟檄
副將池友蓮徐占先扼陽水羊郎餉道由養牛圈會修文團赴援不
至敵分趨札佐清水沙子哨絕餉道因擊敗趙德光軍並陷老馬寨
圍首四品軍功黃吉安陣亡德光所遣朗洞守備左軍游擊蔣占鰲
署鎮遠右營千總都司石國泰署清江協左營都司陳冬林營黃家
屯亦陷占鰲等不知所往二十八日再入開州署知州許其翔走圍
首何正冠營得勝等比年屯耕路旺河外轎頂山秋穫後輒過江劫
掠德光以葉有貴駐防開州先遁城中難民僅二十餘戶不克守敵

西南趨豬場堡有貴視職 冬十月十八日何得勝等陷清鎮縣城
署知縣官佐堯道曾周馬場生員李茂枝李天香遇害巡撫張亮基
檄趙德光等進援敵回豬場堡德光入城池友選等尾追不戮一敵
得勝復分出洗馬河白泥至息烽養牛園德光遣張樑馳防修文已
革副將葉有貴扼三重堰潘名杰復由烏當洛灣橫出沙子哨遙相
應 十一月初五日李庖臉渡索橋南出十七寨襲陷安平縣城署
知縣王度署典史鄒傳心安平千總湯大成遁十二日趙德光率軍
復之敵竄安順東北畢軍祝友林羅孝連先後至敵旋回樂平 十
二月初一日畢大錫趙德昌羅孝連三路分兵德昌剿何潘黨德
昌旋奉上諭安義鎮總兵趙德昌著張亮基飭令赴四川交崇實駱
秉章差遣既而不果

同治五年一八六六春正月何得勝李庖臉許大八等過清水江攻
余世舉寨得勝出清水張樑軍三重堰民疾樑軍騷擾敵至輒結攻
之葉有貴劄牛矢屯沙子哨皆制於敵樑敗退斑竹園何得勝復分
咸同貴州軍事史 第二編下

黨出豬場堡趨清鎮二十七日再陷清鎮縣城署知縣孫允中遁時
都司毛宗亮以七十餘人城守副將鄧明勝不知所往所部無一人
敵趨安平署知縣江煦和設防 何得勝等猶攻余世舉貴陽營游
擊傅必榮得檄往援不進得勝遣黨侵略自修文至九莊民多脅從
小六廣團首武生顏耀南等祈援張樑樑令葉有貴却之比樑回而
敵仍踵至益虐殺民 夏五月省西北西修文東開州中徑札佐息烽
養龍百五十里北轆烏江與遵義毗是為中路何得勝時出沒其間
開修城雖復空無人居牧令多依團寨札佐息烽羊郎附近諸寨皆
被脅時都司李得貴并降衆楊子和苑玉標等渡烏江而南進至養
龍張亮基檄署開州知州許其翔及余世舉等往會敵敵圍得貴及
子和等玉標復叛軍遞潰回烏江其翔等亦還 六月何得勝李庖
臉等復悉衆出略許其翔余世舉敗退朝陽屯團首何正冠叛從之
據鼎照亮基遣世舉招之正冠與有隙慮將圖己不至其翔世舉請
尅期兩月克鼎照其翔月需餉銀六百金世舉月需餉銀一千二百

金迄無功亮基再遣邱光翰招之仍不至 秋九月何得勝李庖臉
等陷邱光翰洪水營遂至省北三十里之毛栗堡平遠副將林從太
遣把總楊再興禦之陣亡 十月何潘黨復趨安順趙德光先遣葉
有貴及都司張斗等出清鎮追之不及遂自將追擊初八日敵至安
順分劄頭鋪二鋪飯籠鋪唐家屯馬家屯連壘數十里偃府城安順
府知府呂序程禦守敵分據東北狗場跳蹬場截大錫歸路大錫再
戰不利是日德光方至安平而省城因林從太軍潰回大關戒嚴亮
基復趣德光還德光疾馳至三鋪遣軍襲取二鋪攻城敵回拒頭鋪
把總周雙祿戴文元陣亡德光自至二鋪進擊副將葉有貴中槍沒
方相持間趙德昌畢大錫援至合擊敵不支潰走德光德昌分道進
剿 冬十一月十九日副將倪朝榮遇敵鎮西衛被害死數十人時
何得勝等方趨平遠牛場圖犯州城

同治六年一八六七春正月副將李忠恕率軍疏通中路自札佐息
烽養龍沿途剿撫游擊余世舉等亦據附近艾子平諸敵營餘敵走
咸同貴州軍事史 第二編下

落旺河去開修屬牛場老胖河陽水三湖南望山脅從數十寨仍未
歸修文境及中路稍疏惟開州境東北與輪頂山僅隔一河伏莽如
故張亮基奏烏江雖通而榛蕪滿野數百里寂無人煙游匪濫竽劫
奪其間若無重兵戍守仍虞通塞靡常兼之甫歸之民田廬蕩然饑
饉之餘人至相食因遣游擊田興貴一軍劄養龍顧大道仍令忠恕
及世舉剿撫開州 夏四月何得勝黨掠至札佐團練潰亮基令候
補道吳德容擊走之李庖臉斃 秋七月余世舉請勒限剿何正
冠不下至是何得勝過綠莎平援正冠世舉遠撤退中路仍梗 八
月何得勝潘名杰南北分據歲穫時輒分出剿掠張亮基以總兵楊
發貴劄南路過龍貴副將李忠恕等劄札佐養龍防烏江中路其近
省數十里內西南騎龍司花草老青戲以副將童三元等西北豬場
堡湯把哨小龍潭以都司舒定邦等東南二鋪圖雲關以知府馬世
麟等東北三江橋烏當洛灣以副將鄧明勝等分道扼防更以記名
提督黃清源知府劉克成劄附郭照壁山觀風台隨時策應敵數逼

省皆卻之 九月初三日何得勝出中路攻田興貴等息烽養龍諸防營撤吳占勝馳援以病不進興貴等潰退札李忠恕擁軍札佐不能救復撤黃清源馳赴 二十七日上大平教首武安王何得勝自開州回走死轎頂山

同治七年庚辰六月 春正月二十八日提督張文德遣副將戴榮宗游擊滕代榮赴開州據真武山并規鼎照 二月鼎照敵敗退守張文德撤田興貴自養龍間道會剿初四日攻敵卡創退游擊馮成龍舒善選陣沒文德聞敗復督林從太等繼進破其王卡正冠降正冠故開州生員久降何得勝者至是歸順旋與余世舉分道過河擊江外正冠出綠莎平破抱頭大寨世舉出沙子河襲破米平金山寺何得勝妻黎氏繼起集玉華山上大平羣從拒軍 三月余世舉被圍米平張文德撤何正冠馳援正冠遣軍由落旺轎頂山攻之世舉突圍走關刀山敵趨小龍潭斑竹園攻游擊宋國楨張樑諸營文德過江遣軍馳援敵尋走會在籍陝西延綏鎮總兵汪柱元守備張威咸同貴州軍事史 第二編下

琦要敗之斗蓬嚴把總劉占標陣沒士舉尋以饑疲退 六月二十八日援黔川軍知府唐炯遣降人持札許不死何得勝妻黎氏始降

附錄

戴鹿芝浙江人俞樾撰其墓表云道光十七年余始應鄉試廁名副榜榜末爲戴君商山越二年而君舉於鄉又五年而成進士諸同年生咸詫曰吾榜成進士者數君列榜末不數年援高第以去豈非吾榜之高材生歟乃始藉藉稱道戴商山戴商山然而固未之識也同治五年余寓吳下有戴氏子曰儒者投刺於吾門稱年家子而求見進而問焉則君之嗣子也手一編曰是君之家傳嗚呼君死余陰伏久於時事突聞見不知君死狀受而讀之乃歎曰若君者豈獨吾榜之高材生歟乃當代之魁士名人也按家傳君諱鹿芝商山其自號也浙江蘭溪人道光二十四年進士二十七年補應朝考以知縣發貴州試用補印江縣知縣升郎岱同知歷署修文縣知縣定番州開州永甯州

平越州知州代理安順府知府同治二年秋九月開州賊何二攻陷州城君時攝開州牧冠服死於堂君才識明練勇於任事不畏強禦不避艱阻其攝修文令也文民屠福生謀叛前令上變大府即命君往代之君急馳至修文屠氏誦者日數輩三日夜無動靜意稍怠君忽單騎率數役馳入屠所居寨屠父子五人皆大驚厥角於地稱死罪君笑曰無恐從我歸耳皆僂然從行君釋罪而用之後賊至屠父子殊死戰城竟以全焉其攝永甯州牧也州固苗疆頑民結寨自固者相望劇盜伍王臣踞石頭寨也寨地尤險大軍攻之未卽下以武功蕭羈縻之益偃蹇君偶有事於小箐距其寨甚近有担荷鴉片而過者趾數千接於道問之皆賊黨也命奪而燒之一夫蓬頭突鬢六品官服驕而前疾呼曰勿勿君誰何之曰吾石頭寨伍王臣也君大怒手猝之踣地欲殺之無刀顧曰刀來刀來倉卒無應者乃反接之以入城城中皆大驚或勸勿殺君怒曰賊來在我終不令爾曹

咸同貴州軍事史 第二編下

獨死遲明出伍王臣辜磔之竿其首懸之石頭寨明日仍有事於小箐則伍王臣妻子兄弟皆囚服道旁叩頭血漉漉求君揮以肱曰去去勉爲良民無犯吾法矣於是威望益振大吏倚之爲重所至羣盜皆屏氣莫敢支吾然竟死何二之難先是開人獲穿窬二官桎梏之斃一人一踰數日不死憐而釋之即何二也咸豐九年何二踞尙大坪以叛君時方攝平越州牧未至大府千里飛檄委君兼攝開州事君知開州急遂改道赴開賊知君有備不敢窺州城然踞巢穴如故君以兵禍不解民且廢耕思如屠福生事勸之降十年閏三月單騎馳賊營父老遮道留甚苦君曰吾計之熟矣彼發從者皆吾民未必卽受害得遷延十許日雖殺我耕事畢矣聞者皆泣下既至何二箕踞坐上其手曰官來吾英雄官亦英雄君吐曰否汝言何也吾汝父母若曹吾子耳父母不忍其子死活汝汝言何也賊意稍沮君百端陳說利害卒不聽居尙大坪賊巢者七月惟取所攜周易諸書

讀之見賊輒怒罵然賊終不忍害竟送之回城羅拜而去曰公在吾曹敢闖城闖一步乎明年君坐事去官代者未至賊不知謂君行矣率衆攻城無兵無餉無以守君檄調修文舊部至而修文距開數百里賊斷餉道士皆枵腹城遂陷君偕妻姚淑人坐堂上賊至君手劍擊賊賊還擊之額顛血湧出遂仆賊相戒勿殺君君復蘇顧其弟鹿榛曰吾此時心愈定亦愈清平日讀書之效至此驗矣吾生無愧忤死且爲神言已大笑遂卒嗚呼雖古所稱結纓銜須者何以過哉事聞贈太常寺卿世職蓋君雖以州牧死事然事前已有旨以道員用又加按察使銜故從三品例賜卹且詔原籍及死事之地皆建專祠以時致祭君雖死不朽矣君舊所部民聞君死莫不流涕雖賊何二亦稱君爲貴州第一好官蓋其忠誠所感發如此然則吾儕當日藉藉稱戴商山戴商山其知君殊淺也

咸同貴州軍事史

第一編下

五

戴鹿芝浙江人進士宰修文縣先是邑之糧賦分兵科兩種一

曰軍田明季討平安邦彥後改土歸流取其地分獎將士且屯且守酌取其贏是謂軍糧軍糧較重一曰民田由人民承領荒僻竭力墾治官廳按畝起科寡取之以廣招徠者是謂科糧糧較輕兩種均各就該管守禦千戶所完納正米以充軍實康熙中改衛設縣裁撤各所官兵統歸縣轄每歲除坐支汛官兵米儒學廩米公署役食米外於是責令民間折銀完納久之流弊漸滋米值過賤銀根奇絀每糧一斗須賣米三五斗始能敷其額征之數衆皆苦之戴公知其病民而徒歎愛莫能助也適下游諸苗因閭糴蠢動乃乘人民一面呈訴大吏一面爭以草苞裹米擁塞公庭呼號請納以爲田中所出只有此物之故歷陳民間疾苦代爲請命減定折征價額勒之於石其後調任開州何二強盜圍城至急公登陴督守賊衆欲施放鳥鎗何曰公青天也毋傷之公指何漫罵激使殺己何謝曰人盡如公苗不反矣我何敢加害必下此城者恐假途而過公斷我後耳後公單

騎馳入賊營勸諭賊留之敬禮有加旋以肩輿送歸

俞樾貴州候補道樊君傳云樊君諱希棟字葦樓樊公現第三子也幼隨其父在中州讀書習舉業已慷慨有大志以兵亂途梗不得回湖北原籍應試乃挾貲入都將博一官徧詢於人曰今仕途所尤異者何地邪咸曰無逾貴州君即以布政司庫大使指分貴州人皆危之河南公亦以其年幼爲慮君曰兒自願之必不貽父母憂既至貴州桐梓有亂民鳩衆以叛苗夷皆從之而起黔中大聲大吏廉知君才撤署貴定縣知縣貴定在省城東北九十里乃省城之門戶也君下車訓練卒伍激厲士民爲戰守計賊不敢逼每歲春耕秋穫輒以練卒防護農民故四郊多壘而三時無害久之賊勢益熾鄰邑盡陷惟貴定獨完賊以不得貴定不能進窺省城乃合長圍以困之君晝夜棲止維堞間與士卒同甘苦賊近城則出奇兵擊之大小數十戰殲賊無算賊少却則以其間率所部收復附近歸化定番廣順諸城

咸同貴州軍事史

第一編下

五

當是時大府亦倚君爲重而貴定之民戴君尤甚君時已由庫大使歷升知縣同知直隸州知州補仁懷直隸同知賜託喀台巴圖魯勇號賜戴花翎旋有詔開缺以知府用然君猶署貴定縣如故每以事至省城必有數百人從之君止之城外而從入者猶數十人至則噪於大吏之門曰無奪我好官故君在縣猶以縣令冠服視事不敢言已遷官也賊畏君甚百計密圖之一日欲繫頭呼刀鐻之工至其人見君而色變問之乃實告曰賊以千金賂小人使乘間害公耳君曰若然汝將害我乎曰不敢然則汝執汝業不汝罪也一日出行城外突有人刺刀與中削冠綏去半視其人官兵也執問之賊所僞爲者從者皆橋舌君神色自若其後賊賄通飢卒爲內應探知君寓城南關廟中黑夜俄傳登城攻關廟而是夜君適在署聞警從牀上躍起跳而出傳令守陴之兵毋妄動毋使賊得繼至乃奮身奪賊刀與賊鬪城中兵不百人然皆死戰自丙夜至戊殺賊殆盡遲明城中

亂定君回署衣盡赤解視之凡受七創皆深入四五寸城中訛傳縣官傷重而死君裹創出行通衢以靖邑人又鞠所俘賊得內應者主名自副將以下數十人是日皆入署賀戰勝悉縛而誅之然後白臺司且請治專戮之罪臺司諸公嘉公膽識然亦以其傷重不欲其久居危地乃使人代之俾君入省城養傷君既去貴定未幾貴定竟陷於賊省垣震動強起君攝貴陽府知府君力疾視事內安外攘不遑啓處而大府又以違義府爲賊覬覦恐爲所得檄君往守之未至又以違義所屬正安州民變命往案其事君單騎至正安撫定其衆而亂首不可得一日按簿籍呼諸吏役各名見一役長鬚而豐頤似素識者久之乃憶初至黔時署按察司司獄其人曾來行賂彼時卽知其入非良等也鞠之得實竿其首遂以無事已而粵賊石達開自蜀回犯遵義與土寇相鉤連營百餘里君由間道出兵乘賊不備擊走之士寇悉平詔書褒美命以道員記名簡放會有傳習邪教者

咸同貴州軍事史

第二編下

甲

制軍勞公使君治其獄君以脅從者宜赦與勞公意不合爭之過功勞公怒疏言樊某固執己見與臣牴牾於是吏議撤銷所記名已而黔撫張公又疏言樊某性情偏強不善事上官固咎有應得然其治此獄甚合事理督臣未免偏執且樊某在黔素得民心今處不當罪恐乖衆望於是又有詔復君原銜久之奏署糧儲道時賊復據貴定龍里等城巡撫曾公檄君督勦復之賜加布政使銜當是時黔中亦略定矣君在黔垂二十年與兵事相終始所在有功其名甚著官貴定時從十餘騎行山谷中遇賊大隊至賊見君遽曰樊某樓來矣則皆走最後勦龍貴之賊賊望君旗幟驚曰聞樊某樓已死矣得勿誑我乎君怒馬獨出曰余在此賊皆辟易麾衆擊之大敗之其爲賊所畏憚如此無何河南公卒於郾城君自黔奔赴奉其喪歸咸甯服闋入都由吏部引見蒙召對一次命還黔君雖以將才顯而居官實克舉其職所至必興復尙節育嬰諸堂以收養殘孺又增益書院

膏火以興起文教興利除弊不遺微細黔城之外有湖曰小鳥江君署貴陽守偶經其地見湖中魚甚多無漁者問其故或告曰此湖神所居也一施網罟水卽湧起君曰妄耳烏有是呼漁者至督之漁水果湧起次日又往復然父老皆諫君不聽又次日又往則水不復湧矣至今民食其利焉君廉而好施與凡故舊來投者可用則用之不可用厚遺之必滿其意故歷官守令而不名一錢以積勞成疾又感受溼氣於光緒二年某月日卒發其篋止白金十二兩而已年四十有八卒之日民幾罷市歛之日傾城往送其親屬轉無容足之所其喪之歸也黔之士大夫皆素服送之巷哭野祭者相望又言於官請爲立祠格不行黔人至今惜之舊史氏愈懋曰君本儒家子恂恂然非讀孫吳之書者也一行作吏遂爲名將君之用兵殆所謂天授非人力乎君以末秩至黔不數年遂以功名顯不可謂不遇矣然君之志固不止於此嘗自言異日國家有事四夷雖死不辭烏乎何

咸同貴州軍事史

第二編下

甲

其壯哉今天下號雖無事而伏莽之戎所在多有鱗介之族亂我冠裳尤志士所同憤君子聽鼓擊則思將帥之臣如君者可
以深長思矣
孔慶齡體訓堂遺詩輓戴商山先生云愁雲黯淡天欲墮鬼泣黃昏暴骸骸風雨啾啾夜冥冥數載孤城推一夕卓哉節烈戴祖公戴祖公七十丈夫髯如戟矢志誓取賊頭顱嘔心眞注民肝膈四面疆圻紛蹂躪一方保障費籌畫前日單騎入賊營乃以信義化兵革酋長盡皆下馬拜魯公豈爲坎庭嚇入穴出穴意態舒胸中自有堅定策幾度背城決死戰不鼠狼奔急何擇外援不至食已空掘鼠羅雀勢窮迫嗟嗟木力莫支崇朝瓦解響崩割我昔捨身以扞城於今城破身何惜手揮利劍掣光寒頭觸鋼叉流血碧公憤罵賊賊拜公賊不殺公公不憚語賊慎勿傷我民民不可傷身可磔拚將一死全衆生浩氣長虹貫日白馨香梓里祀千秋凜凜須眉殺魂魄

顏嗣徽商山廉訪執詩四十韻云正氣歸蒼昊長星墜紫霄
羊碑號父母馬革愧臣僚經術淵源遠山陰閱昭政聲龔渤
海志節蓋寬饒瘠土民皆敝乖西地久凋一錢虛餽贈五袴漫
歌謠力課催農稼親乘問俗輶鞠躬勤撫字拙宦罷科條大難
宜先拔苞糧務盡蠲人方欣望歲亂已動招搖險控雙江口兵
連九股苗黃巾頻擾攘青犢恣攻剽信數千櫓軍威布斗刁
鞭軻胸落落勞頓羽謙謙皆恐溪丁據會將峒戶招單車馳鐵
勒免胄論天驕叱咤風雲阻開陳瘴霧消化雖馴野雉音豈變
飛鵝穿陷孤忠矢湖湘甲士超受降求緩計歸知欲相要膜拜
遮征旆攀躋望錦鑣來時斟臘酒去日記花朝此舉完蘇節
軍人獲賊於送公回城諸君珥漢貂閣中羣偃仰河上誤消
遙甬道圍長築鉤梯戰屢挑鶴猿同幻化豺虎任騰驍蓮葑原
多苦蘭香竟自燒流芳羅甸國遺恨浙江潮劫重心難死忠精
骨不銷炎岡焚玉石盡室燬瓊瑤伉儷隨鳳嶼嶠梓附喬桐

咸同貴州軍事史

第二編下

五

棺何處厝麥飯復誰澆臂黑藏魍魅城荒長艾蕭血光新更碧
燐火冷還飄澤惠留蠟邑英靈壯本朝上天真憤憤公輩遂寥
寥思愛賢愚痛傳聞市井驚異同宣梗概評論采菟莛執政章
馳奏褒封旨寵邀他年南董筆姓字定先標
廖景煜水雲山人詩草開州失守戴商山刺史殉難邑民如喪
考妣余亦淚和墨書云叔季難逢慈父母開州何罪死賢侯敢
違憲意除苛政收金在開州力輸抽深體民心老成樓閣壯軍
守亦相被執生還昭日月送教公去教法無寬宥秉春秋
鐵針難狼星朗耀恆星隕從此黔疆疾不瘳

第五十一章 覃大士之役

咸豐九年己未五月初一日荔波團民覃大士結內奸葉
保壽等期夜舉圖城荔波縣知縣吳德容覺捕斬保壽等大士遁九
千大士故舊縣人以隨剿黃金亮有功志難缺望故叛
咸豐十年庚申五月初九春正月羅天明因覃大士及柳天成屢犯荔波

城至城北一里之楊家橋吳德容等却之 四月覃大士由九千進
據羅卜木練團潰千總莫芝茂方攻九千敗之 冬十月荔波蒙澤
培詳誌殺覃大士來降培故與大士同變者吳德容并殺之

第五十二章 王正儒之役

咸豐十一年辛酉六。春二月桐梓太和團首王正儒夜郎里夜郎
壩人也以數禦游匪衆歸之勢頗大桐梓縣知縣江炳琳屢欲以事
按誅之不果後隨知縣蔣立炳攻層巒龍以功保千總益恣肆歛
財築屯投鏃尖山險以自固退松坎釐務而私權於新街子不從者
奪之至是兼巡撫田興恕以陳世銜奉情署桐梓知縣密圖之會正
儒與仁懷縣團首羅順有隙將往仇世銜調得狀親至新棧陽為解
釋正儒與兄正倫入謁世銜伏練突出就坐問誅正儒正倫起搏世
銜練并誅正倫世銜亦創正儒黨羣集練及從者多被害世銜徒步
至太白亭為正儒黨趙鐵匠所害

第五十三章 何山斗之役

咸豐十一年辛酉六。冬十二月巡撫田興恕檄調清鎮團總何山
斗至省殺之山斗嘗聯團能守禦民多歸之勢寔威頗為民會聚衆
抗糧前雲貴總督恆春不滿所為會密飭查拿山斗他走事乃寢旋
回復以民力不勝抗釐金釐穀議興怒怒密飭候選道趙國澍誘山
斗并其黨唐詩林至省殺之清鎮姚宗保遂聚團以國澍構陷圖復
仇因毀鎮西衛釐局戕委員錢恭張鍾元等與怒亟檄糧儲道韓超
馳至清鎮解散鎮撫復令縛獻宗保等殺之衆旋定或云鎮西衛釐
穀局有廖姓輪穀稍遲委員因係之初三日突有苗民萬餘毀釐金
釐穀兩局戕官吏同時並毀黔西鴨池河局因委超等查辦獲為首
十數人解省責令賠償

附錄

著者曰何山斗為民請命致遭刑戮黔人至今傷之然為羣衆
利益而犧牲其死不為枉也事之成與不成又當別論田興恕
年少封疆顧生民又所用非人相與構成此獄論者憾焉

黎庶昌曰清鎮糧額既重官復苛斂百姓怨之以山斗乃世家特擁之爲首耳

第五十四章 陳選發之役

咸豐九年己未五月初四日西陽州燈花教首陳選發走據松桃貓貓山至是署松桃廳同知鶴年代辦鎮遠鎮楊家瑞敗之天堂山 十四日復合川兵進攻張家灣鶴年意主撫方猶豫選發乘間劫之署游擊許占泰重創敗走其子蔭棠力救還未至營而沒敵尋至涼風坳圍首宋景嵐却之武舉戴奎光再却之石梁 八月敵竄至安化之刀壩場思南府經歷汪應濤禦之思南府知府周獻廷設防小井猴子灣 九月貓貓山與黃白號據地遙相對相距百里時選發退據瑪瑙山汪應濤擊敗之刀壩又追至貓貓山教首即魁降會川軍已革游擊慶吉等出天堂由東進應濤西進川軍先登金竹平中伏圍首周廣美敗沒四川守備楊登階敗西陽唐家溪進至張家崖貓貓山等敵遮擊登階亦戰沒署銅仁協湯蘭亭方至松

咸同貴州軍事史

第二編下

四

桃約慶吉應濤三路合剿初貓貓山即官世居山中前與郎宦郎敏假證花教起事陳選發吳明楊樊應科附之數犯西秀邊境故遺游擊隆福及慶吉等來剿 冬十月上諭據四川總督曾望顏奏黔省松桃廳婺川縣等處教匪復熾逼近川疆現在到防兵勇一萬有餘足敷調遣正可乘此兵力厚集之時出境相機進剿與黔省官兵合力夾擊候婺川等處一律肅清即移師赴西秀會剿貓貓山教匪着與署貴州提督蔣玉龍先期議定會合隣境紳團同日進剿總期以剿爲防不致虛糜軍餉欽此於是四川彭涪黔防營前任陝甘固原提督孔廣順候補道程理潤等改防爲征分東西中三道奔進遺城口營都司吳毓光開復守備張正崙等先攻大崖寨教首陳懋兒力拒不克 十一月西秀黔防川軍綿州知州毛震壽與慶吉以訓導易良直攻天堂陣沒復會湯蘭亭進攻不克汪應濤攻貓貓山之西署西陽州知州余濛廷會隆福分攻茶溪唐家溪稍利 咸豐十年庚申六。春正月貓貓山張家灣敵與黃白號結合汪應

濤方攻張家灣不下川營守備沙達耳攻天堂亦敗鶴年遣軍營木益溪防沙子坡 彭涪川東援軍遣正綸中出大崖寨招降陳懋兒

二月初八日貓貓山事方劇毛震壽等久無功川復撤黔彭營都司譚健率千人往會剿是時貓貓山敵數陷川營與印江沙子坡合北陷小井白蠟井紅椿坨思南府知府徐河清走會余濛廷擊敗之會署提督田興恕奉令督辦全省軍務自鎮草統虎威全軍進至銅仁河清鶴年等皆祈援 三月汪應濤同毛震壽等進偪貓貓山應濤分剿鷄扒坎禽斬教首白茂先 閏月川軍會汪應濤數攻鷄扒坎蜂背巖敵屢創不出貓貓山敵時走援亦敗之 四月黃號集安印界三角莊楓香坳自石梁河遠松桃烏羅司凡百一十里貓貓山陳選發等因益張候補布經歷汪應濤既攻鷄扒坎久不下至是約麻司團移營官頂隘營未成十九日敵遠至圍之應濤力戰不得脫殺數敵沒於陣應濤先至安化防剿甚力已而追敵至松桃爲毛震壽稟留助剿深倚之既死軍中多惋惜敵據官頂 五月興恕率軍

咸同貴州軍事史

第二編下

五

駐龍塘毛震壽因祈援興恕言河西賊陸續東渡聯合貓貓山悉由劉儀順主謀以貓貓山爲門戶沙子坡爲咽喉雷公堡爲聲援捲子平爲捍衛而以河西江家寨城頭蓋爲老巢川軍自改防爲剿以來疲於奔命既不敢深入又未便坐視因循興恕於是遣副將劉義方郭啟元率馬隊三百人勦桃松遊擊李有恆朱占元攻沙子坡截貓貓山後皆先後至 六月初三日李有恆朱占元出清水巖分路南下印江東北之天星塘蘆頭塘敵營陣殪教首黎三喜進攻沙子坡興恕復遣參將熊煥章游擊孫毅元來會有恆等破走沙子坡敵 劉義方郭啟元援至松桃尖巖堡進攻天堂憑險力拒守備素復升符順興先登中敵沒士卒多傷乃引退十二日會川軍移攻官頂義方繞胡家溝出其後敵殊死拒啓元以馬隊突敵前負創力戰都司任勝守備鄭啟萬朱得明把總楊洪利滕成富袁得勝等悉陣沒游擊劉漢清等陣斬教首呂明神敵始潰走遂破官頂再攻天堂敵因官頂破悉潰張家灣鷄扒坎各軍進抵貓貓山 十月十三日田

與恕飛檄劉義方郭啟元刻期平貓貓山義方啟元等攻貓貓山久不下至是義方結降人王朝現等內應自率軍先攻瑪瑙山啟元分攻蜂背巖以游擊周洪順等攻燕子巖約慶吉攻無事營知府毛震壽都司饒雲山守備劉鶴齡等策應并力齊進一鼓下之禽斬瑪瑙山教首陳選發陣殪所部軍國貞等二十二日各軍抵貓山下內應縱火奪門爭入生禽即富即敏陳啟祥等乘勝再下九龍屯三角山即宦墜巖死富等解省殺之貓貓山事定

第五十五章 王元興之役

咸豐十一年辛酉大秋七月回衆久據貞豐下江四衝土弁王元興亦變據王母亭略羅斛桑郎境署知州陳聘儒至石屯上言貞豐地分上下兩江中隔北盤江州城在上江北盤東下江四衝北通歸永南達羅斛界廣西泗城石屯爲進兵路擬集鄉團先清下江疏通糧道然後渡上江圖恢復且請大兵顧後路巡撫田興恕責令聘儒辦理 八月初六日王元興結永甯那安仲家岑阿椿集攻老屯阿

咸同貴州軍事史

第一編下

甲

樁爲扁擔山遺黨貞豐陷率黨沿河裹脅千餘人各亭苗附之時陳聘儒在石屯調坦千團并軍功揚祖勳所領漢團同擊輒潰聘儒所募練以乏餉潰於是下江三十二亭石屯担千外均從元興 九月陳聘儒進剿貞豐四衝破者康敵營敵悉衆至聘儒中創敗退請援 冬十一月連日元興等出東高板王走犯冊亨城署州同尹紹勳都司徐輝把總馬正品等城守二十九日據者孟下分亭諸鄉團赴援皆敗退紹勳祈援安義鎮總兵趙德昌遣千總陳榮貴以六百人赴不至 十二月羅斛東南上隆桑郎與貞豐歸化暨粵西邊境打落寨壤相錯元興等時走犯羅斛擺羅苗起應署州判謝其毅督團却之

第五十六章 安中和之役

咸豐十一年辛酉大秋八月初九日署大定府知府陳濟擊土目安中和於高家店失利職員朱上達陣沒中和素橫官不能制十年雲貴總督張亮基檄帶練赴威甯助剿抗不行倚衆苛斂違者殺之

私權於阿支孔據補路仲爲根據地大定府知府魯經芳請兵掩捕不果中和益肆集苗積數千人剿掠悅服嘉禾諸里至是濟始遣委員蘇望帽等率練七百出小屯松樹平進攻白鋪河以縣丞左茂森等率練千二百出小路坡進高家店圖補路仲濟率團衆駐對江屯是日上達及千總漆應元外委劉占魁職員盧占元等過之高家店會大霧上達中創沒於陣應元占魁等被圍及兵練四十餘人皆無下落官軍遂潰回積首張油客因之旋率衆略嘉禾濟遣軍功龍遇榮率練五百并團衆擊之中和據大垭口山洞頗險遠婦女糧畜皆在其中築牆穴孔發槍軍多傷濟誘出敗之 九月初九日安中和率苗積出高家店攻對江屯營急會陳濟遣軍功鄭道森等以數千人巡徼適至突擊始退 冬十月巡撫田興恕先檄游擊李有恆援大定未行至是安中和病死餘黨祈降

第五十七章 劉世慶之役

同治元年壬戌大二月閏月初一日普安縣城陷知縣陳澗南稱自刎

咸同貴州軍事史

第二編下

甲

寨馳援不及敗走下山署典史劉世慶出攻蓮花山散練土匪救黨合擊東門內奸啟之城遂陷因擁世慶爲帥赴鄉索糧不從者殺之世慶本投効前知縣胡祖寅營謝南以其熟習情形請委署典史至是始粟其平日狐尾擅帽黃緞爲旗種種異言異服云

第五十八章 吳元彪之役

同治二年癸亥大秋八月初一日湄潭汛把總吳元彪變攻綏陽縣鄭場據之先是元彪在遵義防禦頗得力因索糧餉總兵沈宏富遽拘係之巡撫張亮基聞元彪勇健檄候補道樊希棟釋令赴省將用之元彪忿不至旋回湄潭潭七星坡衆多附之猶頗自晦六月其部弁藍山虎攻殺遵義東鄉團衆數百人七月中復殺高義團首李天佑等漸有衆萬人至是遂自稱都督大元帥先陷獅子山再陷鄭場復遣黨分據蒲老場擊團溪口而自據七星坡爲根據地 冬十月吳元彪衆四出略平越直隸州知州兼攝湄潭知縣邵維新檄各團遏擊復走正安

同治三年甲子春正月吳元彪黨出聚寶場運鄭場圖綏陽城

團首冉青雲禦擊陣沒綏陽縣知縣李愈南率團練却之間道由金

里八甲走羊古壩愈南以都司廖熙麟等援擊戰不利旋潰周家灣

諸團至杉木壩愈南馳回守 夏四月吳元彪致書遵義府知府張

日嵩陽投誠復遣黨略綏陽盤安寨神仙觀大小巖頂圍寨 五月

元彪連日復負梯薄城廖熙麟等禦卻之 秋七月吳元彪據綏陽

要隘馬鞍山繳水分掠至遵義東北 八月初三日吳元彪薄綏陽

縣城邵維新以廖熙麟等出禦不利元彪築壘附縣二三里之元音

寺天台山逼攻并據東嶽廟維新撥團來援多道阻僅綏陽訓導宋

人鳳以數百人至元彪攻急維新嬰城守熙麟伺間擊走東嶽廟敵

張日嵩赴援 九月綏陽圍久糧道皆阻張日嵩援至距縣十餘里

之風香樹遣軍分據牛心山圖疏輝道元彪攻之悉飢潰邵維新力

守再乞援候補道莫超宗方解餉至遵義張亮基檄辦遵義軍務并

同遵義協副將張萬書籌援 冬十月張亮基以邵維新遙署遵義

咸同貴州軍事史 第一編下

府知府以廖熙麟嬰城守城中素仰糧旺里諸甲至是以張日嵩頓

兵其地疲於供億時有潰乏維新飛函趣日嵩援卒不進莫超宗自

督辦軍務素與張萬書齟齬亮基嚴飭以文武構怨於內賊匪肆擾

於外內外交訂勢同鼎沸該員等身非木偶何以漫無佈置 二十

二日吳元彪分黨出板橋走陷桐梓縣城署知縣劉汝佑遁先是署

知縣劉應升奉檄設局權半釐築城門工未竣九月汝祐至復撤去

鼎山防營元彪以是入應升幾被害二十四日元彪去應升汝祐等

不復再稟矣於是張亮基飛趣莫超宗進超宗募練五千餘人會團

練七千餘人圖援至燒酒房聞遵義警仍還 十二月莫超宗等率

軍援綏陽敗敵朗山關進至樸老場二十五日移營丁家台約張日

嵩會援

同治四年乙丑春二月二十三日吳元彪陷綏陽縣城署遵義

府知府攝理湄潭縣知縣兼綏陽縣知縣候補知府邵維新死之把

總廖鎮儒戰沒署遵義協副將黎平營參將張萬書城未陷時援至

城外及外委田立勳先戰沒初萬書與莫超宗張日嵩合軍獅子口

守備蔣洪順縣丞田宗烈從九團首陳治安外委田立勳營寨外分

五營為前拒綏陽城外賊壘不得前元彪等扼鄭場牛角屯寨

首簡安邦從攻陷寨外五營萬書立勳并沒超宗遁汪草洪順退獅

子口至是汛獅子口亦同日陷超宗預走免把總徐鼎勳陣沒虜日

嵩洪順及守備李春華千總張永隆去維新至綏陽受事八日而事

變起誓死七月卒與城俱盡 湄潭龍泉團眾自綏陽陷多從元彪

咸同貴州軍事史 第一編下

元彪悉徙其家屬入七星坡以繫之 五月初三日援黔川軍統領

雲南布政使劉歡昭檄總兵李家福移軍綏陽取旺草自率軍進婁

山關吳元彪等時分扼朗山關鄭場遺青紅號出排軍板橋阻入川

路逼脅縣屬諸寨被害頗眾惟趙旺里間有未從者已復分掠遵義

禹門寨四面山大義寨逼府城聞川軍至益集湄潭黃白號屯綏陽

東西北三路旺草馮村后水回龍寺樸老場拒軍歡昭軍次桐梓檄

參將何行保擊梯巖留軍同劉應升及團首王大衡等攻油羅口自

元彪根據檄圍圖之 七月川軍病疫固壘以元彪等相持圍首安宅仁得檄自龍泉進圖七星坡不克 冬十月吳元彪以川軍圍久率夜出掠諸寨圍緝道并犯嶽昭黃泥橋營不得逞因祈援何得勝安插鉢等插鉢旋至茅坡與元彪合掠走盤安寨嶽昭祈增軍四川復遣耀安營總兵成耀星副將潘長青等來援 十二月吳元彪被圍急祈援劉儀順儀順遣田舒文自偏刀水來會

同治五年丙寅 春正月遵義事定吳元彪勢孤入綏陽死守劉嶽昭督軍築隄決水灌之堅不下乃以李家福及總兵謝景春等圍攻 二月綏陽諸軍日夜築隄高逾城西南隅未沒者三版吳元彪糾何得勝子天寶來援又敗去 三月綏陽合圍久嶽昭遣道員林肇元督軍急攻十二日吳元彪始率黨乞降繳遵義協綏陽縣湄潭縣印綏陽縣城復張日崙始出敵中謝景春等分剿七星坡藍山虎亦降何得勝子亦自鷄場河遁回遵東綏南肅清奏釋元彪改名奇忠令率降衆千二百人爲果後忠義兩營隨軍攻剿 亮基奏略曰

咸同貴州軍事史

第一編下

五

元彪等本遵義練目三年以罪逸據七星坡糾黨嘯聚曾有稟訟冤嗣屢招不來劉嶽昭攻圍經年負嵎如故今不得已始行乞命實屬不赦嶽昭貸其一死以風示羣賊是或一道然不可留之遵義卽令隨嶽昭軍藉資鈐束以杜後患

附錄

蕭光遠紀亂詩云軍麾一百日綏事何能哉舍城不舍令憲重論公才公乃誓守土城失何生爲拔佩刀自勿哭聲震守牌副將迫上檄慷慨賦無衣將印繫肘後知埋何處泥守歸令不納姑婦反唇譏督辦早蜚遜仍教五馬馳么麼自東來逼郡揚爲旗大礮震雷台羣醜魄乃穢一闕趙北隅及永安大溪甲戰而乙守心齊力不齊峇洞重破殘婦子皆仇離石門空有坎金鐘莫解圍哀哉三烈士一朝同醢鸚問誰家隊伍披髮學苗夷起發黃墳嘴爾牛屢來思數十牽成羣云作賞號賞槍奪相傲尤特牯靡孑遺有田不得耕欲耕以人犁斃方起私鹽禍又發官

煤舉目盡妖氛觸手皆亂絲播疆數百里天地爲昏迷憶當二月初聯名請西師本擬顧春耕倏過立夏期謂將及仁桐開纔發津基忽傳趙總兵投鞭烏江湄又報于觀察捐軀龍里司楚粵兵援黔將信復將疑新將豈賀蘭抵任何遲遲仁宰先棄城邇更刺民脂文武皆愛錢難怪地無皮五城如破屋寇來隨東西向日大軍集一戰起瘡痍皇皇平播文高功銘鼎彝

光遠紀亂詩又云秦漢開西南播江原隸蜀何事撥黔省十載遭荼毒良民如鳥獸通竄遍巖谷一洞百環攻十堦九顛覆逃或遺爾種聚常殲其族吁嗟此地民豈獨無司牧牛毛法令紛弛綱僅嚴目署印打劫誰誰訴九門督二趙稱將才勢不離金筭引領望西師空傲包胥哭西來保安軍如佛降天竺佛性本慈祥有憑作威福浪戰西南郊我軍常挫衄小勝故張皇勳名光薦牘大廈藉羣材豈憑支一木共事奚分黨同僚盡修睦文武雖異途等食皇家祿豈可徇私忿而忘顧大局誰似陸賈賢

咸同貴州軍事史

第一編下

五

調和進忠告仁正官何在失城無乃辱銅堞再繕完令賢則民服去秋綏陽變號匪來何速一官甫下車四里未登穀排隊向中田搶糧日不足異哉召信臣方略素爛熟志在擒猛虎寢皮而食肉逆首望風降魁權惜未屬舊新尹之交誰繼楚文躅圍城中半年呼天不雨粟牛馬食且盡風雀捕相續援兵集數千討逆檄堪讀師同九節度都建元戎肅軍餉况支絀將疲卒退縮焉得緋衣兒天口任驅逐綏圍久不開遵其何能淑赴援非失計師老空碌碌郡城南北關連夜火光燭人謀慮不臧私以天心卜北辰有那居南京奏克復蠢茲小醜虜駢首終就戮倘做渤海民賣刀而買犢播種及陽春雨後耕野綠大劫一旦消焚香向天祝

黎汝謙夷牟溪廬文鈔先府君家傳附記云先府君光緒黎君附守節之守禹門寨也其奇險大難多矣獨於吳元彪黃夜偷營兩次尤爲危殆合寨數萬生靈均命在呼吸此殆有天事非盡

人力也吳元彪者貴州平越州人由武生在本州辦團平越失守逃至遵義府縣吏令帶團練百人紮吾里禦賊時府君辦糧台甚相得也後元彪以索餉故被縣羈押其結義兄弟十人劫之出獄回至七星關老營遂反先遣人與府君及椒園叔約謂官不講理當今之世非反無以爲生約同起事府君力拒之椒園叔則暗與相通元彪見府君不允不數日即來偷營已登埤縱火矣賴府君部下傅六傅七傅八兄弟三人各持刀矛登埤抵禦連殺數賊乃退出縱火焚後營外墟場而去火光燭天天明未息不十餘日元彪又夜來偷營時大雨如注寨中人均不之覺及聞喊殺聲邏卒乃來報府君及先叔季和公立起往禦則頭道柵門已被撞倒急於營門洞然炮轟擊而藥溼不然三次黑火賊呼聲益急又撞破第二層門當是時人皆面如死灰以爲寨營必不保矣及賊人擁擠攻擊第三層營門殺聲鼎沸懼叫如雷忽第三炮火發擊死三四十人賊遂寂無聲息而潰

咸同貴州軍事史

第一編下

五

次日看視去營門里許埋尸數十具其帶傷未死者皆背負以去而血跡淋漓滿路也是役也爲禹門一寨數萬生靈所關而亦府君平生第一險難之事謹附記之

遵義續志邵維新號小魯安徽懷寧縣人髮匪之亂維新投筆從戎襄李鴻章戎幕有功屢擢至花翎直隸州選授貴州平越直隸州知州時黔亂方熾下游咸成賊藪維新到平越任立率團練解龍泉縣圍擢知府用兼攝潭潭綏陽兩縣事悍賊吳元彪距七星坡蹂躪綏涇一帶維新單騎來綏將整軍攻元彪旋署遵義府仍攝綏涇兩縣未行同治三年七月元彪率衆圍攻綏陽城屢求援一卒不至賊盡獲四境之稻城中乏食疫癘大作校官典史均故獨維新率把總守城數十晝夜目不合睫賊攻益急米鹽不能通城中斗米廿金城外斗米二錢無輸入者有建策者曰盍微行赴遵任厚集兵力然後攻之維新曰吾誓死守城存與存城亡與亡可也乃聚城中米計口授糧晨則

躬持升勺夜則終宵巡堞困守八閱月城中木皮草根俱盡甚於掘鼠羅雀至四年三月二十三日城中食盡饑民號逼維新痛哭開城令民出逃城迺陷維新巷戰身被數十創力竭而殉綏人求遺骸弗得有圍人持血衣一襲曰此邵公衣也即將血衣棺殮葬於城外大吏奏聞奉旨追贈太僕寺卿襲雲騎尉世職於死事地方建立專祠

第五十九章 余世舉之役

同治二年癸亥冬十一月初十開州荆竹團首余世舉即余三三變從何得勝合江外苗教分道四集爲省城患世舉曾以功職千總數從防剿官至游擊至是以力不足自存變隨何得勝潘名杰圖厄省城巡撫張亮基率布政使龔自閔以下官紳兵民登陴巡防在籍臨沅鎮總兵林自清總兵趙德光等諸將雲集左右前後躬自搏戰何潘不得志退去世舉猶據三江橋德光蹤擊之洛灣烏當永樂堡詳見前章從此日與何潘往來省城附近故何二強盜潘三王余三

咸同貴州軍事史

第一編下

五

三三綽號婦孺皆知歷數十年如一日也 十二月署開州知州段紀傳稟言余世舉之降賊實以力弱不敵圖爲保身衛民之計近日專函自明頗思反正亮基檄獎世舉責令反戈內圖何得勝并檄職員桂芳馳赴開州會世舉同招何得勝降不至 同治三年甲子秋七月余世舉與何得勝等自安順安平退開州開修諸團祈大軍北剿亮基檄林自清趙德光出沙子哨分出平山牛場初五日突至修文出敵不意悉散走 八月開修團自何得勝退江外多來歸惟余世舉仍觀望 冬十一月余世舉以何得勝被自清德光夾擊始圖來歸就約都司高應煒會軍擊白果小澗圖落旺得勝因攻世舉營遏糧路世舉恐回援方世舉請援時稱不日解賊目入省亮基再遣候選州同桂芳往按遇敵鎮江屯乾壩從者僅四人遇害鎮江屯諸寨本世舉團以敵勢強未敢來歸亮基主剿 十二月余世舉圖自效屢祈援德光德光以開州急令固守待援應煒等遁去世舉力禦二十七日德光馳援至敵解鎮江屯始下

同治五年丙寅六月春正月何得勝等過清水江攻奈世舉二月得勝猶攻世舉貴陽營游擊傅必榮得檄往援不進夏五月亮基檄署開州知州許其翔及奈世舉往會都司李得貴等圖何得勝六月其翔世舉取退朝陽屯圍首何正冠叛從敵據鼎照亮基遣世舉招之正冠與有隙慮將圖己不至其翔世舉請起期兩月克之迄無功

同治六年丁卯六月春正月余世舉據舊縣附近文子平秋七月世舉既請勒限剿何正冠不下至是得勝援正冠世舉遠退

同治七年戊辰六月春二月提督張文德等破王卡正冠降世舉出沙子河破米平金山寺三月世舉被圍米平文德檄正冠馳援正冠遣軍由落旺攻之世舉突圍走關刀山旋罷去光緒中猶有見之者身體魁梧修髯若雪貌慈祥無惡意年在七十以外矣

第六十章 林自清之役

同治二年癸卯冬十一月初十日何得勝奈世舉潘名杰等糾咸同貴州軍事史

第一編下

五

衆四集圖厄省城節制近省諸軍安義鎮總兵趙德昌軍敗黑石頭退距省北五里之小關敵復由永樂堡大小關茶店進逼遙署古州鎮總兵趙德光馳至擊敗之於紅邊白牙小龍井三江橋委署畢赤營游擊商肇淮水城游擊鄒開貴皆力戰陣亡德昌旋退省城提督沈宏富駐省城於是巡撫張亮基自率布政使龔自閔兼署按察使糧儲兵備道承齡貴西兵備道徐志導以下官紳兵民登陴防禦復飛檄在籍雲南臨沅鎮總兵林自清星馳赴援三日之間徵調文書至一十三次復令普安縣知縣李莘農赴自清里第督促於是自清聚鄉勇千五百人與原統滇勇千五百人共三千人率同弟林貴祥游擊李庚清知府林貴清等於十五日馳至省城附郭一帶烽火相望圍城人心稍安亮基拊循諸將激勵軍心民衆則具糒糧以待各軍數出輪戰輒裹以行自清德光德昌宏富等或前或後或左或右皆躬自搏戰勇氣倍常得勝不得志始却退沙子哨士舉猶據三江橋德光蹤擊之於洛灣烏當永樂堡乘間出奇所向披靡自清則大

敗敵於茶店更追蹤龍場分軍猪場堡寶關五里橋敵不得逞大却去自清鎮甯丁旗堡人驍勇有略咸豐初應團練徵從貴州提督孝順攻落別爲都司何有保所賞識復值雲南回變有保奉調回滇因隨有保至雲南每戰皆捷助名大著以功升臨沅鎮總兵復以收回首馬獻功得黃馬褂雙眼翎署雲南提督寢至驕恣張馬獻所贈蓋世英雄大蕪道路以目至被總督徐之銘排擠輒之入蜀軍行不免騷擾所至人心洶懼四川總督駱秉章以非前雲貴總督張亮基不能使自清就範因請以亮基督辦雲南軍務道出四川以制之迨自清抵蜀而亮基亦至四川矣竟將自清所部遣撤回滇令自清回原籍交現貴州巡撫張亮基鈐束至是應調解省城之危云

同治四年乙亥六月春正月二十六日上諭雲貴總督勞崇光著令赴滇督辦軍務黔省剿匪事宜即責成張亮基認真辦理林自清著准其署理安義鎮總兵仍着該督撫隨時察看欽此十月二十四日勞崇光欲調林自清赴滇上諭不許且交由張亮基嚴加管束

咸同貴州軍事史

第一編下

五

同治五年丙寅秋九月十八日林自清戕害普安廳同知陳世鎮於白沙汛之老鷹巖及其子候選訓導先洋初世鎮在興義以自清軍騷擾不令入城自清銜之至是世鎮之普安聞自清將圖之間道走省卒遣練殺之道中

同治六年丁卯夏四月林自清私率衆至哲溪六保託名剿匪要各團供糧張亮基屢檄自清晉省聽調輒報捷不至

同治七年戊辰六月春正月安順六合團黃泰吳明山丁興邦等先爲趙軍以勒糧逼變上結十三旗下逼諸團同變林自清在丁旗堡力守民衆亦以死自誓得不陷官吏亦居堡中借自清以自重秋七月自清出攻凡旗堡急泰走即岱與苗首嚴大五合冬十二月安順府知府畢大錫誤受六合餘黨陳建中即小五降欲據安順不出會除夕建中索鉅金不得禍幾不測團紳熊光照七次請援於自清隻身入城建中惶急欲遁自清限令率所部去建中即夜退避三十里安順幸無恙

同治八年己巳大春正月記名提督陳希祥以計誘林自清至軍
殺之初林自清自雲南率衆入川經張亮清遣散頗惜其勇頗思陰
馭之以得其死力既稍稍有功遂有戕陳世鎮之事及還鎮甯益任
性雖有保境功而民亦多受其害亮基屢檄晉省聽調遣不至遂據
寶奏參繼任巡撫曾璧光旋奉上諭總兵林自清保有旨散練回籍
管束之員輒敢散帶練勇戕官肆擄大千法紀黔省疊遭變亂民氣
凋殘若再任驕將悍兵恣行橫暴民何以安軍務亦安望有起色著
曾璧光按照張亮基摺內所參各節逐細訪查審訊明確即行奏明
正法以肅軍紀欽此於是曾璧光以希祥駐兵安順力能相制密令
就近圖之自清素矯健希祥陽與訂交因置酒約自清來會自清以
五百人至希祥分置各營解以酒伏壯士即席間刺殺自清狀極慘
酷復梟首解省所部解散死非其道聞者傷之 九月二十七日林
貴祥集仲家襲入鎮甯州城執署知州尹樹棠去桂祥自清弟也自
清被殺時桂祥遁之雲南至是回丁旗堡爲自清復仇 冬十月初
咸同貴州軍事史 第二編上

二日安順府知府畢大錫遣人入丁旗堡責林桂祥令送官免咎桂
祥驟變團衆附者少因歸罪土匪潘長林等而以團衆送尹樹棠回
同治九年庚午。春三月初林桂祥復變據鎮甯西北中華山畢
大錫遣大平枝團首龐上儀等誘殺其黨數人桂祥勢頗孤至是大
錫復遣尹樹棠同署永鎮州知州汪廷傑前署安平知縣郭拉豐阿
等掩入中華山屯擊殺桂祥

附錄

著者曰林自清剛直坦易不識當時體制之森嚴與夫世路之
險巖任性使氣宜其不能免矣然其功在滇黔要不可沒死非
其罪聞者寃之近於鎮甯得當時地方人士申請昭雪公啓具
見公道自在人心也當在滇時七年之間三解省城之圍克復
楚雄宣威十二府州縣拔敵營千二百餘座徧體麟傷六十餘
處可謂難能已乃所部陣亡者雖經請卹迄無部文雖經奏保
亦無明令可見當在滇時媒孽之者已不乏人正不待其後之

不能見容於黔也余又獲見同治元年自清咨滇督徐之銘一
稿則滿腹冤抑不自安讀之令人感喟

或語余曰自清孔武有力人憚其威當局者先曾利誘其親信
乘間圖之卒莫之敢擢也有黎懷者幼曾陷敵後自敵中逃出
自清蓄之在營會獲勝仗倉卒無人具報懷應聲屬稿敏贖可
喜自清益等視之當局者欲圖自清因以屬懷懷轉屬之某其
人既進恐懼忽自承自清因解所御金錫遙擲之令去不問也
希祥既奉命久不得聞乃伴與交歡而豫穴牆壁迫其入座除
納其髮辨於穴中隔牆堅執之而竟脫走三道鹿角柵卒以辦
繫受刃而死蓋不殊虎兕之出於柙也

第六十一章 青號之役

同治三年甲午夏六月初八日仁懷縣城陷知縣馬鈞被害初
黔西白號竄縣屬三十灣魯般場已復有桐梓青號自南川綦江走
掠溫水桑木壩合攻縣城分掠茅台觀音場桐梓縣知縣劉汝祐始
咸同貴州軍事史 第二編下

至與鈞齟齬敵既至鈞汝祐與把總艾定國等分門守互推諉官民
意不屬先一日團首安邦雲率練百至比夜鈞不到城防盡弛夜分
忽譁傳敵已由西門入城中鼎沸汝祐遽開城逸邦雲練亦爭出去
數里始聞敵僅數十云敵執鈞索銀鈞大罵死定國及典史潘騰芳
走出定國俄遇敵馬桑坎被害騰芳至桑木壩久之亦病死 九月
初十日遵義團總唐春等仁懷縣團總蔡永清蒲正相等復仁懷縣
城正相搜獲縣印餘敵走觀音場魯般場吳馬口及黔西新場平壩
萊竹竹山時委署仁懷知縣洪用勳方道出黔西率州團同進會敵
從觀音場茅台村大至退還嚴郭松壩因祈援於雲南布政使劉嶽
昭嶽昭方駐軍合江縣 冬十月洪用勳出瓢兒井渡小河口赴仁
懷縣遇敵磨泥驚潰用勳墜巖免已復馳赴四川永甯集潰練二十
九日始入城任事時縣敵環攻白雲寨大小屯寺大屯界黔西劉嶽
昭嶽副將賀連璧擊破白雲寨敵併入大屯寺 十一月仁懷敵退
後洪用勳以城毀無可守因築屯住而集工修文二十六日敵由長

關突至團民倉皇散走復入城 十二月洪用勳及守備蔡永清率練團圖復仁懷縣城永清速撤回八營皆自潰二十二日敵出剽掠用勳乘間復入城據之

同治四年乙丑大五夏四月四川總督駱秉章奏以雲南布政使劉嶽昭率湘軍自合江援黔 十月仁懷縣青號石洪明等數出掠四川永甯防軍副將許蔭棠等屢擊不利引退至是敵過河剽掠仁懷廳屬乘龍山古蘭圖入川署同知周秉正出防土城猿猴會蔭棠復進邀敵落用仍不利 十二月石洪明復出二合樹破土城猿猴薄仁懷廳城周秉正城守敵剽掠天台山楊旂山各寨川軍來援敵引回仁懷縣

同治五年丙寅大六春正月初四日仁懷縣羊窩大小屯寺青號譚繼虞等出掠石寶寺大灘羅漢寺新授貴州提督周達武方防合江署仁懷知縣汪麗金駐官渡塘近合江因請援達武率軍擊敗之旋移防碁江仁懷廳團紳張廷堦等稟駱秉章略曰廳處偏隅距黔省咸同貴州軍事史 第二編下

遠兼以庫款支絀勢難兼顧自號匪據大小屯寺縣城不守而廳境疲於防禦然賊黨雖多半為饑寒所迫其據羊窩老號不過千餘而已去冬至今時窺廳城若順流而下恐江津合江亦危請飭大兵迅復餘城廳圍自解廳屬地方三里軍興以來所募練團防堵經費俱係民間籌辦長官平日所收釐金并未給予團練四鄉疊遭蹂躪此次焚毀米谷不下數萬碩民力已竭若賊謂知則廳城不守秉章以有劉嶽昭各軍難更增軍俟吳元彪再議進取 石洪明等掠據遵義府西鄉 二月吳元彪降石洪明汪草登尙據府西北嶽昭遺諸軍往會忠字營分剿奏釋元彪明貴改名奇忠奇義令率降眾千二百人為果後忠義兩營助剿洪明已而草登亦走回嶽昭撤遵義縣知縣馮澍募練五百弁降人宋德金等千餘人疏烏江大路澍先遣西鄉團首李玉成等進扼羊郎 夏四月初二日新授雲南巡撫劉嶽昭自遵義回四川以林肇元李家福統軍駐遵義彈壓家福擊走石洪明回黔西汪草登走桐梓太平場 秋八月初一日初汪麗金

擊下羊窩大小屯以仁懷縣復譚際虞降告未幾仍為敵據麗金走死鄉間久無耗至是嶽昭言際虞仍據大小屯汪草登等據簸箕壩大壩石洪明據菜竹山以及平壩馬滾坡羊窩縱橫五百里皆敵期先肅清仁懷後路無虞乃能前進因檄前鋒諸軍刻因會剿自駐温水策應 九月記名提督謝景春總兵宋華美等毀仁懷馬滾坡簸箕壩大小屯羊窩諸敵均入平壩副將鄒復勝亦毀來蘇場來會攻平壩嶽昭以仁懷空虛留總兵吳安康副將楊正高同代辦知縣鍾毓珣防守 鄒復勝等再毀平壩菜竹山敵壘吳安康等專復仁懷禽譚際虞殺之青號平

第六十二章 曹元興之役

同治四年乙丑大五春正月初曹元興本武岡州僧游黔自咸豐七年同鎮遠舉人周佩蓮武舉田玉林辦鎮遠石阡思州三府團練元興屯唐家營佩蓮屯金鼎山玉林屯響鼓平是為三屯後均屬元興貴東道韓超令變服受節制檄署清江協副將鎮遠陷三屯亦失元咸同貴州軍事史 第二編下

興走玉屏湘軍入黔元興為導復三屯超令率降眾耕守防苗教已而思州府知府陳昌運以守備鄭大成代之調元興防天柱移軍清洞防堵款場三年夏眾潰軍械悉為敵有湘軍獲其械遂以元興通敵告至是天柱玉屏相繼失敵出入湘邊天柱之陷咸叢叢焉先是鎮遠府知府龔世增嘗稱元興通敵尙無確據至其退縮貽誤控飾復城則為人所共知云湖南巡撫惲世臨因奏陳元興不法狀密令總兵周洪印圖之洪印以湖南候補知縣楊昌江本天柱人與元興有舊十一日誘至便水驛殺之

第六十三章 程尙文之役

同治四年乙丑大五夏閏五月十六日定番穀種團首程尙文變陷州城代理知州德慶道三都署定廣協王丕烈遁九龍山尙文原駐雷公屯會充德慶練目夙與校場壩團首吳保齋有隙保齋告尙文通敵德慶撤其練至是遂結眾先一日劫殺保齋弟兄卒至州城練眾內應遂陷巡撫張亮基檄貴定縣知縣兼清平縣知縣嚴雋熙